


---

This is a reproduction of a library book that was digitized by Google as part of an ongoing effort to preserve the information in books and make it universally accessible.

Google<sup>TM</sup> books

<https://books.google.com>





## Über dieses Buch

Dies ist ein digitales Exemplar eines Buches, das seit Generationen in den Regalen der Bibliotheken aufbewahrt wurde, bevor es von Google im Rahmen eines Projekts, mit dem die Bücher dieser Welt online verfügbar gemacht werden sollen, sorgfältig gescannt wurde.

Das Buch hat das Urheberrecht überdauert und kann nun öffentlich zugänglich gemacht werden. Ein öffentlich zugängliches Buch ist ein Buch, das niemals Urheberrechten unterlag oder bei dem die Schutzfrist des Urheberrechts abgelaufen ist. Ob ein Buch öffentlich zugänglich ist, kann von Land zu Land unterschiedlich sein. Öffentlich zugängliche Bücher sind unser Tor zur Vergangenheit und stellen ein geschichtliches, kulturelles und wissenschaftliches Vermögen dar, das häufig nur schwierig zu entdecken ist.

Gebrauchsspuren, Anmerkungen und andere Randbemerkungen, die im Originalband enthalten sind, finden sich auch in dieser Datei – eine Erinnerung an die lange Reise, die das Buch vom Verleger zu einer Bibliothek und weiter zu Ihnen hinter sich gebracht hat.

## Nutzungsrichtlinien

Google ist stolz, mit Bibliotheken in partnerschaftlicher Zusammenarbeit öffentlich zugängliches Material zu digitalisieren und einer breiten Masse zugänglich zu machen. Öffentlich zugängliche Bücher gehören der Öffentlichkeit, und wir sind nur ihre Hüter. Nichtsdestotrotz ist diese Arbeit kostspielig. Um diese Ressource weiterhin zur Verfügung stellen zu können, haben wir Schritte unternommen, um den Missbrauch durch kommerzielle Parteien zu verhindern. Dazu gehören technische Einschränkungen für automatisierte Abfragen.

Wir bitten Sie um Einhaltung folgender Richtlinien:

- + *Nutzung der Dateien zu nichtkommerziellen Zwecken* Wir haben Google Buchsuche für Endanwender konzipiert und möchten, dass Sie diese Dateien nur für persönliche, nichtkommerzielle Zwecke verwenden.
- + *Keine automatisierten Abfragen* Senden Sie keine automatisierten Abfragen irgendwelcher Art an das Google-System. Wenn Sie Recherchen über maschinelle Übersetzung, optische Zeichenerkennung oder andere Bereiche durchführen, in denen der Zugang zu Text in großen Mengen nützlich ist, wenden Sie sich bitte an uns. Wir fördern die Nutzung des öffentlich zugänglichen Materials für diese Zwecke und können Ihnen unter Umständen helfen.
- + *Beibehaltung von Google-Markenelementen* Das "Wasserzeichen" von Google, das Sie in jeder Datei finden, ist wichtig zur Information über dieses Projekt und hilft den Anwendern weiteres Material über Google Buchsuche zu finden. Bitte entfernen Sie das Wasserzeichen nicht.
- + *Bewegen Sie sich innerhalb der Legalität* Unabhängig von Ihrem Verwendungszweck müssen Sie sich Ihrer Verantwortung bewusst sein, sicherzustellen, dass Ihre Nutzung legal ist. Gehen Sie nicht davon aus, dass ein Buch, das nach unserem Dafürhalten für Nutzer in den USA öffentlich zugänglich ist, auch für Nutzer in anderen Ländern öffentlich zugänglich ist. Ob ein Buch noch dem Urheberrecht unterliegt, ist von Land zu Land verschieden. Wir können keine Beratung leisten, ob eine bestimmte Nutzung eines bestimmten Buches gesetzlich zulässig ist. Gehen Sie nicht davon aus, dass das Erscheinen eines Buchs in Google Buchsuche bedeutet, dass es in jeder Form und überall auf der Welt verwendet werden kann. Eine Urheberrechtsverletzung kann schwerwiegende Folgen haben.

## Über Google Buchsuche

Das Ziel von Google besteht darin, die weltweiten Informationen zu organisieren und allgemein nutzbar und zugänglich zu machen. Google Buchsuche hilft Lesern dabei, die Bücher dieser Welt zu entdecken, und unterstützt Autoren und Verleger dabei, neue Zielgruppen zu erreichen. Den gesamten Buchtext können Sie im Internet unter <http://books.google.com> durchsuchen.







34. m. 6

















# La uie St. Thomas le martir,

Altfranzösisches Gedicht

aus einer Wolfenbüttler Handschrift (¹) herausgegeben

von

H<sup>rn</sup>. BEKKER.



[Vorgelegt in der Akademie der Wissenschaften am 2. August 1838.]

- fol. 1 . . . . . Li mesagier le rei furent mult uezié  
quant uirent qu'il esteient ensi poi auancié.  
l'apostolie Alissandre unt ensi araisnié  
"sire, li reis uus ad porté grant amistié:  
5 bien li deuriez faire co qu'il uus ad preié.  
Kar li reis nel fait pas pur nului deposer,  
mais pur co qu'il uoldreit l'arceuesque mater  
s'à sa uolenté ne le peust aturner,  
e qu'il li peust bien, ueant ses clers, mustrer  
10 que il le purreit bien, se il uoleit, greuer."  
"Autre legatium" fait lur il "n'i aurez."  
il fist ses briefs escrire, si lur auait liurez.  
en Engleterre uunt, al rei les unt mustrez.  
quant uit qu'il ne purra faire ses uolentez,  
15 mult ad poi ices briefs e preisiez e amez.

---

(¹) 34. 6. Ms. Aug. 4 (vgl. Ebert Überlief. 1 S. 181), 85 Pergamentblätter in folio, die Seite zu 6 Stanzen, jeder Vers mit einem farbigen Anfangsbuchstaben, abwechselnd blau oder roth. Angebunden sind Lateinische Synodaldekrete, von anderer Hand und in anderem Format. Eine vollständigere Handschrift soll im Brittischen Museum sein.

*Philos.-histor. Abhandl.* 1838.

Il en fist nepurquant mainte feiz mustreisun,  
 quel uirent li euesque li cunte e li barun.  
 si lur diseit "ucez, i'ai la legatium.  
 l'arceuesque puis metre en grant confundeisun."  
 20 mais il ne li puet faire nul altre greueisun.

Quant il n'en put faire el, griefment li anuia,  
 a le pape Alissandre les letres renueia,  
 e clers e saint iglise durement guerrea,  
 e partut là ù peut les clers forment greua,  
 25 e mult mortal semblant l'arceuesque mustra.

Entre lui e le rei resurst mult grant meslee  
 des fous clers ki esteient par male destinee  
 larrun e murdrisur e felun à celee.  
 li reis en uolt auoir la lei de la cuntree,  
 30 mais l'arceuesques ad cele lei desturnee.

**b** Par tut le monde est leis, tut par dreit estableie,  
 e en cristienté e nis en paenie:  
 qui pris est à embler u à tel felunie,  
 la iustise en seit faite e pleniére e furnie.  
 5 pur pere ne pur mere n'est esparnié mie.

Pur cò uoleit li reis, e il e si barun,  
 que se nuls ordenez fust pris à mesprisun,  
 cumme de larrecin u murdre u traisun,  
 dunc fust desordenez par itele raisun  
 10 e puis liuré à mort e à desfactiun.

Pruueires e diacnes plusurs en i ot pris,  
 larruns murdreiseurs en la rei prisun mis;  
 c'areté mult suuent erent par le pais,  
 as cunciles mené là ù lur ert asis  
 15 u qu'il fussent desfaiz u penduz u ocis.

L'arceuesque Thomas pur els se conbateit.  
 les hummes sun seigneur à estrus demandeit.  
 s'il auoient mesfait, pur co nes guerpiseit.  
 mais bien offreit partut qu'il les aureit à dreit  
 20 en la curt dampnedeu, se nuls les chalengeit.



De tut ico ne uolt li reis rien graanter,  
nes en larra ensi en nule guise aler,  
mais tut ainceis les uolt faire desordener:  
à la iustise puis les cumande à liurer  
25 à pendre u à ardeir u uifs à desmenbrer.

Al tens à sun aioel esteient il desfait,  
li clere qui erent pris à si uilain mesfait:  
pur co uolt or auer que rien n'en seit enfreit.  
la custume e les us sun aiwel entresait:  
30 iamar entendra mais li arceuesques plaît.

2 L'arceuesques respunt: ia ensi ne sera,  
mais sulunc deu partut à dreit les maintendra,  
e sulunc les decrez bien les iustisera.  
Saint iglise en dreit li abaissier ne lerra,  
5 ne à laie iustise les clers ne liuerra.

"Clerc ne deiuent" fait il "à uoz leis obeir  
"ne pur un sul mesfait duple peine souffrir,  
estre desordené e puis des cors perir.  
pur co les uoil partut à raisun maintenir,  
10 ne ia pur nule rien n'en me uerrez flechir.

Bien uus otrei que seient li clerc desordené,  
tuit cil ki mais serunt à tel mesfait troué:  
mais dunc serunt tut quite de lur membres clamé;  
e se puis resunt pris, dunc seient essorbé  
15 escorchié u pendu à uostre uolenté.

Essamples de iustise ne deit pas estre pris  
à cels qui de sei funt tut co qu'il unt enpris,  
n'à ceaus qui seculer furent e sunt tuz dis,  
mais à cels à deus a sun saint esperit mis:  
20 autrement en ert hum enuers deu entrepris.

Dauit li reis qui out en sei saint esperit,  
quant il out Salemun sun fil à rei escrit,  
grant partie del pueple li auait contredit,  
e si unt Adonie sun fil à rei eslit;  
25 Abiathar le uolt sacrer al deu despît.

D 2

Pur cel cisme qu'il fist contre deu e raisun,  
 pur iugier fu menez deuant rei Salemun.  
 mais li reis nel uolt pas metre à desfactiun,  
 ainz li dist qu'il alast maneir à sa maisun.  
 30 mais de tut sun mestier li fist suspensiun.

b

D'un sul mesfait ne deit nuls huem dous feiz perir:  
 quant li clers pert sun ordre, nel puet hum plus hunir.  
 quant io dei saint iglise e les clers maintenir,  
 les maintendrai tuz dis pur deu ki dei seruir.  
 5 pur uie ne pur mort ne m'en uerrez flechir.

Quant ueit li reis Henris que ueindre nel purra,  
 ne que les clers forfaiz desfaire ne lerra,  
 mult durement uers lui en ire s'enflamba,  
 e tres bien li pramet que il l'abaissera  
 10 e là ù il le prist que il le remettra.

Lungement ad duré entre els dous cist estris:  
 l'arceuesque ne puet flechir li reis Henris.  
 tut ades mainteneit les fols clers entrepris.  
 tut sul se conbateit, n'i ot gueres amis:  
 15 car tuit pres li euesque s'esteient al rei pris.

Li autre l'unt laissié tut sul enmi l'estur,  
 e le corn unt baillié en main à pecheur,  
 ne l'espee deu traire ne n'osent pur pour:  
 car plus criement asez le terrien seigneur  
 20 que il ne funt Jesu le puissant creatur.

Ahi las e chaitif! dites mei que cremez?  
 cremez uus que uus toille li reis uoz poestez?  
 par ma fei nel fera, se tenir les osez.  
 uus n'estes pas euesque: le sul nun en portez.  
 25 co que à uus apent, un sul puint ne gardez.

Les autres deuriez mener e aucier,  
 e uus les faites tuz chair e trebuchier.  
 nis le rei del pais faites uus desueier.  
 uus ne li deuez pas tut son uoil conseilier,  
 30 ainz le deuez suuent reprendre e chastier.



3        Deus uus ad comandé sun berzil à garder,  
e s'il est uostre oelle, uus le devez mener.  
le pastre deit tuz dis le forain retourner  
e l'oelle malede sur l'espaule porter;

5 ne la deit pas laisser al larrun estrangler.

Vus estes mercenier: des uerais poi i a.  
li reis le ueit tres bien: plus uils uus en aura.  
deus quil mist enz el regne, à uus le demandra.  
uus l'auiez à garder. quant se conuertira,  
10 tuz ceus qui cest conseil li dunerent harra.

Li reis deit guuerner la terriene gent,  
e uolt auoir ses lais les plus à sun talent.  
li lai uolent tenir lur establissement  
e lur us, si cum orent deuant els lur parent..  
15 deus est celestien, e sa lei ensement.

E le rei e les clers uoil ore demander  
lesqueles leis deiuent cristien mielz garder,<sup>1</sup>  
u celes que establirent Sarazin e Escler  
e les genz par le mund pur les feluns danter,  
20 u iceles que firent li saint hume enbreuer.

Reis, purpense te mielz. ne creire lur conseil.  
mult sunt faus li prelat que tu as pris al breil.  
plus sunt fuiant del ros quant il est el tueil.  
quant trechent lur seigneur, poi te serunt fecil.  
25 ne te creire à la nuit; dune tei al soleil.

Lai saint iglise auoir ses decrez e ses leis.  
ele est epuse deu qui est sire des reis.  
il s'en corecera, se de rien la descreis.  
bientost te sufferra un an u dous u treis,  
30 u trenté u uint u dis, semaine iur u meis.

6        Se or uesquist Nerun, ia truuast tost Symun  
qui suduit tut le mund e par buche e par dun.  
Rume fu maisun deu: or est fosse à larrun.  
Moyses est tut suls el regne Pharaun,  
5 n'i puet mie trouer de sun frere Aaron.

Li clerc sunt seriant deu e de se electiun,  
 eslit es sorz des sainz: de co portent le nun.  
 quelqu'il seient, seriant sunt en la deu maisun.  
 n'i as à metre main nis el petit clerzun,  
 10 puisqu' est duné à deu, s'es gardez la raisun.

Reis, se tu es enuinz, curune d'or portant,  
 ne deiz estre en orgueil, mais en bien reluisant.  
 à tun pueple deiz estre e chiefs e lur chalant.  
 ne la portes ades, n'aouec ne fus naissant.  
 15 la glorie d'icest mund n'est lungement durant.

Li clers porte sun merc en sum le chief ades.  
 ne li est pas al cors mais à l'aneme grant fes.  
 tunduz est cumme fous e de luinz e de pres.  
 ne deit estre orguillus uers nului ne engres:  
 20 humbles deit estre à tuz e partut porter pes.

Li clers est corunez; deus deit en lui seeir.  
 aprendre deit tuz dis; mult li couient saueir.  
 discretiun e sens deit en tuz lius auoir.  
 mais deus ne li a pas duné si grant poeir  
 25 que ses pechiez nel pusse cum humme deceueir.

Li clers deiuent les lais e lur anemes garder.  
 nuls ne deit sun prelat, ne clerc ne lai, dampner.  
 pur co ad um fait prelat sur prelat aleuer.  
 cel qui mesfait, deit lun à sun prelat liurer.  
 30 par tel lei cum il uit, le deit lum demener.

4 Li clerc forfait serunt à l'euesque liuré.  
 en quel guise e coment serunt desordené?  
 coment serunt li mot del sacrement osté?  
 e qui puet dessacrer co que deus ad sacré?  
 5 n'est pas dreiz, co m'est uis, mais lei à uolenté.

Quant est desordenez, s'il puet à Rome aler,  
 s'il i puisse la grace l'apostolie encontre,  
 qu'il li duinse cungié sulement de chanter,  
 erramment li uerrez la messe celebrer;  
 10 e si nel fera pas altre feiz ordener.

Co que deus a sacré ne puet nuls dessacrer,  
ne nul cristien humme nuls descristianer.  
mais que de saint iglise le puet um bien seurer.  
n'otrei pas, s'il est pris, qu'um le laist mie aler,

15 qu'um le laisse en auant, cum il soleit, ourer.

Le fel ne dute pas le desordenement.  
l'ordre aime e prise poi, quant il murdrist la gent,  
emble altrui aueir e à force le prent.  
ne crient humme ne mort ne furkes ne turment.

20 qui l'en larra aler pusqu'est pris, ia n'ament.

Ensi est del felun cum il fu del sengler,  
dunt uus auez oi en Auïen cunter;  
qui soleit les furmenz al riche humme guaster.  
par dous feiz i fu pris: si l'en lascia aler,

25 mais ainceis li fist lum les oreilles couper.

Quant il i esteit pris, li produem li roueit  
que mais n'i repairast. se mais i reueneit,  
bien li aseurout que il le conpereit.  
puis l'en laissout aler, mes primes le merkeit.

30 tierce feiz i fu pris; pas ne s'en castiheit.

b

Idunkes fu ocis e al coeu fu liurez.  
li keus mania le cuer. quant li fu demandez,  
fist al seignur acreire que senz quer esteit nez:  
car se il eust quer, il se fust purpensez.

5 le fel est tuz dis fels, ne iamais n'iert senez.

Pur co esguard par raisun, e bien l'os afichier,  
que se li clers forfait à perdre sun mestier,  
face le sis prelaz en sa chartre lancier,  
qu'il ne puisse iamais hors d'iluec repairier.

10 iluec purra, s'il uolt, ses mesfaiz adrecier.

Quant deus ot fait Adam e mis en paradis,  
pur le mesfait qu'il fist ne fu il pas ocis,  
mais en cest dolerus mund fu en chartre mis.  
en peine e en tristur fu tant cum il fu uis,

15 e pur espenir co qu'il ainceis ot mespris.



E Adam e li clerc ne n'unt chief se deu nun.  
 pur co ai fait, co m'es uis, dreite comparisun.  
 e se li clers est pris mais à tele misprisun,  
 face le sis prelaz ieter en sa prisun.

20 bien se puet apuier li reis à ma raisun.

La terriene leis ne deit nul esparnier  
 pur les feluns danter et pur 'els chastier.  
 mais la pitié de deu ne uolt nul esluignier,  
 ainz uolt que le fel uiue, qu'il se puisse espurgier  
 25 e sun pechié guerpier e à deu repairier.

Co parut en Adam qui tuz premiers mesfist.  
 deus le uesti de peals, lui e nus mortals fist.  
 es ouraignes Adam nostre terre maudist,  
 qui nus germe pechiez e dunt poi de biens ist.  
 30 aneme ne maudist pas qu'al ciel ne reuenist. . . . .

5 Desdire les uoleit li bers del iugement:  
 mais mult li unt prié trestuit communement  
 qu'il laist cel ire ester nel desdie neent,  
 face la uolenté le rei e sun talent.

5 einsi purra trouer uers lui ameisement.

Le iugement li unt fait einsi graanter  
 e de ces treis cenx liures pleges al rei trouer.  
 erramment les troua, n'en pout par el passer.  
 e quant troué les out, sil funt en plait entrer  
 10 e del plait cel Johan le nunt achaisuner.

Ne uolt iluec respundre, co lur respunt li ber:  
 car cil fu en sa curt, e ne solt pas mustrer  
 qu'um li fesist nul tort. e quant s'en uolt turner,  
 ne uolt sur altre liure le serement iurer  
 15 for de sur un dropier qu'il i fist apporter.

N'est pas us del pais que len iurt sur tropier,  
 mais à quatre ewangelies deit lum agenuillier.  
 mais par tel serement quida deu enginnier:  
 mais dedenz cel an porent sa char li uer rungier  
 20 e les cors ses dous fiz, qui li erent mult chier.

Ne uolt uncore pas li reis à tant souffrir:  
ainz uolt de lui, co dit, ses acutes oir,  
quant sis chanceliers fu, de quanqu'ot à baillir.  
l'arceuesque respunt qu'il n'en uolt plait tenir:  
25 iurs ne li ert asis des acutes furnir.

Li reis li a mandé qu'il seit prez l'endemain  
de respundre e de rendre sun acunte tut plain.  
l'arceuesque respunt, qui n'out pas le quer uain,  
n'iert pas reissables iurs de tenir plait certain.  
30 li reis iure les oilz, uenir li couient main.

b Quant uit que il n'aura l'amur al rei Henri,  
as piez lui est chau: si li cria merci.  
fait l'a e eshaucié, co conut e gehi;  
e co qu'il li ad fait, qu'il ne desface ensi.  
5 "par les oils deu" fait il, "or m'aez uus huni."

En l'autre chambre auant s'en est li reis alez,  
de maltalent e d'ire e tainz e tressuez.  
l'euesques auait tuz deuant sei mandez:  
sul remist l'arceuesque, cum s'il fust esguarez.  
10 "pur les oils deu" fait il, "dites, que m'en loez?"

L'arceuesque Thomas ad esté mis seruanz:  
mes rentes ad cuilleites tutes par plusurs anz.  
pur co qu'est arceuesque n'en uolt estre rendanz,  
ne d'acunte ne d'el. oir uoil uoz assanz."  
15 nul d'els ne dist un mot; tuz les troua taisanz.

Quant les en uit si mus, mult en fu enflambez.  
"pur les oils deu" fait il, "ne m'en asenserez."  
dunc s'esteit uers l'euesque de Wincestre turnez.  
"sire pere" fait il, "e uus que m'en loez?"  
20 li plus anciens estes: asenser nus deuez."

"Sire" fait li euesques, "quant à mei l'aez quis,  
tut co uus en dirai que mei en est auis.  
ia puisqu'il ert sacrez, n'ert à uos leis suzmis.  
ne uus rendra acunte, s'il fu uostre baillis.  
25 mult bien uus i gardez ainz qu'il seit à co pris."

Dunc par esteit li reis en grant ire muntez,  
 quant hum ne li iuga tutes ses uolentez.  
 ariere est en la chambre par mautalent entrez.  
 li arceuesques est encontre lui leuez:

30 cum s'il fust uns garcuns, li est al pié alez.

6 E tuit li autre euesque li sunt chau as piez.  
 pur l'arceuesque prient: mes ne s'est puint plaisiez.  
 quant les uit tuz ensemble entur li arengiez,  
 mult fort les esguarda. si lur dist tut iriez  
 5 "ne fu mais par les suens nuls hum si auilliez."

Or ueit li arceuesques, altre plait n'i fera.  
 quant il uint uers lu seir, à l'ostel s'en ala.  
 li mals del flanc le prist, iur e nuit li dura.  
 achaisunus en ert, e suent li greua.

10 par cel ire qu'il out dunc lui renouela.

Mais li reis l'endemain pur lui main enueia,  
 e iure les oilz deu que sun acunte aura.  
 il dit, n'i puet aler. d'anguisse tressua.  
 e se deu plest, co dit, que ses mals tresira,  
 15 e qu'il irra à curt si tost cum il purra.

Li reis iure les oilz, uenir li estoura.  
 qu'il uoille u nun, ses acuntes rendra;  
 e que plus ert malades, de tant plus l'anguissa.  
 l'arceuesque Thomas encontre li manda:

20 pur amur deus le sueffre, ki tut le mund cria.

Quant ueit li reis Henris qu'il nel purra aueir,  
 quida qu'il se fainsist tut pur lui deceueir.  
 dous cuntes enueia pur s'enferté ueeir,  
 celui de Leircestre, qui prist out de saueir,  
 25 e cel de Cornewaille, que l'en dient le ueir.

Quant il uindrent là, uirent s'enfermeté.  
 dient li que li reis li ad par els mandé  
 que il uienge à la curt. il lur aueit mustré  
 que ses mals l'ot la nuit mult durement greué  
 30 e encore le tint, mais un poi out sué.

*b* E prie lur pur deu que le leissent gesir.  
e se li reis le uolt tresqu'al demain souffrir,  
il irra à la curt: si orra sun plaisir.  
nel larra qu'il n'i aut pur uiure u pur murir.

5 ainz s'i fereit porter sur biere e sustenir.

De part li rei li unt icel respit duné.  
dient, li reis uoldra l'endemain par uerté  
ses acutes oir, n'iert pur rien desturné.  
il i ira, co dit, e il s'en sunt turné.

10 si unt mustré al rei co qu'il i unt troué.

Le iur meesmes puis li fu bien acuintié,  
e dui riche barun li unt pur ucir nuncié,  
que s'il alout à curt, si ert apareillié,  
il ert mis en prisun, ne uerra mais sun pié;

15 u il sera ocis, ne serad purluignié.

Quant il l'oi, la char l'en prist tute à fremir.  
uns sainz huem li a dit, cui il l'ala gehir,  
que l'endemain matin, quant deura deu seruir,  
qu'il chant de saint Estiefne le primerain martyr:

20 ia puis ne li purrunt si enemis nuisir.

L'endemain se leua li bers en la iurnee:  
car l'anguisse li ert de sun mal trespassee.  
en grant deuotium cele messe ad chantee  
e à deu sun seignur ad sa cause mustree,  
25 e pria qu'il le guard de male destinee.

Purquant pur cele messe que il idunc canta  
li euesques de Lundres, qui pur le rei parla,  
par deuant l'apostolie puis l'en acusa,  
e dist, pur sorcerie cele messe chanta  
30 el despit le rei. mais le ueir trespasa.

*7* Mais quant il ot chanté, n'esteit pas despuilliez  
mais il oec s'est asis ensi apareilliez.

pur les euesques ad ses hummes enueiez.  
quant il furent uenu, bel les ad araisniez.

5 "seignur" fait il à els, "pur deu me conseiliez.

E 2

Car li reis est uers mei munté en si grant ire  
 que nuls hum ne purreit ne demustrer ne dire  
 cum grant mal il me quiert od le mielz de l'enpire.  
 bien sauez e ueez a quei il tent e tire,  
 10 ne nuls fors dampnedeus ne m'en puet estre mire.

E pur co me dut mult e sui en grant esfrei:  
 car io sai le conseil e le secrei le rei.  
 li plus priué de lui le m'unt mustré en fei.  
 e pur co uoil aler à curt en cest conrei  
 15 e la cruiz en ma main pur seurté de mei."

Dunc respunt li uns d'els, qui rien n'en senheite  
 e le conseil le rei e aguise e receite,  
 "sire, que uolez faire? ne freez si grant freite  
 que uus algiez à curt el puing l'espee treite:  
 20 car iamaiz ne serreit la medlee desfaite.

Se uus alez ainsi l'espee traite à curt,  
 uostre hauberc uestu, en main uostre behurt,  
 entre uus e le rei e ire e graigne en surt,  
 ne iamaiz n'iert qui pes entre uus dous aturt,  
 25 ne iamaiz n'iert uns iurs saint iglise n'en plurt.

Mult estes uers le rei enpeiriez e medlez.  
 s'ensi alez à curt, grant hunte li freez.  
 uus querez la metlee, s'od arme i alez.  
 uostre espee est reburse, ses branz est acerez.  
 30 s'il trait sur uus s'espee, sustenir nel purrez.

b Metez ius uostre cruiz, faites uus desparer  
 e faites uostre cruiz deuant uus là porter.  
 en grant humilité deuez à curt aler,  
 que nuls ne uus en puisse reprendre ne blasmer.  
 5 de pes en purra l'un uers le rei mielz parler."

Dunc respondi li bers humblement à cel ure  
 "io n'ai pas trait m'espee, ne io ne li cur sure;  
 n'autrui ne baillera la cruiz, qui ki i acure.  
 pais quier: co peise mei que nuls la me demure,  
 10 e mult serrai dolenz se saint iglise en plure.

Ne io ne quier al rei ne mal ne deshonor.  
n'a humme en tut le siecle qui plus desirt s'onur.  
e mult sui io dolenz que io ai sa haur.  
e se s'espee tranche, la meie ad grant reidur.  
15 e obeir m'estuet al suuerain seigneur.

Or uns pri e comant, tel conseil me doinsiez  
que io ne seie à deu ne al siecle auilliez."  
"sire" fait li uns d'els, "car uns humiliez.  
al rei en sa merci l'arcieusquié laissez.  
20 n'aurez pes autrement: à seur en seiez."

"Mal conseil me dunez," fait il; "ia nel freai.  
or alez à la curt, e io m'aturnerai.  
al plus uerai conseil, se deu plaist, me prendai."  
dunc s'esteijt desparé de l'aube senz delai.  
25 en chape e en surpliz remist: car bien le sai.

A la curt en ala quant il i fu mandez.  
par desuz le surpliz s'est de l'estole armez,  
d'une chape à canoine par desus afublez:  
car bien sot qu'il esteit al rei forment metlez.  
30 sur un cheual munta, à deu s'est comandez.

8 Mult reduta le rei e sun fier maltalent.  
del tut le cunut bien senz nul receilement,  
cumme cil qui l'auait serui mult longement;  
e sout bien que li reis le hai durement  
5 e que mult poi amis ot à cel parlement.

Mult m'esmerueil pur quei li reis si le hai,  
se pur co nun qu'il ot sun seruise guerpi  
e sun conseil del tut out de lui departi,  
e qu'il s'osa drecier uers lui neinsi neinsi  
10 n'ert pas tant gentils huem: fieble erent si ami.

E pur co que li reis l'auait tant eshaucié  
e mustré li auait souent grant amistié,  
qu'en tute rien li out sun conseil acointié.  
ainc ne troua li reis qui plus l'ait corecié.  
15 grant desdeig li sembla qu'il l'auait commencié.



Curuz de rei n'est pas gius de petit enfant.  
 qu'il comence à hair, seit pur poi u pur grant,  
 iamaïs ne l'amera en trestut sun uiuant.  
 co que li reis uolt est leis, co dient li alquant.  
 20 as terriens seignurs sunt tuit obeisant.

Li huem deu out guerpi le terrien seignur  
 e se fu pris del tut à deu sun creatur,  
 qui il uoleit seruir en fei e en amur;  
 e sout bien qu'il suffereit un mult pesant estur.  
 25 plus cremi de prisun que de perdre s'onur.

A la curt en ala sainz Thomas li bons prestre,  
 e prist les armes deu, que seurs peust estre.  
 la cruiz arceuesqual fist porter à sa destre,  
 e la reïsne del frein tint en la main senestre.  
 30 fait out sun auocat de Jesu Crist sun mestre.

b Tut dreit deuant la sale est à pié decenduz.  
 laienz en est entrez. sis cheuals fu tenuz.  
 assez i ad troué e ioeuenes e chanuz.  
 en sa main prist la cruiz quant fu laienz uenuz.  
 5 en sa chambre ert li reis od ses plus priuez druz.

Laienz entra Thomas od mult poi conpaignuns:  
 poi i mena des suens, si cum nus l'entenduns.  
 le rei i a troué od ses priuez druguns,  
 euesques e abez e cuntes e baruns.  
 10 tuz suls entra en champ cumme bons champiuns.

Li euesque se sunt encontre lui drecié.  
 de la cruiz l'unt blasmé qu'il porte, e chastié:  
 car le rei sun seignur en a mult auillié,  
 e uers lui en charra en grant enemistié.  
 15 or la baille à un altre: co li unt conseillié.

Robert de Herefort li ala demander.  
 euesques est, co dit: bien li puet comander.  
 li euesques de Lundres i ala dreit clamer.  
 ses deïens est, co dit: par dreit la deit porter.  
 20 des mains la li uoleit par uiue force oster.

“Fous,” fait il, “tuz dis fustes e estes e serrez,  
quant uus l'espee traite de sur le rei uenez.  
s'il trait sur uus la sue, coment uus defendrez?  
car grant hunte li faites quant en sa cur tentrez  
25 cum en feu e en flambe, de uostre cruiz armez.

Mais metez ius la cruiz: un autre la liurez.  
nostre seignur le rei en ire ne metez.”  
fait icil de Wincestre “sire euesque, suffrez.  
laissiez ester sa cruiz: car ne la baillerez.

30 n'est trop buens à porter la cruiz que uus ueez.”  
9 Mult se sunt entremis de lui la cruiz tolir:  
mais ne la uolt pas à nul d'els tuz guerpîr.  
à dous puinz tut ades li ueissez tenir.  
poi i out des euesques qu'il uolsist sustenir:  
5 mais Rogiers de Wirecestre ne li uoleit guenchir.

L'arceuesque Thomas tut auant s'en ala.  
la cruiz arceueskal il meismes porta.  
à nul ne l'ad baillié: car forment se duta.  
de sur un banc s'asist e à deu s'apuia.  
10 en sa main tint la cruiz, en sun quer la porta.

En l'autre chambre auant sist li reis od ses druz,  
à ses conseilz teneit od les mielz coneuz.  
deuant lui n'esteit pas l'arceuesques uenuz:  
car li reis ert uers lui en ire commeuz.  
15 le iur unt tuz lur plaiz par amparliers tenuz.

Ire e malueis conseil unt le rei deceu,  
qui l'unt uers le saint humme isi fort commeu.  
li reis auait sun estre ainces bien coneu:  
or quidout qu'il fust tels cum il l'out ainz ueu.  
20 trestut esteit changiez: sainz espiriz en lui fu.

Dunc li uoleit li reis des clers faire plaidier:  
mais li barun li unt fait tut cel plait laisser.  
car se nul plait uolsist uers les clers comencier,  
les euesques uerreit tuz ensemble alier,  
25 n'ensi ne purreit pas l'arceuesque plaissier.

Là ù sist sur le banc, entre lui e le rei  
 alouent li barun, dui e dui, trei e trei.  
 del plus priué conseil li fu dit en requei,  
 sa mort ert aprestee, presist garde de sei.  
 30 e li pluisur s'esteient iuré e pris par fei.

6 Je ne sai se li reis l'out fait apareillier,  
 qu'il uolsist l'arceuesque faire ocire u lier:  
 mais einsi li alerent le iur souent nuncier.  
 puet cel estre, li reis le uoleit esmaier,  
 5 que il le peust mienz par manaces plaissier.

Dunc ad fait deuant sei uenir li reis Henris  
 les euesques. sis ad forment à raisun mis,  
 e uolt que il li tiengent co qu'il li unt pramis,  
 qu'il tendrunt les custumes e les leis del pais,  
 10 e que li arceuesques n'en sera point eschis.

A l'arceuesque en nunt li euesque parler.  
 dient que lur estuet les leis le rei garder:  
 car par obedience les lur fist graanter  
 et in ueritatis uerbo parcunfermer.  
 15 en nul sens ne s'en uolent uers lui desleeler.

E lui meismes, co dient, les estoura tenir:  
 car il les graanta. ne s'en deit resortir.  
 e serement en fist: ne s'en puet desmentir.  
 e li reis le uolt ore e saueir e oir,  
 20 se de sa leauté uolt enuers lui guenchir.

Quanqu'il unt dit, a bien sainz Thomas esculté:  
 puis lur a respundu od grant humilité.  
 "deus est en lui," fait il, "ki aime uerité;  
 ne cil n'aime pas deu qui n'aime leauté,  
 25 e deus het tricherie e tut iniquité.

E les leis que nus dites, à quei li reis s'alie,  
 ne sunt de leauté, ainz sunt de felunie,  
 contre deu e raisun, pur destruire clergie.  
 ne io nes tendrai pas pur rien qui seit en uie.  
 30 par sainte obedience defent nes tiengiez mie.

10 N'est pas sages qui chiet quant ne uolt releuer,  
e mielz uient tost resurdre que trop i demurer.  
e pur co que la curt me uolt si fort greuer,  
e uus qui od raisun<sup>1</sup> deuriez od mei ester,  
5 apel io: car ne uoil contre raisun aler."

Quant ueit li arceuesques prist sei à purpenser,  
la curt à l'apostolie li estut apeler,  
saueir s'il se purreit par issi deliurer.  
e uit tut entour li les euesques ester:  
10 uns suls d'els pur le rei ne uol un mot tinter.

Or ueit bien e entent qu'um uait sa mort querant,  
e ueit tuz les euesques entour li en estant.  
"seignurs" fait il, "l'apel: kar mestier en ai grant:  
car cist curuz me uait mult durement greuant."  
15 "sire" fait cil de Lundres, "relaissiez mei de tant."

"Sire" fait cil de Lundres, "de tant me relaissiez."  
"nel ferai" fait li il: "mais se io sui tuchiez,  
à uus le comant que la iustise en faciez,  
que uus pur nule rien nului n'esparniez."  
20 dunc fu cil de Wincestre durement esmaiez.

"Sire" fait il, "pur deu: car entendez à mei.  
rendez en sa merci l'arceueschié al rei.  
n'aurez pes autrement: tut cleirement le uei."  
il nel dist pur nul mal, mais en conseil de fei.  
25 surdre i uit grant peril e mult mortal desrei.

"Nel ferai" fait li il. "diuine dignité  
ne rendrai à lai humme en trestut mun eé:  
car cunte deu sereit e contre leauté."  
fait dunc cil de Cicestre "la meie uolenté  
30 remaindriez, Thomas, senz ceste poesté."

b Quant li pluisur entendent qu'um quist l'encombrement  
de Thomas l'arceuesque, mult en furent dolent.  
l'arceuesque Rogier apelent erramment  
e l'euesque de Lundres, quil hai durement,  
5 e celui de Cicestre, qui ne l'ama neent.

"Seignurs, pur amur deu, nel faites pas einsi.  
 s'un ocit l'arceuesque, uus en aurez le cri:  
 car tuz li pais seit que uus l'avez hai.  
 se uus nel deliurez, nus sumes mal bailli:  
 10 li reis e saint iglise e nus iermes huni."

Dunc alerent ensemble li euesque parler,  
 conseillent sei coment le purrunt deliurer,  
 e dient qu'il irrunt al rei Henri parler,  
 que s'il le uunt deuant l'apostolie apeler,  
 15 l'ensi le purrunt bien de sun sié deposer.

Al rei en uunt parler: si li crient merci.  
 "sire" funt il, "pur deu, nel faites pas einsi.  
 laissez ester cel plait qu'avez ore aculli:  
 kar uus en aueriez à tut dis mais mal cri,  
 20 e nus en serium suspendu e huni."

"Sire" funt il al rei, "laissez nus ent ourer.  
 bien sauez qu'il nus ad fait uos leis confermer,  
 e or nus uolt refaire trestuz deslealer,  
 e d'ico l'irum ore tuit ensemble apeler,  
 25 e einsi le purrum bien de sun sié deposer."

Dunc dist li reis Henris "einsi le uus otrei."  
 "or nus leissiez" funt il: "nus en prendrum conrei:  
 car tut li abatrun, uoil u nun, le desrei."  
 l'un i entendent mal, e li autre grant fei.  
 30 dunc sunt uenu à lui: tuit erent en esfrei.

11 "Nus apelun" funt il: "car trop sumes greué:  
 car co que nus eumes ainçais al rei granté  
 e par obedience l'eustes comandé,  
 or l'avez defendu. par tel deslealté,  
 5 ù uus nus uolez metre, nus auuns apelé."

Al rei Henri en unt cil del conseil parlé.  
 e quant li reis oi qu'il aueit apelé  
 e qu'il alout del tut contre sa uolenté,  
 ne uus en sai mustrer sun quer ne sun pensé.  
 10 mais à cels del conseil ne l'a il pas celé.

“Sire” funt il, “idunc co uus estuet laissier:  
car s’à nostre conseil uus uolez apuier,  
l’arceueschié perdra. tut le ferum plaissier:  
car uers uus nus uolt faire pariurer e trichier,  
15 e deuant l’apostolie l’en uoldrum chalengier.”

“Alez deliurement” fait il; “or en pensez.”  
dunc sunt uenu à lui: il les ad escultez.  
“sire” funt il à lui, “quant uus si nus menez,  
uus e nus uers le rei einsi deslealtez,  
20 apelum nus: car trop durement nus greuez.”

Par cel apel unt mult le rei aseuré  
e mult à cele feiz de s’ire refrené.  
pur co qu’or desdiseit co qu’ainz ot graanté,  
quida, s’en la cūrt deu l’en eussent proué,  
25 que pur co deust perdre e croce e dignité.

Li prelaz d’Eurewic, cil de Lundres, co qui,  
conseil li unt duné priueement andui  
que, ueant si grant gent, ne li fesist anui,  
mais l’endemain le mant, quant n’i aura nului:  
30 priueement le mete senz noisse en sun estui.

b Par co s’est mult li reis de s’ire refrenez,  
e desfaiz li malices qui dunc ert aprestez,  
e lur mals engins fu à grant bien aturnez:  
car queque li hum penst, fieble est sa poestez.  
5 deus abat les puissances e les feluns pensez.

Dunc enueia li reis à lui ses cheualiers.  
or uolt que il li rende ses acuntes pleners  
de quanqu’ot en baillie quant fu ses chanceliers,  
de trente mile liures de sterlins en deniers.  
10 mais il ad respundu mult bel as messagiers.

“Seignur” fait il à els, tut senz en plait entrer,  
“ne me deit pas mis sires acuinte demander:  
car tut cest grant auer que ci uus oi numer,  
en ses busoignes l’ai fait metre e aluer.  
15 si l’ad oi suuent mis sires acunter.

F 2



E quant io fui à Lundres esliz e aleuez  
à ceste dignité, tuz fui quite clamez  
par sun comandement, si que bien le sauez,  
e d'acunes e d'el fui iloec deliurez.  
20 pur co ne uoil rentrer en plait qui est finez."

Quant il unt fait al rei ceste parole entendre,  
d'ire deuint uermeilz plus que carbuns sur cendre.  
"pur les oilz deu" fait il, "il ne uolt acunte rendre,  
e si est mis huem liges: iugement en uoil prendre."  
25 "sire" funt il, "mais d'el, dunt mult plus uolt mespendre.

Quant il est uostre huem liges, il uus deit fei porter  
e tenir en tuz lius uostre honur e garder;  
e quant il uus uolt tolir uostre curt e fauser  
e apele autre curt, de co le poez greuer:  
30 car iluec uus uolt il gramment desonurer.

12 De cel poez iugier" funt li dunc li barun.  
"alez al iugement" fait il "senz targeisun."  
al iugement en uunt la maisnie Nerun.  
lur pere espirital iugent comme bricun,  
5 que li reis le presist e mesist en prisun.

L'arceuesque Rogiers d'icel conseil eissi.  
fait il à l'arceuesque "aiez de uus merci,  
de nus tuz ensement: car mal sumes bailli,  
se ne faites del tut le uoil lu rei Henri."  
10 sainz Thomas li ad dit "Satanas, fui d'ici."

Quant li iugemenz fu e faiz e recordez  
e deuant le rei fu e diz e mustrez,  
dous i ad enueiez li reis de ses prieuez.  
li cuens Reinalz i est de Cornewaille alez,  
15 e cil de Leiscestre, qui mult par ert senez.

Dreit deuant l'arceuesque sunt andui aresté.  
li quens de Leiscestre aueit primes parlé.  
"sire" fait il, "li reis uus ad par nus mandé  
que oiez co qu'il uus unt iugié e acordé."  
20 dunc l'aueit li buens prestre fierement regardé.

“N'i aura ui par mei iugement esculté”  
fait li li buens prestres: “car i'ai apelé.”  
“coment” fait dunc li quens “puet estre deturné,  
quant uus li deuez fei humage e ligeé?  
25 de lui tenez granz fuis e honors en barné.

E quant en barunie de lui granz fuis tenez,  
iugement en sa curt e dreit i sufferrez.”  
“ne tieng” fait sainz Thomas “de lui fuis ne eritez  
ne rien en barunie: mais tut est charitez  
30 e parmenable aumosne tut co dunt sui fieffez.

b Co que à saint iglise unt si ancesur duné,  
en parmenable almosne li unt tut graanté:  
ainkes de barunie n'i out un mot suné.  
li reis l'a par sa chartre tut ainsi confermé,  
5 otrié en almosne en parmenableté.

E pur co” fait lur il “de part deu uus defent,  
e par la cristienté qui de nus uus apent,  
que de mei n'i faciez ui mais nul iugement.”  
li quens lur respondi “sur tel defendement  
10 ne m'en entremetrai: tut quite uus en rent.”

Fait dunc li quens Roberz “dites dunc, quens Reinalt:  
io n'en os mais parler, quant le defent si haut.”  
“nel ferai” fait li quens, “se damnedeu me saut.  
ne me fu enchargié: ia ne m'en ferai baut.  
15 dites, se uus uolez: car Reinalt uus en faut.”

“Sire” fait quens Roberz, “suffrez, pur saint Denis,  
que uostre respuns ait oi li reis Henris.”  
“coment?” fait l'arceuesque Thomas, “sui io dunc pris?”  
“ne l'estes, par saint Lazre,” fait dunc li quens de pris.  
20 “e io m'en uois à tant” respunt li deu amis.

Dunc s'en reuunt al rei cil dui riche uassal,  
e li sainz arceuesques parti de sun estal.  
ingnelement eissi de la chambre real.  
n'en mena compaignun fors deu l'espirtual.  
25 en sa main destre tint la cruiz arceueschal.

- E quant il s'en parti de la cambre le rei,  
iustises e baruns, tels que numer ne dei,  
l'escrierent en haut à hu e à desrei  
"li traitres s'en uait: uuez lei, uuez lei."
- 30 il s'en ala auant, ne dist ne co ne quei.
- 13 Nis li quens Hamelins ne s'i uolt taisir pas,  
quant il en uit aler l'arceuesque Thomas.  
mult l'auait escrié, e nel dist giens en bas.  
"cumme fel" fait li il, "mal traitres, t'en uas."
- 5 sil hua Huevac tant qu'il fu pres tut las.
- A l'eissir de la chambre durement se hasta.  
quant uint enmi la sale, à la leigne abuissa:  
pur poi qu'il ne chai. idunches l'escria  
Randuls del Broc e dist "li traitres s'en ua."
- 10 li sainz huem ne dist mot, mais auant s'en ala.
- En la sale fu mult traitres apelé;  
de tutes parz i fu hautement escrié.  
n'i eust greignur cri se fundist la cité.  
nis torgeluns d'estraim unt apres lui geté.
- 15 ne uolt à els plaidier: ultre s'en est alé.
- Ensi firent Giwui quant il unt deu iugié.  
uilmement l'unt escrié batu e coleié;  
enmi le uis li unt escopi e rachié.  
de sun gré le suffri deus pur l'umain pechié,
- 20 e cist pur deliurer de uilté le clergié.
- Li maluais qui quidierent le rei seruir à gré,  
e garcuns e putains unt saint Thomas hué  
e derochié de torges: car Randul l'out roué.  
mais cil qui deu cremirent e qui l'orent amé,
- 25 en unt od grief suspir celeement pluré.
- Dunc fu al rei nuncié cum hum le fist huer  
e que l'um le uoleit e laidir e tuer:  
li reis sereit huniz se um nel laissout ester.  
dunc comanda li reis, e fist par ban crier,
- 30 c'um laissast quitement lui e les suens aler.

b

Si tost cum li ber fu sur sun cheual sailluz,  
grant alure s'en est à la porte uenuz.  
fermee la troua: dunc fu mult esperduz.  
pour out qu'il ne fust e pris e retenuz.

5 mais deus l'en ad ieté, qui fist pur li uertuz.

Li arceuesques out iluec sun esquier,  
un qu'ot à nun Trunchez: dunc li ot grant mestier.  
les clez des portes uit luinz pendre à un ramier:  
erramment les saissi, ne s'i uolt rien targier.

10 la porte desferma, n'i apela portier.

Ne uolt ilueckes deu l'arciuesque laissier.  
de tanz clez cum cil pout à dous mains enpuignier  
à la dreite clef est asenez al premier.

li portiers entendî à battre un pautenier,

15 e li bers s'en eissi qui deus auait mult chier.

Li quens de Leircestre, qui si oi crier,  
dist al rei cum l'um fist l'arceuesque escrier.  
grant hunte fu k'um fist si haut humme huer:  
nel deureit pas souffrir; hum l'en uoldreit blasmer.

20 dunc comanda li reis k'um le laissast ester.

Quant il fu descenduz, al mustier s'en alad.  
s'il esteit de chanter none tens demandad.  
mais ultre none esteit. none e uespres chantad:  
car le seruisse deu temple u tart n'obliad.

25 uolentiers le serui: guereduné li ad.

Quant il fu eissuz apres co del mustier,  
ses serganz apela, demanda à mangier.  
tuit s'en erent fui e clerc e cheualier;  
n'en i trouast pas sis, s'il en eust mestier:

30 par la paour del rei les out fait desfuchier.

14

Dunc roua que um fesist les poures enz uenir;  
les tables en fist l'um del refrictur emplir.  
io crei qu'il pensa d'el que del uentre farsir:  
nepurquant il mania asez tut à leisir,

5 e ad fait bel semblant pur les suens esbaudir.

Ainceis fu neire nuit que il eust supé.  
 sun lit unt, ueant tuz, enz el mustier porté,  
 detries le grant autel e fait e aturné,  
 e sun chapel d'aigneaus sur l'oreillier leué,  
 10 le couertur un poi par desus reuërsé.

E quant li moine uindrent lur complie chanter,  
 quidierent il pur ueir que se dormist li ber,  
 e chanterent en bas: car nel uoldrent quiurer.  
 e li uns roueit l'autre par signes a ragler;  
 15 mustreient qu'il ert las, c'um le laissast ester.

Un suen humme out mis là pur le lit garder;  
 e quant i ueneit nul, sil faiseit retourner  
 e diseit qu'um lessast sun seignur reposer.  
 ia puis n'en trouast un qui l'osast regarder:  
 20 encore l'endemain l'i quidierent trouver.

Endementres ad fait tut sun eire aprester.  
 mais poi i eut des suens qui il le uolsist mustrer.  
 ne unkes ne uolt un sul de ses cheuals mener,  
 mais quatre forz destriers fist là fors amener,  
 25 cum s'il fussent as ostes qui deussent errer.

Dunc seeient les genz le plus à lur super.  
 dunc uit bien li huem deu qu'il s'en deueit aler.  
 e il plueit tant fort qu'il ne uoleit cesser.  
 la nuit fist il sa chape une feiz recouper:  
 30 à peine la poeit (issi pesout) porter.

*b* Quant il fu anuitié e tut fu aseri,  
 l'arceuesque Thomas s'est apresté ainsi  
 d'errer priueement qu'à nului nel gehi,  
 n'à priué ne à clerc, n'à parent n'à ami,  
 5 fors sulement à treis qui l'orent ainz serui.

Dous freres blancs mena ouec sei li buens ber:  
 Robert de Caue oi un des dous apeler,  
 e frere Scaiman oi l'autre numer.  
 e un suen escuier n'i uolt il ublier,  
 10 Rogier de Brai, un brun, un prode bachelier.

A ces dous freres a sun conseil coneu,  
qui de Sempingehan furent à lui uenu,  
e à sun escuier, qui priuez de lui fu.  
par la porte del nort s'en sūnt nuitantre eissu:  
15 n'i furent encontré nul d'els n'aparceu.

Mais um faiseit les portes del burc tutes guaitier;  
e pur quei um le fist, nel nus sai acuintier.  
nepurquant sulunc tens en poum bien iugier.  
mais li ber enueiad pur les portes cerchier.  
20 cele sule troua senz guaite e senz portier.

L'arceuesque Thomas n'out cure de suiur:  
bien li fu acuintié, s'il atendist le iur,  
il fust mis en prisun, e de co aueit pour.  
as esteilles s'en uunt e à la tenebrur,  
25 e se sunt comandé à deu nostre seignur.

Tute la nuit erreient entresqu'à l'aiurner.  
e le iur se mucowent d'ici qu'à l'auesprer  
od muines od noneins en bois pur els celer.  
mais ne uoleient pas le dreit chemin errer,  
30 tant qu'à la parfin sunt uenu tresqu'à la mer.  
15 Einz tierce l'endemain l'ala treis feiz haster  
li messagiers le rei, roua le à curt aler.  
mais cil qui guarda l'uis ne l'i laissa entrer,  
ainz dist qu'il le laissast uncore reposer,  
5 tant qu'um le hasta mult k'um nel pout plus celer.

Dunc est li mareschals alez al rei Henri,  
danz Willames de Capes. si li cria merci,  
les hummes l'arceuesque que ne fussent leidi:  
kar li Brocheis li erent durement enemi,  
10 e tuit s'en erent pres alé e departi.

Dunc fist li reis Henris Randulf del Broc crier  
par tute Norhantune que l'um laissast aler  
les hummes l'arceuesque quitement de iur cler;  
nuls ne fust si hardi qui s'osast adaser.  
15 enuiz le fist Randulf, mais ne l'osa ueer.

*Philos.-histor. Abhandl. 1838.*

G



En la premiere nuit qu'il s'en fu si emblez,  
 le secunt iur tut dreit est en Nicole entrez.  
 chiés dan Jacob s'esteit od les suens ostelez.  
 gris dras d'un frere ad pris pur estre mielz celez.  
 20 or est Thomas changiez, Cristiens est numez.

En un batel ainz iur saint Thomas s'en entra.  
 Robert de Caue od sei priueement mena.  
 dreit par desuz le punt de Nicole passa,  
 e uers Sempingeham à l'ermitorie ala.  
 25 uit iurs en une chambre, u plus, i demura.

Scaimans e Rogiers par secche terre alerent,  
 e à Sempingeham furent e suiurnerent;  
 e l'eire l'arceuesque à celee aturnerent.  
 ne à haut ne à bas lur conseil ne mustrerent.  
 30 quant il uirent lur aise, par nuit s'acheminèrent.

b Qui ueist le saint humme seeir à sun mangier  
 que il n'auet od sei ne clerc ne cheualier,  
 quant Roberz s'en isseit, ne estrange ne chier,  
 senescal ne garcun ne cou ne bouteillier,  
 5 de pitié l'en poust trestut le uis muillier.

Quant à l'ermitorie orent lungement suiorné,  
 que li reis quida bien qu'il fussent mer passé,  
 enuers la mer se sunt nuitantre acheminé;  
 mais partut furent ainz li ostel apresté.  
 10 nis parmi Cantorbire sunt nuitantre passé.

A la mer uint li ber, à Sandwiz eschipa.  
 entre Grauenige e Merc tart al seir ariua.  
 ne pout aler à pié: car mult tost s'alassa.  
 uns granz sollers auet, ke uns freres li presta;  
 15 entur le col del pie à nuals les laca.

Chauz est el grauier quant se hasta d'aler.  
 leua s'en: si a pris ses mains à reguarder.  
 dunc li unt un iument senz sele fait luer:  
 car ne porent nul autre à cele feiz trouver.  
 20 nis de fain l'auet fait sis maistre encheuestrer.

Il orent un uadlet en la greue troué,  
à cui un cheual unt pur uit deniers lué;  
e quant pur oec ala, mult auent demuré.  
idunc quiderent estre tuit pris u encusé.  
25 cel iument amena, Cristien i unt munté.

Tut à as li unt fait dous liwes cheualchier,  
ne mais que d'une chape qu'unt fait suz li pleier.  
dunc se firent ensemble à cler mareis nagier.  
puis uunt à saint Omer, ne s'i uolent targier,  
30 mais partut se feseient repundre à l'herbergier.

16 Dunc uint à saint Omer danz Richarz de Luci.  
de saint Jame par Flandres sun chemin acuilli,  
e l'arceuesque uint quant parler en oi.  
de tut l'acordereit, co dit, al rei Henri,  
5 se returnout od lui. mais il i ad failli.

L'arceuesque respunt, ne uolt pas retourner:  
car il nel purreit pas en nul sens acorder.  
n'à lui ne uolt il pas einsi sun cors liurer.  
à l'apostolie uolt, co dit, tut dreit aler,  
10 par ki conseil uoldra del tut en tut errer.

Richarz li respundi par ire e par buffei  
"quant ne uolez uenir ensemble od mei al rei,  
or uus desfi ge dunc e des miens e de mei."  
l'arceuesque respunt senz ire e senz desrei  
15 "Richarz, tu es mis buem: si me deis porter fei."

Richarz li respundi "mun humage uus rent.  
io nel prestai pas" fait li il "erramment  
mais de mei ne tendras iamais ueraïement.  
ne uus rent" fait li il "ne fiu ne tenement:  
20 mais ne uus afiez desore en mei neent."

Dunc enueia li bers al cunte dous abez,  
qu'il li dqinse conduit, qu'il seit ultre passez  
par Flandres, ù il est uenuz e ariuez:  
car d'Engleterre esteit priueement turnez  
25 pur le rei sun seignur, uers qui il ert medlez.

G 2

Li quens li respundi, sun conseil en prendra;  
 e tant est riches huem qu'en la terre qu'il a,  
 co dit, que un arceuesque retenir bien purra.  
 quant l'arceuesque l'ot, à l'euesque en parla,  
 30 celui de Terewane, qui la nuit l'en mena.

b Car mult cremi de sei quant le respuns oi;  
 mult nota les paroles que li quens respundi,  
 pur co que li quens ert cusins le rei Henri  
 e erent d'un conseil e durement ami.

5 à l'euesque Milun sun conseil en gehi.

Il ert le iur uenuz l'arceuesque ueeir;  
 e quant il s'en ala la nuit en l'oscur seir,  
 l'arceuesque Thomas, ki mult out grant saueir,  
 le conueia là fors pur desaparceueir;  
 10 fist estaindre les cirges qu'um nel peust ueeir.

"Esteigniez" fait lur il "ces cirges alumez.  
 laissez le aler à deu." ensi s'est deliurez.  
 il se trestrent ariere, e il esteit muntez  
 sur un grant cheual blanc, qui li fu amenez  
 15 de la curt cel euesque. tut ensi s'est turnez.

De ses hummes ensi nuitantre s'en embla  
 par l'euesque Milun qui la nuit l'en mena.  
 de Flandres est eissuz, à Seissuns s'en ala.  
 l'endemain à ses hummes ariere remanda  
 20 qu'il alout à Seissuns, à lui uenissent là.

Mais mult li esteit bien à cel ure avenu,  
 e maint humme l'unt puis à miracle tenu:  
 car danz Henris de Pise, qui des chardenaus fu,  
 e li reis Loewis sunt d'autre part uenu.  
 25 es rues de Seissuns se sunt entreueu.

Sa cause e sun eissil lur aueit denuncié.  
 li buens reis Loewis en ad eu pitié,  
 e sil uolt retenir par mult grant amistié.  
 e danz Henris de Pise li ad couenantié,  
 30 partut li aidera. si fist il senz faintié.

- 17 Dunc a li reis Henris ses messagiers tramis  
tresqu'à Conpeigne al rei de France Loewis,  
e dit qu'en la cuncorde, quant um les fist amis,  
aveit l'un d'els à l'autre otrié e pramis,  
5 e que numeement fu en l'acorde asis  
Que se nul de lur hummes fust de lur terre eissuz  
e en l'autrui terre esteit en nul liu coneuz,  
que il fust erramment e pris e retenuz  
e fust à sun seignur senz desturbier renduz.  
10 de tut le regne fu tuz li plus halz eissuz.  
En .cel message uint Gilebert Foliot.  
des lettres sout asez e serui Astarot:  
mais puis aint tel iur que il s'en tint pur sot  
que encontre le saint humme eut parlé un sul mot.  
15 de Sodome est eissuz e siut les traces Lot.  
E Richarz d'Iuecestre fu l'un des messagiers,  
qui al rei Henri ert ses priuez conseilliers  
e de tute la terre e meistre e iustisiers,  
e al rei Loewis porta dous espreuers.  
20 or uoit le dreit chemin, laissé ad les sentiers.  
Guillames en fu uns, li buens quens d'Arundel,  
sages curteis e preuz e senz nul mal apel:  
mais dunc medla sun or à fundre le ueel,  
e mesfist quant el lai uolt metre Daniel.  
25 uenuz est à merci al saint à sun tumbel.  
Lur message unt bien dit e lur moz bien asis.  
"ne sai dunt uus parlez" fait li reis Loewis.  
"sire" sunt il, "à uus se plaint li reis Henris  
e d'un des plus hauz hummes de trestut sun pais,  
30 qui s'en est d'Engleterre nuitantre alez fuitis.  
b L'arceuesque Thomas ad uers le rei mespris.  
de tut le reaume ad esté pocstis  
e les rentes cuilleites tutes e anz e dis;  
ne uolt acunte rendre de tut co qu'en ad pris,  
5 ne souffrir iugement. mal los i ad conquis.

E quant à sun seignur sun acunte ne rent  
 del suen qu'il ad eu, e fuit sun iugement,  
 uis nus est qu'il s'en uait mult felunessement.  
 or uus requiert li reis mult amiablement  
 10 qu'en uostre terre n'ait en nul liu recetement."

"L'arceuesque Thomas" fait li reis, "bien le ui,  
 le chancelier ki tant serui le rei Henri.  
 del regne l'a chacié; sil het encore issi  
 que il ne puet auer recet ne là ne ci.  
 15 mult li a bien rendu que tant bien l'a serui.

L'arceuesque Thomas, certes bien le conui.  
 pur co est France franche, par les sainz ù ie fui,  
 que cil ki mestier unt i uiengent à refui.  
 mult seit il bien uenu. ci puet auer repui.  
 20 e se io seusse ù, io alasse encontre lui."

Fait li quens d'Arundel "sire rei Loewis,  
 bien saciez que uus mande par nus li reis Henris  
 que cist uus a esté mult mortels enemis.  
 uostre terre ad guastee e uoz chastaus a pris.  
 25 cist fist que li reis ad ades uers uus mespris."

"Sire quens" fait li reis, "bien sai par uerité,  
 quant serui sun seignur par si grant leauté,  
 s'eust esté mis huem, qu'il me seruist à gré.  
 e quant il li conquist casteals e herité,  
 30 tant le deust il plus tenir en grant chierté."  
 18 "Sire" funt il al rei, "l'apostolie mandez,  
 pur amur nostre rei que mult amer deuez,  
 que Thomas l'arceuesque, qui si s'en est emblez,  
 ne seit de li oiz maintenuz ne priuez,  
 5 ne seit de ses mencoignes creuz ne escultez."

Dunc apela li reis frere Franc l'aumosnier.  
 "ua tost à l'apostolie" fait il, "ne te targier.  
 di lui, si uolt à mei auer nul recourier,  
 que l'arceuesque ait e maintienge e ait chier.  
 10 pur rien qui seit el mund, qu'il ne s'en leist pleissier."

De l'apostolie esteit frere Franc mult priuez,  
e à s'aumosnerie esteit il aturnez.  
en sun seruise esteit nuit et iur aprestez.  
pur co ert il partut durement renumez.  
15 al rei Lowis esteit aidunches turnez.

De Compiegne se sunt li messagier turné,  
e frere Franc ad bien sun message acheué.  
l'apostolie l'a dit: il l'a bien esculté.  
l'arceuesque Thomas ad ore tant erré  
20 que uenuz est à Sanz, à la pape ad troué.

Mais ainceis que uenist à Sanz li deu amis,  
eut li reis à la pape ses messagiers tramis,  
euesques e baruns e cheualiers de pris.  
li apostolies ert de Rume idunc fuitis  
25 e suriorna à Sanz meis semaines e dis.

L'arceuesque i uint qui d'Eurewic ert maistre,  
Wit li rus, e l'euesque i uint de Wirecestre  
e li quens d'Arundel e Richarz d'Iuecestre,  
Johanz d'Oxeneford, l'euesque d'Execestre,  
30 Hue de Gundeuile, Hylaires de Cicestre.

b Cil de saint Waleri Renals i est uenuz;  
Henris li fiz Gerold, qui ert des reaus druz;  
Gilebert Foliot, qui ne s'i fist pas muz,  
e des autres plusurs, e iouenes e chanuz.  
5 tels i parla purquant qui fu pur fol tenuz.

Deuant la pape esturent li messagier real.  
alquant diseient bien, pluisur diseient mal,  
li alquant en Latin, tel ben tel anomal,  
tel qui fist personel del uerbe impersonal.  
10 singuler e plurel aucit tut par igal.

Tels i out des prelaz parla si egrement  
que la pape li dist "fratre, tempreement:  
car mesdire de lui ne sufferai neent."  
lur paroles n'ai pas tutes ci en present,  
15 mais de co que unt requis dirrai mun escient.

"Sire, li reis Henris" funt il li messagier  
 "uus requier e deprie, cum sun pere tres chier,  
 que dous tels chardenals li faciez enueier  
 qui bien puissent partut lier et deslier,

20 ne par apel les puisse nuls huem contralier,

Mais qu'il seient si fort e en tel poesté  
 que quanqu'il ferunt seit en stabilité  
 deuant els ne apel ne contredit furmé;  
 e se li reis Henris a de rien meserré

25 encontre l'arceuesque, par els seit amendé.

E se li arceuesques ad uers li trespasé,  
 par els seit adrescié iugié e acheué."

ici semblout aueir partut grant leauté,  
 mais n'i out un sul mot partut de uerité

30 fors mult grant trecherie e deceuableté.

19 Li reis ert riches huem, sages e de grant art:  
 sout bien que chardenal sunt pernant e lumbart;  
 coueitus sunt d'aueir plus que uilain de essart.  
 li reis ad dous priuez, Sorel e dan Blanchart.

5 tost funt del buen maluais e del hardi cuart.

Ne porent l'apostolie par engin deceueir.  
 il lur ad respundu cum huem de grant saueir  
 "tel poesté ne puet nuls chardenaus aueir.

par mei n'aura nul d'els de desraisun pœir,  
 10 e poesté de pape n'aura par mun uoleir."

Li messagier le rei se sunt mult entremis  
 de faire lur espleit, mais il n'i unt plus pris.  
 muntent en lur cheuals, ariere se sunt mis.  
 cil de saint Waleri ot en la terre amis:

15 autrement fussent il mesmené el pais.

Il ne uoleient pas lur arceuesque atendre:  
 car il nel porent pas en nul liu entreprendre.  
 tost freeit d'els tel chose à l'apostolie entendre  
 dunt peussent mult tost en nuisance descendre,  
 20 ne il ne se porent pas à tuz les quinz defendre.



Dedenz quart iur apres uint à Sanz saint Thomas.  
à l'ostel s'en ala: car de l'errer ert las.

à ses clers prist conseil, qui nel decurent pas,  
li quels dirreit sa cause. il s'en firent tut quas.

25 nuls d'els ne la uolt dire pur comant ne pur has.

Car nuls ne l'osout dire d'els pur le rei Henri:  
car s'amistié n'aureient, co dient, à nul di.  
l'arceuesques l'enprent, qui deu out à ami.  
l'endemain, quant il out nostre seignur serui,

30 à l'apostolie ala, e as piez li chai.

*b* Costume est que cil offrent qui uiennent el present  
l'apostolie à sun pié aueir, or u argent,  
riche uaisselement u buen aornement.  
le cyrogrefe al rei li arceuesques prent;

5 as piez à l'apostolie as ses dous mains l'estent.

"C'est la chose purquei m'estuet essil souffrir.

sire, ueez la ci: bien la deuez oir.

teles leis uolt li reis en sun regne establir:

sis uolt faire par force sainte iglise tenir.

10 mais io ne li uoil pas contre deu consentir.

Sire, pur co uinc ca, que iel uus uoil mustrer."

dunc l'a fait l'apostoiles en sun estant leuer,

e comanda à lire les leis e esculter.

e li sainz comenca mot à mot à prouer

15 à li reis par ces leis uoleit tendre e aler.

Un chardenal i out qui mult ameit le rei,

Wilaume de Paue: einsi out nun, co crei.

tuz les chardenaus out treiz li reis pres à sei:

car tant lur out duné (e sait bien le purquei)

20 qu'en apert mainteneient sa cause e en requei.

Quant li arceuesques comenca à parler

e sa cause en Latin gentement à mustrer,

cil le comenca lues partut à trauerse.

quida que hum li eust fait la cause fermer,

25 e se um le desturbast, nel seüst parfiner.

*Philos.-histor. Abhandl.* 1838.

H

Sainz Thomas fu mult sages (sainz esperiz en li fu),  
 e quanque cil diseit aueit bien entendu,  
 e mot à mot partut li aueit respundu.  
 par bel Latin ades a chascun puint solu.

30 bien l'aueit en sa cause cil demi iur tenu.

20

E quant il aueit bien solu ses questiuns,  
 reueneit à ses poinz cum se fust Salemons,  
 diseit sa cause auant od mult beles raisuns.  
 bien a duré entre els demi iur la tenchuns:

5 car cil li ert partut puint à puint as gernuns.

Quant l'arceuesques out sa raisun bel finee  
 e destruites les leis par raisun confermee  
 e par trestut raisun e prouance mustree,  
 bien unt e clerc e lai sa parole escultee,  
 10 e l'apostolies l'out par tuz les puinz note.

L'apostolies l'asiet iuste lui erramment,  
 e bien seit il uenuz, co li ad dit suuent;  
 e mult li seit bon gré que si grant fais enprent,  
 qu'encontre rei de terre saint iglise defent.  
 15 partut li aidera là ù raisuns consent.

L'arceuesque Thomas souent le mercia  
 de sun bel acuilleir e que tant l'onura.  
 l'apostolies les leis idunc escumenia,  
 e celui, qui qu'il seit, qui iamaiz les tendra;  
 20 e desuz anatheme à tuz dis conferma.

Se uus uolez les leis le rei Henri oir,  
 qu'il uoleit en sun regne e mettre e establir  
 e faire à saint iglise e garder e tenir,  
 ci les purrez aprendre: car io n'en uoil mentir.  
 25 quant sainz Thomas les het, tuit les deiuent hair.

Se plaiz sursist d'iglise entre lais u letrez,  
 entre les lais se cil u cil fust presentez,  
 en la curt le rei fust li plaiz faiz e finez.  
 li dreiz de saint iglise fu iluec obliez,  
 30 ne damnadeu n'i fu d'un sul puint redutez.

- b*        Senz le congié le rei ne deust nuls duner  
          iglise en tut sun fu. bien poez ueeir cler.  
          tuz li regnes est suens, tut le deit guuerner.  
          par cele lei poust trestuz en soffimer  
5    e tutes les iglises à sun dun aturner.
- A la curt respundreient le rei cler de tut ret;  
          en curt de saint iglise resereient puis tret.  
          la iustise le rei sereit iluec el plet.  
          desordené sereient li ataint e desfet.
- 10    à tort deit um perir dous feiz d'un sul mesfait.
- Prelat hors d'Engleterre ne persone n'alast  
          senz le congié le rei, e dunkes si iurast  
          que al rei e al regne nul mal ne purchacast.  
          se ensi fust, fiebles hum dreit mais ne conquestast;  
15    la poesté saint Piere li reis Henris guardast.
- Ne dunassent pas guage li escumenié  
          que à saint iglise fuissent del mesfait adrescié,  
          ne mais à co qu'il fussent asols de grant pechié.  
          mult fuissent à pecher li pluisur deslié,  
20    quant autrement ne fussent destraint par le clergié.
- Ne clerck ne lais ne nuls lai en plait ne mesist  
          fors par deuant l'euesque; ne ilec ne respundist  
          se leaus testemonies contre lui n'i oist,  
          si que l'arcediacnes le suen dreit n'i perdist.
- 25    mais selunc cele lei nul d'els rien n'i presist.
- Se cil fust teus que nul ne l'osast acuser,  
          dunc l'esteust l'euesque al uestunte mustrer.  
          à duze hummes fereit la uerité prouer,  
          cum à lur escient le purreient iurer.
- 30    desore se deit deus à saint Piere clamer.
- 21        Nuls qui tenist del rei sa terre cheuaument,  
          ne nuls de ses maistres lur terres ensemment,  
          ne fust mis en deuie ne en escumengement,  
          se li reis n'en fust mis en araisunement,  
5    se il fust el pais u el regne en present.

Se ne peust le rei dunc el pais trouver,  
 le prelat esteust à la iustise aler,  
 co que al rei apartint en real curt finer,  
 co que atainst al prelat en sa curt terminer.  
 10 qui les pechiez iustise, bien en puet confesser.

Li arcediacnes dut les apeaus ainz oir.  
 d'iluec durent auant à l'euesque uenir,  
 e puis à l'arceuesque, s'il nes poeit furnir.  
 li reis les deust puis faire en la curt deu uenir.  
 15 ne durent de sa curt senz sun congié partir.

Dunc fust la curt le rei Henri mult haut asise,  
 quant sur la curt de Rume auet la sue mise.  
 dunc fust tut Engleterre senz diuine iustise;  
 ne des duze lignees ne fust ele pas prise,  
 20 se Moyses ne fust soueraine iustise.

Se clers de tenement uolsist lai quereler  
 qu'il uolsist le lai fiu à aumosne mener,  
 u lais uolsist l'aumosne à lai fiu aturner,  
 par duze le fesist la iustise prouer,  
 25 se deust à lai fiu u à aumosne ester.

Se d'un seignur andui à tenir graantassent,  
 u clerc u lai, andui en sa curt alassent.  
 mais se dous seignurages à cel fiu auoassent,  
 en la curt rei Henri ambedui en plaidassent.  
 30 mais pur reconnaissance saisine ne laissassent.

*b* Cel capital ne deit ne clers ne lais souffrir:  
 de saint iglise en puet la dreiture perir,  
 e as clers e as lais puet à perte uenir.  
 li seremenz des duze puet bien le fiu tolir  
 5 al seignur, quant l'estuet à sun humme guerpir.

Se nuls fust de chastel de burc u de cité  
 u de manoir le rei de sa demaineté,  
 se à ses prelaz l'eust nuls de crimene aculé,  
 se à lur dreites somunses ne uenist de sun gré,  
 10 al ministre le rei Henris fust dunc mustré.

E se cil nel fesist del tut bien adrescier,  
de la merci le rei l'esteust alegier,  
e li prelaz peust celui puis iustisier.  
car ainceis ne l'osast nuls escummenier,  
15 mais qu'um li peust bien faire iglise uoidier.

Persones e prelaz tut de la regiun,  
qui tenissent del rei terre e possessiun,  
tuit tenissent de lui en chief cumme barun.  
à ses iugemenz fussent cum si autre drugun,  
20 tresque fust à mort dampné u à desfactiun.

Clers ne deureit le lai ne li lais clerc iugier.  
d'aumosne ne deit nuls fors à deu cheueier;  
e se li reis se puet à deu parifier,  
dunc puet bien tuz les sainz del ciel là sus chacier:  
25 mais ne sai de quel part il uoldra deu laissier.

Se deliurast el regne nuls lius, cum eueschiez  
prieurez abeie u nuls arceueschiez,  
li reis en saisireit les rentes e les fiez,  
les rentes en aureit e tendreit en ses giez,  
30 tresque li lius sereit de pastur conseiliez.

22 Jo uing en pluisurs lius que li reis out saiziz.  
n'i esteit nuls des hostes ne poures recuilliz.  
io fui defors la porte del portier escundiz.  
carité n'i fu pas, co entendi à ses diz.  
5 li reis prist tut fors tant que li lius ert furniz.

Muine e cou e sergant, escuier e garcun,  
chascuns auet sun pain e dreite liureisun:  
kar li seriant le rei erent en la maisun,  
qui al partir la mistrent en tel destruction,  
10 n'i trouisiez d'estor nis le menur chapun.

Là fait li reis uers deu e uers le liu mesprise,  
e as baruns ki pere establirent l'iglise:  
car il funt de lur fiu tut plenier le seruise,  
e il prent lur aumosne, en sun tresor l'ad mise,  
15 qui deust estre as poures e en buen liu asise.

Quant li reis à l'iglise uoldra pastur duner  
 (car tut apres sun uoil couendra à aler),  
 treis persones ferad de l'iglise mander;  
 persones e baruns i fera asembler  
 20 en sa chapele, cels qu'il uoldra apeler.

Quant um deura l'iglise selunc deu conseilhier,  
 science e genterise en couient esluignier:  
 car les baruns uoldreit li sens suruezier,  
 genterise e ualurs encontre els ruisteier.  
 25 là puet le poi uaillant symonie eshaucier.

Al rei feist humage li esliz senz demur,  
 feelté e ligance cum à lige seignur  
 de ses membres e de sa terriene honur.  
 là fesissent humage li serf al salueur,  
 30 qui nul ne l'en fesissent senz la croce à lur iur.

*b* Se nuls uolsist lur dreit as prelaz esforcier,  
 li reis de lui e de autre lur fereit adrescier.  
 se nuls par aenture peust si deraïsnier  
 uers le rei que sun dreit ne peust purchacier,  
 5 celui durent al rei li prelat iustisier.

Li reis deit saint iglise e les clers maintenir.  
 ne deiuent porter armes ne granz guerres furnir.  
 deu deiuent, qui qu'il seient, e iur e nuit seruir.  
 ne deiuent pas al rei ses enemis gerner,  
 10 ne Franceis ne Gualeis, ne pur co deu partir.

Se nuls fust el forfait le rei Henri chاوز,  
 ne fust en cimetere sis' aueirs retenuz,  
 n'en mustier, puisque la iustise i fust uenuz.  
 bien sai, se cler u lerre i uenist u fauz,  
 15 mustiers e cimitiries li deust estre escuz.

Plait qui fuissent de dete u par fei u senz fei,  
 tel plait deussent estre tuit en la curt le rei.  
 de crimene en laie curt par dreit plaidier ne dei.  
 clerc e de dete e d'el aurunt e curt e lei,  
 20 e tuit cil qui d'aumosne unt e uiure e conrei.

Fiz à uilain ne fust en nul liu ordenez  
senz l'asens sun seigneur, de qui terre il fust nez.  
e deus à sun seruisse nus ad tuz apelez.  
mielz ualt fiz à uilain qui est prouz e senez,  
25 que ne fait gentilz hum failliz e debutez.

Tel erent li capitel des leis le rei Henri.  
li buens pape Alissandres, saint Thomas altresì,  
les escumenierent tut, pur ueir le uus di,  
e tuz cels quis tendreient de cel ore à nul di;  
30 nes deiuent pas tenir cil qui sunt deu ami.

23 As fous e as feluns i out plasible lei.  
contredire la deit chascuns hum qui ad fei:  
car partut desplaieit al celestien rei.  
sun champion en ad mult eshaucié, co uei,  
5 qui en prist la bataille pur uaincre cel desrei.

Mais quant li arceuesques ot à Sanz suiorné,  
entur l'apostolie bien un meis demuré,  
à Punteigni l'auait la pape comandé  
od blans muines qui erent e od Guischar l'abé.  
10 quanque mestiers li fu, li auait cil troué.

Or uus ai fait ici mult grant digressiun:  
car ne uoil en l'afaire mettre corruption.  
or me restuet ariere uenir à ma raisun,  
là ù li sainz s'en fu fuiz de Northantun;  
15 e que li reis en fist, metrai en mun sermun.

Quant ot li reis Henris, l'arceuesque s'en fuit,  
durement s'en marri, e si conseillier tuit.  
tuz les porz funt guaitier e de iur e de nuit,  
qu'il n'i puisse passer od plain chaland u uuit.  
20 mais pur neent le fait: car deus l'en ad conduit.

Quant nel poent trouer en trestut Engleterre,  
ne trouer nel purrunt s'à Sanz ne l'augent querre,  
sun mautalent e s'ire li reis mustre e desferre.  
as parens saint Thomas ad prise si grant guerre  
25 que tuz les fist chacier hors de tute sa terre.

Tuz les en fist chacier, e hummes e muilliers,  
 les clers en personez, burgeis e cheualiers,  
 od filles e od fiz, od enfanz laitieniers.  
 tut saisi en sa main, e terres e mustiers,  
 30 e uif aueir e mort, blé rentes e deniers.

b Tute l'arceuesquié aueit il nis saisie  
 en rentes e en fuis, en autre manantie;  
 e à Randuf de Broc l'a liuree en baillie,  
 qui tute al ues le rei ad la rente cuillie.

5 de tut n'en pout aueir li sainz une demie.

De rien n'i puet aueir li sainz hum recourier;  
 né nuls de tuz ses clers n'i osa repairier,  
 ne nuls des suens n'i out à beiure n'à mangier:  
 ainz les ad fait li reis fors del pais chacier.  
 10 tut ad pris à sun ues tresqu'à un sul denier.

Ensi en sunt chacié li parent saint Thomas;  
 uunt en autre pais dolent chaitif e las,  
 e portent lur enfanz lur robes e lur dras.  
 ueir se dit li uilains que de si haut si bas.  
 15 ainceis erent manant: or n'en i ad nul cras.

Li arceuesques sist un ior à sun mangier.  
 sis seneschauz li uint la nouele nuncier  
 que li reis out tut fait sun lignage esscillier.  
 ainz tierz di en aueit bien plus d'un cent entier.  
 20 mais pur deu l'en priout, ne s'en uolsist irier.

"Guillaume, se ueisse" fait il "tuz detrenchiez  
 serganz pur ceste cause e parenz eschorchiez  
 e serurs e neueuz, n'en sereie esmaiez:  
 car à seur sereie e bien certefiez  
 25 que salué les aureit la diuine pitiez."

Ne puet en lui diables de nule part entrer.  
 fait le out de grant richesce e del pais ieter,  
 par sa char le uoleit e par sun sanc trubler:  
 par nul ennui ne pout sun esperit muer.  
 30 tut le mal qu'il suffri ne uus puet nuls mustrer.



24 Quant li sainz ueit uenir les suens à lui fuitiz  
e les enfanchunetz pendre as meres as piz,  
e que lui e les suens aueit li reis proscriz,  
mielz uolsist estre morz. mult fort est amatiz:

5 mais en deu prent confort e es deuins escriz.

Prist garde à Habraam, à qui deus comanda  
que de sa terre eissist, e li bers s'en ala,  
guerpi ses conissanz. sa femme od sei mena:  
li reis pur sa beauté li toli e roba.

10 sauement li rendi deus, e mult les enhauca.

De Joseph li souint, qui si altre noef frere  
uendirent pur deniers e distrent à lur pere  
que deuorez esteit d'icele beste fere.

15 puis fu il en Egipte asez plus qu'enperere,  
e guari ses parenz de la famine amere.

E de l'enfant Jesu li prist à recorder,  
que li angles del ciel fist en Egipte aler  
pur la pour d'Erode, qui dunc fist decoler  
les enfanz de dous anz: car deu quida tuer.

20 mais es enfanz ne sout la deité trouver.

En teus essamples s'est granment reconfortez.  
mais nepurquant mult ert el corage troublez,  
quant essilliez esteit pur lui sis parentez:  
kar pas n'aueit granz fuis ne autres heritez

25 qu'il lur peust duner. pur co fu esgarez.

En l'essil nepurquant li ad bien esteu:  
car li reis Loewis l'a del tut maintenu,  
lui e les suens troué quanque mestier lur fu.  
e li barun Franceis le runt tant succuru,

30 bien pout aidier as suens qui là furent uenu.

*b* Quant ot li reis Henris de la pape conter  
qu'il feseit par ses briefs les euesques mander,  
à Clarendune ad fait sun cuncilie asembler.  
iluec uoleit il faire as euesques iurer

5 que nul d'els pur apel ne passereit mais mer,

E que à pape Alissandre de rien n'obeireient  
 ne pur ses mandemenz nule rien ne fereient,  
 ne que nuls de ses bries desore ne receureient,  
 n'à Thomas ne as suens de rien ne aidereient.  
 10 il ne l'unt pas iuré, mais ensi l'otrieient.

Li lai en furent mis partut à serement.  
 Rome est à Eurewic, Rogier a trop argent.  
 cil ad Angot od lui: dunc ad Rome en present.  
 Engleterre est enclose e de mer e de uent;  
 15 ne crient deu ne ses sainz pur un poi de turment.

Encore aueit li reis comandé e bani  
 que se en tute sa terre eust clerc si hardi  
 qui à Rume apelast al lues le rei Henri,  
 sereient erramment tuit si chasel saisi  
 20 e il mis en prisun, cum s'il eust mal cri.

Tuit apeleient dunc la presence le rei,  
 plaidouent en sa curt; n'i aueit mot de lei.  
 traité erent iluec poure clerc à beslei:  
 car l'iglise en porteit li riches ouec sei.  
 25 bien puis dire pur ueir co que i'oi e uei.

E li deniers saint Piere fu dunkes retenuz:  
 si fu al eschekier e portez e renduz;  
 li riuages de mer guaitiez e purueuz.  
 se nuls aportast brief e fust aparceuz,  
 30 qui de Rume uenist, tost fust pris e penduz.

25 Mais pluisur en i uindrent par le comandement  
 l'apostolie Alissandre, mais mult celeement,  
 qui apporterent briefs, tel de castiement  
 de co que li prelat erroient malement,  
 5 tel de suspensiun e tel de damnement.

Dunc manda saint Thomas ses euesques par cunte.  
 nul d'els n'i uolt aler fors Rogier fiz le cunte.  
 erramment passa mer senz cungié de uescunte,  
 ne fist à sun prelat n'à saint iglise hunte.  
 10 set anz fu en eissil, mult enprunta à munte.

- Or oez les capitauz que li reis enueiad  
as bailliz del pais, e sis i aportad  
Walters de Grimesbi, li escriz li numad,  
Wimuns li chapelains qui od li i alad.
- 15 tost uus aurai conté co que escrit i ad.  
Se nul brief el pais de la pape aportast,  
u que li arceuesques Thomas i enueiaist  
qui la cristienté defendist ne ueast,  
qu'il fust erramment pris e que l'um le guardast,  
20 desque li reis Henris sun uoil en commandast.  
Se clers muines chanuines u conuers passast mer,  
le brief à la iustise l'en estuueit porter;  
e se nuls reuolsist en Engleterre aler,  
le brief le rei portast qu'il uolsist là passer:  
25 senz co le fesist l'um prendre e enprisuner.  
Ne nuls nul mandement ne tenist ne guardast  
que pape u l'arceuesque Thomas i enueiaist;  
ne nuls lur mandement el pais n'aportast.  
e se nul od tel brief clerc u lai encontrast,  
30 qu'il fust pris erramment e que hum l'enprisunast.  
b Se pape u l'arceuesque nului entredeusist,  
se euesques u abes lur sentence tenist,  
clers u lais ensement, hors del pais fuist  
od trestut sun lignié, k'un sul n'i remasist.  
5 rien n'eussent del tut, mais li reis tut presist.  
Li clerc qui orent rentes e lur possessiuns,  
qu'en chascun cunté fuissent par treis feiz sumuns,  
se repairier uolsissent as rentes ne as maisuns,  
ariere reuenissent dedenz treis luneisuns,  
10 à tuz dis remansissent mais en chaitiuesuns.  
Tut lur aueir aureit tresqu'à un sul denier  
li reis: car pur co out cest ban fait nuncier  
que li clerc saint Thomas n'osouent repairier;  
e par cele sumunse les uoleit esluignier  
15 e à tuz dis del tut proscrire e essillier.

Li euesques de Lundres e cil de Norewiz  
 fuissent sumuns à dreit (co ruua li escriz)  
 par deuant les iustises que li reis out esliz,  
 par quel raisun quens Hue ert par els entrediz  
 20 sur les leis que li reis out el regne establiz.

Veez cum grant dolur, quel mort e quel iuise  
 suffreit à icel tens la sainte mere iglise,  
 que sa dreiture faire n'osout ne sa iustise;  
 e se ele le fesist, la ueniance en fust prise.  
 25 pur les dreiz sa mere a li fiz sa teste mise.

Encore a un capital, que dirai ensement,  
 à li reis comanda par l'escrit ueirement  
 que li deniers saint Piere fust par tute la gent  
 d'Engleterre cuilliz e gardez lealment  
 30 tresque il en fesist altre comandement.

26 Grant auancement unt Engleis en lur pais:  
 si fu par le rei Knut, qui fu Daneis, asis.  
 par chascun ostel est cil deniers par an pris,  
 à il a de cinc solz de uif auer le pris.  
 5 à trente deniers est en pluisurs lius ia mis.

Li apostolies sout auer icel denier,  
 e par co fist gramment les Engleis alegier.  
 nes estuet par pechié de la terre esluignier.  
 tute lur penitence ferunt lez lur fuier.  
 10 idunc le prist li reis, e sil fist estuier.

Selunc mun iugement li reis auait le dreit:  
 apostolies legaz arceuesques esteit.  
 se pape u arceuesque sa terre entrediseit,  
 senz cruiz e senz estole li reis les asoilleit.  
 15 n'i poeit saint iglise uers li mustrer nul dreit.

En cel contemple ad fait li reis Henris iurer  
 Henri son fil à rei, e sil fist coruner.  
 l'arceuesques Rogiers, qui nel uolt refuser,  
 l'auait enuint à rei. nel se deust penser:  
 20 car cil de Cantorbire deit tuz les reis sacrer.

Od l'arceuesque i sunt dui euesque asemblé,  
Gilebert Foliot de Lundres la cité,  
e Jocelins i ad de Salesbire esté,

pluisur autre ensement qui ci n'erent numé.  
25 sur ces treis fu li fais, e par els fu ouré.

Or unt enuint l'enfant icil trei boiseur.  
deus li creisse ses anz e uertu e honur.  
mais n'apartint à els, fait s'en sunt robeur.  
n'en sunt del sacrement li mot de rien peiur,  
30 ne il rien mains sacrez. deus li doinst sue amour.

b Senz raisun unt enpris en autrui poesté  
à faire autrui mestier: mais chier l'unt comperé.  
à Rome en sunt sumuns, mais pas n'i sunt alé.  
par l'apostolie sunt de lur mestier seuré.  
5 pur la pour del rei unt deu tut adossé.

Deus, quel duel des prelaz que lur mestier ne funt!  
mucié est la lumiere qui esclaire le munt.  
il sunt li pullent cors qui l'esperit corrent.  
chien mu n'abaient pas, suz le banc lie sunt,  
10 as larruns conioissent, al mesfait od els uunt.

Tut de but se teneient cil trei partut al rei,  
ne il ne uoleient faire pur deu ne co ne quei.  
en fause trinité erent en un tut trei,  
e de la uerité esteient partut quei,  
15 e uoleient turner les custumes en lei.

Ne uoleient de rien lur seignur adrescier,  
mais contre saint iglise le faiseient plaidier,  
e se peneient mult des escriz encercier,  
s'il peussent trouer nule rien n'espier,  
20 dunt la cause le rei peussent esforcier.

Del tut erent à un plus que uncles e nies,  
e souent enueieient à saint Thomas lur bries.  
disaient qu'il ot tort, quant al rei ert si gries:  
car des iglises est li reis e sire e chies,  
25 e les iglises sunt faites des reaus fies.

As reis deiuent tres bien li prelat obeir.  
 bien lur deit hum laissier lur custumes tenir,  
 quant à lur anceisurs nes peut um ainc tolir.  
 pur tuz cels qui or sunt ne lur estuet guerpir.  
 30 mult deiuent lur seigneur e clerc e lai souffrir.

27

Itels briefs enueieient al saint humme ultre mer,  
 plusurs altres asez dunt rien ne sai conter,  
 pur mielz plaisir al rei e pur lur sens mustrer.  
 il refaisait les suens: si lur faiseit porter  
 5 pur destruire les lur e sa cause afermer.

Humblement respundeit il sainz à lur escriz,  
 e par les escriptures confermout tuz ses diz;  
 ne puet estre en nul liu par els tuz contrediz.  
 herbergiez ert en lui pur ueir sainz esperiz,  
 10 qui dedenz lui parlout e par qui il ert fiz.

As terriens seignurs deit hum bien obeir,  
 tant cum al siecle apent: mais se il uolent tolir  
 à saint iglise rien, ne lur deit hum souffrir.  
 e se l'um les esparnie qu'um nes uoille ferir,  
 15 quant deus reuoldra bien, ne li purrunt guenchir.

Li prelat sunt serf deu, li reis les deit cherir;  
 e il sunt chies des reis, li reis lur deit flechir.  
 deus est chies des prelaz: pur sa lei maintenir  
 il deureient estendre les cols, prez de murir.  
 20 deus suffri mort en cruiz pur s'iglise franchir.

De deu tienent li rei e de sa mere iglise.  
 à lui e as suens deiuent e honur e seruisse:  
 car de lui unt il lei e la corune prise.  
 ele deit auer bien e tuit li sien franchise,  
 25 quant par sa mort li ad nostre sire conquise.

E li buen anceisur, qui les iglises firent  
 e qui premierement del lur les establirent  
 e de lur propre aumosne les crurent e uestirent,  
 de tutes ces custumes e d'autres les franchirent,  
 30 ne ainc puis à nule rien un des deiz n'i tendirent.

6        Car cil qui fait aumosne la deit del tut franchir,  
partut e contre tuz defendre e maintenir.  
n'il n'en deit seignurie ne nul el retenir:  
car co n'est pas aumosne, s'il en fait sun plaisir.

5        quant l'a duncie à deu, ne li puet retolir.  
E quant uers sainte iglise uolt li reis rien mesprendre,  
qui la deureit partut e tenses e defendre,  
li euesque l'en deiuent mult egrement reprendre;  
ne deiuent là en dreit rien à son uoil entendre:

10        mais n'osent la busee plus que le ros atendre.

Barun e cheualier e sergant e uassal,  
qui n'unt rien de nului fors fié anceisural,  
se combatent souent pur lur seignur mortal  
e sueffrent grant damage, mort e mahaing e mal:  
15        car il ne uolent estre tenu pur desleal.

Mielz deureient asez li prelat guerreier  
tuz cels qui saint iglise uolent contralier:  
car de la table deu sunt riche e haut e chier.  
le fil à mult bas humme fait deus si eshaucier  
20        qu'um li dune eueschié u mult haut mestier.

Li prelat deiuent estre li plus espirital,  
ne deiuent chançler pur rien de lur estal.  
cil qui laissent le munt e se tiennent el ual,  
bous d'or en gruing de porc sunt e del tut ia al.  
25        ne sunt pas humme deu, ainz sunt des serfs Baal.

Desore uus larrai ces paroles ester;  
uoldrai uus les epistles e dire e raconter  
qu'al rei e as euesques enueiad li bons ber,  
qu'il deussent la pes saint iglise garder,  
30        e celes qu'il li firent encontre reporter.

28        "Al gentil rei Engleis, conte d'Ango, Henri,  
duc Norman Aquitan, sun seignur e ami,  
Thomas li arceuesques, qui iadis le serui,  
mais or est suens en deu, saluz e oures si  
5        qu'il guerpisse e ament tuz mals qu'a fait ci.

J'ai atendu q'te deus te uolsist uisiter,  
 que tu de male ueie uolsisses retourner  
 e tun felun conseil d'entur tei tut oster,  
 qui te frea, co criem, si parfunt aualer  
 10 que iamaïs ne purras resurdre ne munter.

Suffert ai tut ades, e si m'en sui teuz,  
 qu'um me desist 'li reis qui ert morz e perduz,  
 tes fiz e sires, est trouez e reuescuz.  
 par conseil de feluns ot esté deceuz:  
 15 or est à s'iglise pur dreit faire uenuz.

Encontre saint iglise ad esté lungement,  
 mais desore trarra à sun deliurement;  
 la pietez de deu l'a trait à amendement.  
 chascun iur prium deu pur tei el sacrement,  
 20 par sa pieté te mette à dreit auieiment.

Pur co le di que mei, qui dei suz deu garder  
 l'iglise del reaume e les mesfaiz oster,  
 as essillié e fait hors del pais aler,  
 saint iglise e les suens, qui sunt mis, mesmener.  
 25 io l'ai mis en suffrance que nel fis amender.

Pur co sui mult dolenz que tu as tant mespris  
 uers sainte mere iglise e as quens qui sunt mis:  
 car io part as mesfaiz, quant iustise n'en fis.  
 qui iustise est e iuges, e il en est iolis,  
 30 il e li pechiere est en u el culpe asis.

b Saint escripture dit, e cil testimonie,  
 que li consentanz est del mesfait en partie  
 par quels cil quil deit faire e puet e nel chastie:  
 car bien pert que cil ad el mesfait compaignie,  
 5 ki ne uolt contre ester à l'aperte folie.

Reis, men uoil te uoldreie plainement chastier:  
 pur co t'ai fait mes lettres mult souent enueier.  
 nient plus qu'un petiz burs puet l'onur abaisier  
 del regne, plus ne deiz, reis, par nul enconbrier  
 les dreiz de saint iglise abatre ne changier.



Li dreit iugement deïent des prouieres uenir.  
quels que seit li euesques que deus fait establir,  
mais religiun uoille e sun ordre tenir,  
nis s'um le ueit cum humme en grant pechié chair,  
15 ne deit par poesté terriene perir.

Li religiun prince, qui uolt bonté amer,  
deit noueles iglises drescier e aleuer,  
celes qui sunt chaues e creistre e restorer,  
e les prouieres deu e les clers honurer,  
20 e partut maintenir, se nuls les uolt greuer.

Al bon prince deureies Constantin reguarder.  
quant um out fait les clers deuant li amener  
e um les acusa, tuz les laissa ester.  
'nul ne uus puet' fist il 'fors damnedeu dampner:  
25 iugié ne poez estre par prince seculer.'

Si cum li saint escrit mustrent e li doctur,  
deus roue les apostles e que lur successur,  
e tut cil qui laburent el champ nostre seignur,  
ne seient dechacié n'osté de lur tenur:  
30 car serf Jesu Crist sunt e si despensatur.

29 Maistre e pere e pastur sunt li prouaire en lei  
à trestuz cels qui uiuent en cristiene fei.  
deus le het qui sun pere uolt metre desuz sei;  
e se nuls bat sun maistre, il se maine à beslei  
5 par kei es celui qui tient e carcan e balei.

Se bon cristien es e uols ta fei garder,  
bien creum e uolum qu'en co uoilles ester.  
fil d'iglise te dei, nun euesque apeler.  
les prouieres ne deiz enseignier ne mener:  
10 ensiwre les t'estuet, deuant deïuent aler.

Tes priuileges as e leis e poesté:  
n'acuil al deuin ordre rien encontre sun gré.  
se par mal conseil as contre deu meserré,  
que deus ne traie à tei, chie en humilité.  
15 se tost ne te repenz, enuers tei ad tesé.

Queque dient li tuen e li deu traitur,  
 ne te turne à uilté mais à mult grant honor,  
 se de tut te humilies uers le puissant seignur  
 qui l'orguilus abat, met le umble en sié haucur.  
 20 rei e prince bien deiuent de li auer pour.

De tuz se puet uengier ki li puet contrester.  
 suuenir te deureit, reis, e bien remembrer  
 en quei deus te trouad, cum il t'a fait munter  
 e creistre e richir e tun regne afermer.  
 25 tut te portent enuie, e enemis e per.

Deus t'a eslit, co dient e li haut e li bas.  
 pur les biens que t'a fait, pur tuz que li rendras?  
 destruiras ses iglises, ses clers dechaceras  
 par conseil de feluns que tu entur tei as,  
 30 par quels encontre deu e saint iglise uas.

*b* Li ordené sunt cil qui deus dit e apele.  
 qui uus despit, e mei, fait cil qui ne chaucele;  
 qui uus het, e mei het e contre mei reuele;  
 qui uus fiert, e mei fiert en l'oile en la purnele.  
 5 cil qui mesfait as clers, deus le het e querele.

Se tut le mund auer as poures departi,  
 la cruiz eusses prise e Jesu Crist sewi,  
 tut n'aureies à deu que il t'a fait meri.  
 Saul qui deus eslist, pur co que deu guerpi,  
 10 e il e sa lignee e sa mesun peri.

E li reis Ozias qui mult est renummez,  
 pur co que il auer ses enemis matez,  
 ultre mesure en est orguilliz e muntez.  
 à deu qui li aida partut n'en rendi grez.  
 15 par surquidier enrist l'office as ordenez.

Del saint encens porter el temple s'enhardi.  
 deus s'en ert cureciez, de liepre le feri.  
 par les ordenez deu, qui furent establi,  
 fu getez hors del temple. unkes puis n'en eissi;  
 20 mesaus fu e lieprus tuz les iors qu'il uesqui.

Beals reis, se. tu uoleies encerchier les escriz,  
plusurs rois trouereies que deus out ainz esliz.  
quant il les out el mund muntez e encheriz,  
mal unt encontre deu lur mestiers acompliz.  
25 deus les ad à neent remis e apouriz.

Joaz le mestier deu cum prestres enuai,  
encensa cum euesques in domo domini.  
reis esteit, e euesques uoleit estre altresi.  
deus s'en est coreciez, de liepre le couri;  
30 mesaus fu, e degez par sun orguil peri.

30 Sur un char fist l'um metre l'arche deu e courir.  
li buef en chancelerent, l'arche uoleit chair.  
Oza i mist la main, qui la uolt retenir.  
l'ire deu l'abati; sil fist iluec murir:  
5 car cel mestier deureient li prouaire furnir.

Reis, suef se chastie qui d'autrui se chastie.  
cele parole as tu en plusurs lius oie.  
reis, li ordené unt saint iglise en baillie,  
ne as poestez del siecle ne la baille deus mie.  
10 tut feel sunt suz lui; ele ad la seignurie.

Lai ester autrui dreit, tut co qu'à autrui apent;  
ne chalengier à deu sun establissement.  
de deu as poesté e tun coronement;  
de prince ne de lai ne l'as seculerment:  
15 car as prelaz apent e ordre e sacrement.

As leis ecclesiaus deit laie lei servir.  
nuls ne deit plaiz d'iglise, se n'est clers, maintenir,  
ne laie leis ne deit la clergil dauancier.  
li cristien rei solent saint iglise obeir.  
20 lais ne deit clerc fuller, mais chier le deit tenir.

Dous choses a el mund par quei est guernez,  
des reis e des euesques la sainte poestez.  
quant pur iugier sera tuz li munz assemblez,  
li prelat respundrunt pur les reis corunez:  
25 tant est greindre lur fais et plus pesant asez.

Mulz des princes fist um iadis escumengier,  
reis e enpereurs, e d'iglise chacier.

l'empereur Archadie fist iglise uoidier  
Innocenz l'apostolie, nel uolt pur li laisser,  
30 pur co que saint Cristone comanda essillier.

b Sainz Ambrosies l'euesque pur ueir escumenia  
l'empereur Teodosie e d'iglise seura  
pur un altre mesfait, qui mult meindre sembla.  
mais à la pardefin dignement l'amenda,  
5 absolutiun prist e à deu s'acorda.

Dauid reis e prophetes puruit altrui muillier.  
sun seignur fist ocire e sun buen cheualier.  
Natan li enueia deus pur li chastier.  
ne li sembla pas hunte de li humilier  
10 deuant les piez Natan, ne de merci preier.

Quant il cria merci, deus l'en a fait reles;  
bon le troua e humble e de malen decés.  
reis, al bon rei deureies essample prendre ades.  
returne tei à deu, met ius le greuus fes.  
15 mesfait as en maint liu, dunt encore me tes.

Sire reis, co t'ai ore à parmannes escrit,  
e mult ai trespasé que io ne t'ai pas dit,  
saueir se tu metreies tun pechié en despit,  
qu'um me desist 'tes fiz, qui morz esteit, reuit.'  
20 à mun uoil metreit deus en tei sun esperit.

E se tu ne me uols oir ne heshalcier,  
qui deuant le cors deu soil deu pur tei preier,  
io prierai à deu qu'il se hast del uengier  
les mals e les iniuries e le grant reprouier  
25 que tu e li tuen funt, e nel uolez laisser.

Certes io prierai al seignur de uertuz  
'uenge le sanc des tuens, deus, qui est espanduz,  
e les afflictions, dunt nombres n'est ouz.  
de tes enemis est li orguilz si creuz  
30 que tei e les tuens heent. n'en puis plus ester muz.'

31 Reis, qui que face l'ouraigne, de tes mains ert requise:

car bien fait le damage qui le malen atise.

se tu ne lais ester e clers e saint iglise,

deus le uengera tost; ia ad sa uerge prise.

5 tens est qu'en uelté en prenge la iustise.

Car il set bien as princes lur esperit tolir,

e puet bien les reis batre: nuls ne li puet fuir.

la grace deu te uaille à salu partenir.

s'en ueire humilité te uols tost repentir,

10 ensi aies salu. ia n'en puisse partir."

Ces lettres senz saluz enueia à Chinun

al rei, e sil requist par mult bele raisun

quel laissast repaier en pes en sa mesun,

e à sa mere iglise fesist e rente e dun

15 e à lui e as suens de sa possessiun.

Se volez esculter, tost uus aurai conté

que i out en cel brief escrit e endité.

"sire reis" fait li il, "forment ai desiré

que une feiz uus eusse ueu e auisé,

20 e que io buche à buche eusse à uus parlé.

Mult pur mei, plus pur uus l'ai desiré. pur mei?

se uus me ueissiez, uus menberreit, co crei,

de co que uus serui leaument e en fei.

si m'ait deus al ior al poerus esfrei,

25 quant deus rendra chascun co ke aura fait pur sei.

E que uus eusiez merci e pieté

de mei qui sui mendis en estrange regné.

mais deu merci io ai à mun uiure à plenté:

car li apostles Pols m'a mult reconforté.

30 car i'ai en ses epistles tut en lisant troué

6 Que tuit cil qui uolent uiure en deu piement,

il lur couient qu'il sueffrent mesaises e turment.

e Daid li psalmistes, qui nus dit ensement

'ne uit ainc deguerpi nul qui uit leahment,

5 ne nului pain querant de sun engendrement.'

Pur treis choses pur uus, que uus uoil denuncier,  
 que od us parler eu ai mult grant desirier.  
 mes sire estes: dei uus e uoil bien conseilier.  
 ges reis estes: dei uus pur uus auer mult chier.  
 10 mes fiz estes en deu: si uus dei chastier.

Car ueez cum li peres chastie sun enfant  
 par mult dulce parole e par aspre e mordant,  
 e mainte feiz le bat de la uerge trenchant,  
 qu'il le repeaut à bien, quant le ueit mesfaisant,  
 15 u par sun chosement u par l'aspre uergant.

La grace deu uus fist enuindre e coruner:  
 pur co uus devez mult constraindre e guuerner  
 e tute uostre uie en buens murs afermer,  
 que uus puissiez as autres buens essamples duner:  
 20 car à uostre faisance uolent tuit esguarder.

A tels ia suef e dulz estre devez  
 en pur co que uus estes e enuinz e sacrez  
 e reddes as plusurs pur le brant que portez,  
 qui dedenz saint iglise pur co uus fu dunez  
 25 que les enemis deu detrenchiez e matez.

Quant li rei sunt enuint, co devez bien saueir,  
 qu'um lur met en treis lius l'enunctiun pur ueir  
 qui les comandemenz deu ne uoldrent gardeir  
 en eaus glorie mult grant e science e poeir.  
 30 metre devez en bien glorie force e saueir

32 As reis d'antiquité deuriez reguarder,  
 qui les comandemenz deu ne uoldrent garder.  
 Nabucodonosor e Salemons li ber  
 e Saul durement troucrent deu amer:

5 car tut co lur toli quant nel uoldrent amer.

Ezechie e Dauid e maint autre plusur,  
 quant il orent mesfait uers deu lur creatur,  
 mult s'unt humilié e furent en doloir  
 e repentant es quers. la grace al rei aucur  
 10 lur duna puis asez glorie sens e ualour.

Sainte iglise funda deus, e il l'establi,  
e par sun propre sanc deliura le e franchi,  
e scopi e batuz en fu, e mort en suffri.  
sun essample à nus tuz e laissa e guerpi,  
15 car ensiwm les traces qu'il ala e siwi.

Car ki uolt à la glorie celestiel partir,  
li couient estre el cors e les eises fuir,  
ensi cum sainz Pols dist. pur deu deuum murir,  
la uolenté del cors e les eises guerpir,  
20 se od li uolum uiure e pur li mort souffrir.

En dous ordres de gent est faite saint iglise:  
del pueple e del clergié est faite e asise,  
e par dreit aunie est en ceste diuise.  
la cure unt li prelat de la part deu conquise,  
25 qui à salu des anemes seit traitie e prise.

E deus dist à saint Piere e as clers, bien le sai,  
'tu ies pieres, e sur ceste pierre ferai  
m'iglise, e ma maisun i edifierai,  
e les portes d'enfer par li depeceraï.'  
30 ceste poesté unt li clerc e nient li lai.

*b* Al pueple sunt li rei e l'autre baronie,  
qui les lais unt suz els e en lur main burnie  
e les leis seculers en poesté saisie.  
mais si deinent traitier co qu'il unt en baillie,  
5 que saint iglise seit tut en pais aunie.

E lur poesté prennent li rei de saint iglise:  
mais ele n'a pas la sue de nule des uoz prise,  
fors de deu, sun espus, qui li auent conquise.  
sur les prelaz pur co n'auent pas comandise  
10 de faire u de laissier la clergille iustise.

Ne deuez as prelaz defendre u comander  
u d'asoldre cestui u de cestui damner,  
ne les clers ordenez ne traitier ne mener  
un sul à uoz iuises ne à lei seculer,  
15 nului de noz iglises ne des dismes causer.

Ne deuez as prelaz faire defendement  
à plaidier de lur plaiz, cum de trespasement  
u de fei u de crime u de faus serement,  
e d'us e de custume e de plait ensement,  
20 de tels que uostre aiols tint ancienement.

Deus nostre sires dit 'les meies leis gardez.'  
li prophetes redit 'wai uus qui estorez  
les leis de felunie, e uus qui les gardez;  
les torz e les eniuries, e uus quis apernez  
25 les pources deu e force faites as humbles feelz.'

Receuez le conseil, sire, e l'asensement  
de celui qui uus est fedeilz ueraïement.  
oez de uostre pere sun bon chastïement  
e de uostre arceuesque sun amonestement;  
30 n'od les puruers n'aiez mais nul comunement.

33 Car par tute la terre est proef manifesté  
que l'apostolie auez mult granment honuré  
e l'iglise de Rume nurri e aleué.  
l'apostolie uus a e saint iglise amé,  
5 fait uus od raisun co qu'avez demandé.

Sire, se le salu de l'aneme desirez,  
saint iglise del suen nule rien ne tolez;  
pur aucune raisun encontre deu n'alez;  
saint iglise laissez tutes ses franchetez,  
10 si cum ele ad partut es aliens regnez.

Souenir uus deureit de la professiun  
qu'offristes sur l'autel à uostre enunctiun,  
e del uou que fesistes à deu en sa maisun  
e s'espuse dunastes uostre defensiun.  
15 de tute sa franchise li fesistes le dun.

La sainte mere iglise de sainte ternité,  
sire, dunt receustes corune e poesté,  
restablissiez del tut à cele dignité  
e en icel estat e en l'entierreté  
20 qu'el out as ancesurs e par antiquité.



E. ses possessiuns e ses autres baillies  
e uiles e chastaus e fiez e mananties,  
à uoz clers e as lais qu'auiez tutes saisies  
e à uostre plaisir dunees e parties,  
25 que tutes les rendez tut en tut rentieries.

Laissiez nus repairier en pes e franchement,  
e nus uus seruirum cum à rei leaument  
e si cum à seignur, tant cum à nus apent.  
se nus ensi ne faites, saciez certainement  
30 que nus en referum le deuin uengement."

b Li euesques de Lundres une epistle enueia  
saint Thomas ultre mer, mes sun nun i cela  
e el nun des euesques del pais le dita  
e des autres persones, mais nul n'en i numa.  
5 amur subiectiun e saluz li manda.

"Pere, quant uus partistes del regne sudement,  
mult par en fu troublez li regnes erramment.  
mais par uostre humilité e par uostre escient  
esperames, par grace de deu omnipotent,  
10 qu'en la pais reuendreit ù fu premierement.

Primes nus en poumes conforter e aitier,  
quant par le regne oimes nuueler e nuntier  
que ultre mer eriez, ne uoliez plaidier  
uers le rei, ne si haut encontre li drecier,  
15 nul mal ne nul engin el regne purchacier.

Ainz uoliez pouerté de uostre gré porter,  
en oreisun ades e en studie ester,  
les mesfaiz e la perte des mesfaiz amender,  
en ueilles e en plur e en mult ieuner,  
20 que l'amur al haut rei peussiez conquerer.

Teus oures erent bones à la pais refurmer.  
quidames que par co peussiez recourer  
la grace al rei, e se ire uus uolsist parduner  
les torz que li eustes faiz ensi ublier.  
25 senz sun congié partistes e passastes la mer.

*Philos.-histor. Abhandl.* 1838.

L

Nis cil qui uus uoleient amer e maintenir  
 e poeient al rei parler e auenir,  
 e quant le requereient de uus dous amaisir,  
 de concorde e de pais entre uus establir,  
 30 à la feiz les soleit benignement oir.

34 Or aum el oi, dunt nus sumes irié:  
 car brief auez al rei senz saluz enueié,  
 ne l'aeuz de sa grace requis ne depreié.  
 n'entenduns de teus lettres un sul puint d'amistié,  
 5 quant à escumengier l'aeuz ia manacié.

E s'ensi le parfaites cum uus l'aeuz pramis,  
 tut co que est trublé e meslé el pais  
 n'iert iamais en concorde ne en amur mis,  
 ainz en crestra haenges qui durra mais tuz dis,  
 10 ne qui n'iert apaisiez pur humme qui seit uifs.

Parfitement se deit sages hum purpenser,  
 quant il comence rien, bien puisse parfiner;  
 e en co devez mult uostre grant sens mustrer.  
 sauez que plus purrez en tel guise mener  
 15 co qu'aeuz comencié, là ù uolez aler.

Pur cest grant hardement que l'aeuz manacié,  
 de la bone esperance sumes tuit eskuignié:  
 car ne ueum coment seiez mais amaisié,  
 quant uus alez sur li od uostre brant sachié,  
 20 que nuls prit mais pur uus ni à lui aeisié.

Pur co uus conseilum en fei e en amur,  
 ne faites tort sur autre; n'i ait trauail greignur.  
 comandez uostre cause à deu le creatur,  
 e laissez uoz manaces. suffrez uostre seignur.  
 25 pur nostre humilité aura de uus tendrur.

Ensi poez aueir s'amur e sa chierté.  
 n'i auez par manaces nule rien conquesté.  
 plus purriez conquerre par uostre humilité,  
 e de gré uus uendreit mielz suffrir poureté  
 30 que tenir grant honur de lui par engresté.

- 6       Tuit seuent qu'il uus ad durement honoré,  
del poi à uus troua hautement aleué;  
bailla uus del realme tute la poesté,  
que cil que eussiez de bon oil regardé  
5 se tenist à cel ure pur mult boneuré.  
Depoi uus crut en halt e mult uus honura;  
tut encontre sa mere qui li desconseilla,  
encontre tut le regne à cui il anuia,  
encontre saint iglise qui grief en suspira,  
10 l'onur que uus auez uus conquist e duna.  
Ne quida quel uolsissiez de rien contralier,  
mais conseil li regne e partut auancier.  
quant le uolez abatre quil devez conseil lier,  
malement li uolez sun bienfait mercier.  
15 mal en puet tuz li munz raconter e nuncier.  
Ne perdez uostre pris pur co ne uostre honur.  
par amur conquerez le rei uostre seigneur.  
se conseil ne creez que uus donent plusur,  
al conseil l'apostolie clinez e à s'amur,  
20 à l'iglise de Rume qui ne flechist d'un dur.  
Hum uus deit bien mustrer que ne faciez tel fait  
dunt saint iglise chiece en plus dolerus plait,  
qui maint ior a esté en plur e en deshait,  
e que cil nel conperent qui rien n'i unt mesfait,  
25 e porte la colée de co qu'altre a forfait.  
Que dirriez se li reis, qui li regnes apent  
e qui a desuz li e les clers e la gent,  
se part de l'apostolie par uostre anguissement  
e ne uoldra mais estre à sun comandement?  
30 car encontre le rei pur uostre amur se prent.  
35 Veez cum hum le prie, quel dun um li presente.  
mais pur si grant pramesse n'i met un point s'entente.  
ferms est cume la pierre encontre la turmente.  
mais cil qui tuz li munz ne remue ne tente,  
5 sire, io criem, ne turt. mais ia deus nel consente.

L 2

Mais se co auient par uus, uus le purrez suffrir,  
 mais tuz li uis de lermes uus en deura courir;  
 e pur co uus deuez de conseil si guarir  
 qu'il ne puisse à la pape à damage uenir,  
 10 à l'iglise de Rume e à uus mult nuisir.

Mais nostre sage clerc n'en uolent graanter.  
 tut co que poez faire uus rouent espruer  
 e al rei e as suens la poesté mustrer  
 à celui qui mesfait qui mult fait à duter  
 15 e à criendre à celui ki ne uolt amender.

Ne dium que li reis n'ait mesfait e mespris,  
 mais il est partut prez de l'amender tuz dis.  
 pais deit garder el regne: pur co li ad deus mis;  
 e pur co que mielz puisse pes garder el pais,  
 20 uolt auer leis e us qui sunt el regne asis.

Entre uus e le rei auez esté medlé.  
 l'apostolies l'en a souent araisuné.  
 li prelat del reaume l'en unt amonesté.  
 s'iglise u persone a, ce dit, de rien greué,  
 25 par l'iglise estera à dreit tut de sun gré.

De dreit faire u de plus est prez, se nul l'en prie;  
 e s'il mesfait uers deu, liez est s'um le chastie.  
 e quant à saint iglise e à deu s'umilie,  
 n'i ad lei ne decré ne rien qui l'entredie,  
 30 n'espee eclesial quil depiest ne ocie.

b Metez enz uostre espee, iugement ensiwez;  
 tuit uus en requerum. ne uus desmesurez,  
 ne pur ignel conseil n'ociez ne tuez  
 les oeilles ki sunt desuz. puis reuenez,  
 5 qu'en bone seurté e en peis les metez.

Une chose auez fait dunt mult sumes dolent,  
 que l'euesque auez mis en escumengement,  
 celui de Salesbire, sun deien ensement.  
 mais ainz deit l'um la cause saueir certainement  
 10 e oir e traitier qu'um face iugement.

E qu'ensi ne faciez e al regne e al rei,  
iglis e parosses qui sunt en nostre otrei  
que nes escumengiez à tort e à beslei,  
al damage la pape e al uostre, co crei,  
15 apeluns pur remedie e refui de l'esfrei.

E à l'ascensium metum de l'apel iur.  
mais tuit uus requerum, pernez conseil meillur.  
ne nus metez en eire ne en si grant labur.  
ne faites à uoz fiz si despendre le lur.  
20 uostre salu uolum en deu nostre seigneur."

A l'euesque de Lundres unes lettres itaus  
enneia saint Thomas tutes continuaus.  
en lui de saluz out paroles annuaus,  
que il trespast einsi par les biens temporaus  
25 qu'il ne perde la ioie qui est espiritaus.

"Merueille est de sage humme e des lettres apris  
e qui saint abit ad de religiun pris,  
qu'il la cremur de deu a si ariere mis.  
contre uerité uait e med le bien en pis.  
30 uolt saint iglise abatre e cels qui sunt asis.

36 D'enfer puet saint iglise les portes depecier.  
n'est mie sages hum qui la uolt trebuchier;  
semble humme qui à corde uolt le mund ius sachier.  
pur ire u pur haine ne deit nuls leidengier  
5 euesque ne sun frere al damne deu mestier.

Mais à uoz lettres puis e ueeir e sentir  
que ne puis pas les grapes des espines cuillir  
ne des runces les fiches. mais quil uoldreit oir,  
le scorpiun ressemblent al chief e al partir,  
10 qui uolt deriere puindre e deuant conioir.

Obedience offristes ainz e subiection:  
en refui de co faites puis appellatium.  
tost turnastes uostre est en la negatium.  
n'est od mei, fait l'apostles Pols, est est et nun nun.  
15 en la buche al produme ne deit auer s'un nun.

Deus dona ses apostles poesté, co sauons,  
del calchier sur serpenz e sur escorpiuns

quel remedie uus face uostre apellatiuns.

20 deu en dutez, co dites; mais ne l'i entenduns.

Remedie de tuz mals Jesu Crist nus dona  
obedience. en sei bon essample en mustra:  
car obediens fu à deu qui tut cria  
desqu'en la sainte cruiz, à par mort deuia.

25 tu apeles remedie là à grant nuisance a.

Quides tu que la pape te uoille maintenir  
à co que ne deies à tun maistre obeir?  
dous feiz l'en as requis; ne t'en uolt pas oir:  
car il deit la maistrie e les feis sustenir,  
30 de saint obedience l'ire partut tenir.

b

Primes le requeisis par ta uiue parole,  
puis apres par tes lettres, par suggestiun mole.  
plus est fermes que la pierre qui siet sur uiue mole.  
uicaries est saint Piere, bien seïz; n'est pas uentuole.

5 duns presenz ne preiere nel muet ne afole.

Mais la tierce fiee le deiz bien asaier,  
qu'il ait al tierz asalt le triumphe plenier.  
e que tu me pusses plus forment agregier,  
as esluignié l'apel pres d'un an tut entier,

10 ne nule pitié n'as qui me ueiz eisillier.

Ne n'as nule pitié de sainte mere iglise,  
que nostre sire deus a par sun sanc conquise,  
qui sueffre tel traual e si mortel iuise.

que co que obediensce as à tun dit pramise

15 nostre seignur le rei, n'as nule garde prise.

Itant cum il uoldra uers nus ensi errer  
e enuers saint iglise, que deureit honurer,  
ne purra en bataille seurement aler,  
ne en pes ne en guerre ne uiure ne ester  
20 que le peril de s'aneme ne puisse mult duter.

Or uoil de co respundre qu'en tes lettres desis,  
que quant io departi del regne e del pais,  
li regnes fu troublez e en grant esfrei mis.  
pour poent auer tuit cil qui l'unt purpris  
25 e qui l'unt conseillié, qu'il n'en seient surpris.

Del bon comencement sui mult loez de tei.  
ne despire sun los nul sage humme ne uei:  
mais de co ne deit creire nul autre plus de sei.  
des torz me blasmes mult que io ai fait al rei.  
30 nul n'en nummes: ne sei del quel respundre dei.

37 E de co t'esmerueilles que io sai manecier  
nostre seignur le rei à escumennier.  
qui se taist quant sun fil ueit granment foleier,  
n'entent en lui nul bien quant nel uolt chastier.  
5 mielz est qu'il le chastie quel ueie detrenchier.

Bien sai que li reis uolt chastement souffrir:  
en escumengement ne uolt il pas chair.  
co que deus ad planté ne larra pas perir.  
la nef ueiz tutes parz en tempeste gesir:  
10 i'en tieng le guernail, tu me roues dormir.

Les buntez que li reis m'a fait me mez deuant:  
en halt m'a mis de poi, e granment mis auant.  
à co te respundrai cum à guise d'enfant.  
io n'iere pas si poure cum tu uas ci disant,  
15 quant li reis nostre sire me fist sun haut seruant.

De Cantorbire aueie l'arcediachené  
e de Beuerlei oi idunc la prouosté,  
prouendes e iglises pluisurs par le regné,  
possessiuns e rentes e autre richeté;  
20 n'iere del tut si tenues cum tu as ci mustré.

E se tu uols parler de mun poure lignage,  
des citehains de Lundres fui nez en cel estage.  
en lur uisnez senz plainte mestrent tut lur eage.  
ainc ne quistrent l'autrui, ne ne firent damage.  
25 ne furent, cum tu diz, d'einsi tres bas parage.

- Qui uoldreient clerment à la raisun garder,  
 mielz uient de basse gent estre bon e munter  
 que de halte gent estre e en enfer aler.  
 les mains honestes membres deit l'um plus honurer  
 30 sulunc l'apostle, e plus d'onur enuoluper.
- b* Co ne deureit pas dire huem Cristien letrez,  
 religius euesques: mais uus me reprouez.  
 puet cel estre que iere de sens poi aurnez.  
 qui sun pere hunist pechié fait, co sauez.  
 5 fait deus 'tun pere honore: plus lung ert tis eez.'
- Ne les bienfaiz le rei ne t'estuet pas mustrer.  
 à testimonie puis deu prendre e apeler  
 qu'en tut le munt ne poi rien plus de lui amer.  
 mais qu'il laissast les dreiz de sainte iglise ester:  
 10 autrement ne puet il seurement regner.
- Tuz les biens qu'il m'ad fait ne purreit nuls nuncier.  
 nis s'um les poeit tuz en cent multiplier,  
 ne dei io les dreitures de deu pur co laisser.  
 ne tei ne uoil i'en co n'autrui esparnier,  
 15 ne à l'angele del ciel, s'en co uoleit pechier.
- E se nuls m'araisneit de co, tost li dirreie  
 'fui d'ici, Satanas; ta buche deu reneie.'  
 i à damdeu ne place que si hors del sens seie  
 que del cors Jesu Crist marchanz estre deie,  
 20 ne mis sire li reis seit pris en cele ueie.
- Quant fui fait arceuesques e deu m'i aleua,  
 tu diz que li regnez encontre co cria  
 e la mere le rei le desamonesta,  
 saint iglise de tant cum pout en suspira.  
 25 nel desdist pas li regnes, ainceis m'i apela.
- Se la mere le rei le uoleit desturber,  
 nel fist pas en apert n'auant nel fist mustrer.  
 n'en oi saint iglise fors sul cels suspirer  
 qui à l'onur tendirent, quant n'i porent entrer.  
 30 unches puis ne finerent de mei al rei mesler.



38

Puet cel estre qu'ensi se uoleient uengier  
de mei, quant lur curage ne porent auancier.  
unkes puis ne finerent de mei contralier;  
de la descorde sunt entur de conseilhier.

5 wai celui par qui uient escanles d'escunbrier!

Maint engin pur mei nuire souent auant mis unt:  
mais la force deu est plus fort que il ne sunt,  
qui en cest degré m'a aleué ca amunt.

e deus, qui est iustise, me comande e sumunt  
10 qu'ariere dos nel mete pur rien qui seit el munt.

De me tairai de co que tu uols enpeirier  
ma cause e uols le rei ainsi iustefier.  
diz qu'il est tuz dis prez e fu de l'adrescier.  
quel adrespement est de tuz dis enpeirier?

15 e qu'à nul amendance ne uolt ainc repairier?

Innocens orphenins uedues ueiz essillier,  
ceaus qui culpes n'i unt hors del pais chacier,  
e maint tolir le lur e forment laidengier,  
enprisuner mes hummes e tenir e lier,

20 e esseillier les clers, e ne lur uols aidier.

Tu uols à ta mere e rober e tolir  
biens e possessions, ne la uols maintenir,  
e mei, qui sui tis pere, qui ne me deiz faillir,  
espees pur ma mort desur mun chief tenir,

25 qu'à grant paine escapai. ainc n'en uolsis fremir.

Mais encore fais pis e mult greignur mesprise,  
qu'od cels qui mal me quierent as uers mei guerre prise  
encontre damnedeu e encontre s'iglise.  
mais à celee le fais e en couerte guise.

30 tu n'en as nule hunte; ariere dos l'as mise.

b

Est dunc adrespement de neent restorer,  
tut adesseement e pis e pis ourer.  
mais le contraire uols (puet cel estre) noter,  
que servir as feluns à gré, co est amender.

5 ainceis est ses saetes de sanc iuste eniurer.

*Philos.-histor. Abhandl.* 1838.

M

Mais bien me puez respondre la uerité prouee.  
 garder uols ta cotele: pur co n'as puint d'espee,  
 n'iert owan, se tu puez, pur espee donee.  
 ne faiz pas cum saint Piere qui dona la colee;  
 10 al serf al prince aueit l'une oreille coupee.

Tu diz que li reis est tuz prez de l'adrescier  
 al iugement del regne: ne m'i uoil apuier.  
 de la uolenté deu ne purreit nuls iugier.  
 des terrienes choses puet l'um à dreit plaidier,  
 15 mais les deuines choses couient à deu laisser.

Bien deureies le rei ades amonester  
 qu'entendist à la pes saint iglise garder;  
 tut co qu'à lui n'apent laissast del tut ester,  
 e les proueires deu pensast mult d'onurer.  
 20 ne deit pas qui il sunt, mais k'i sunt, esgarder.

De dous que i'ai, co diz, des Cristiens seuré  
 à tort, mais tut à dreit, as meu le pensé:  
 car qui ueit le bordel sun weisin alumé,  
 il ad pour del suen. la meie uolenté  
 25 de co mielz sereies ù tu n'as bien esté.

Co sace bien li reis, e tu li deiz mustrer,  
 que cil ki puet les angles e hummes guerner,  
 dous poestez suz sei fist en terre ordener.  
 des proueires est l'une, à deu deit minestrer.  
 30 cil sunt espirital; um les deit honurer.

39 Des princes en est l'autre; del tut sunt terrien.  
 seigneur les unt sur est e nostre e alien.  
 cremir deiuent lur princes paien e cristien.  
 qui tout à nul des ordres rien del dreit ancien,  
 5 l'ordenement desfait al rei celestien.

Honurer cels ne deit pas li reis desdeignier  
 qui deus e sainz escriz uolt pur deus denuncier.  
 deus les apele deu, co trouum el psaltier:  
 'le prophete fist deus sur Pharaun drecier.'  
 10 nis mesparler des clers roue deus à laisser.

- E un Gieu qui auait per Moysen iuré,  
auait um as proueires pur cel pechié mené.  
'amenez le as deus' fait li reis de bunté.  
de deu sunt li proueire deu dit e apelé:  
15 car sur les genz sunt mis el liu deu e sacré.  
Ne puet li reis de cels faire nul iugement  
ki lui deiuent e poent iugier ueralement.  
les leures de proueire sunt guardé d'escient.  
li prestres est angeles deu, co dit Pols, qui ne ment.  
20 nus iugerum les angeles, les genz meesmement.  
A prince terrien ne uolt ainc deus baillier  
les clefs del ciel qu'il poent lier et deslier,  
mais as ordenez fait sa poesté traitier.  
bien deureies al rei mustrer e esclarier  
25 l'ouraigne Costentin, qu'um deit mult eshalcier.  
Al rei Constentin furent li proueire encusé,  
e del crime l'en furent li escrit aporté,  
e deuant li furent li proueire amené.  
ueant els ad l'escrit el feu ardant geté.  
30 'n'est par mei' fait il 'ne iugié ne dampné.  
b Vos estes deu: iugiez uoz plaiz si cum uus place;  
n'est pas dreiz que nuls huem de deu iugement face.'  
cil fu bons emperere: deus li duna sa grace,  
saint iglise l'eshaue; il ueit deu face à face.  
5 li reis deureit ensiure e ses mors e sa trace.  
De la manace deu puet autrement fremir.  
quiqu'unques s'orguelist que il ne uolt oir  
sun proueire e sun iuge, lui estuura murir.  
à co fait deus le rei sur le regne establir,  
10 qu'il deit la peis, que deus nus tramet, maintenir.  
Autrement ne puet pas li reis auer salu  
pur tute sa grant force ne pur sa grant uertu,  
nis se tuit li regne erent par li sul maintenu.  
e co que f'ai à tei par cest brief respundu,  
15 ai io dit à tuz cels qui sunt od tei tenu.

Or uus pri e requier, freres, par igal guise,  
 qu'entre nus n'ait enuie descorde ne faintise,  
 mais en nus seit en deu uns quers, une aneme asise.  
 oiuns deu qui nus roue à murir pur iustise.

20 pur nus ad la bataille uers noz enemis prise.

Frere, n'ubliions pas cel uerai iugeur.  
 quant uendrunt deuant li e iuste e pecheur  
 à la fin de cest siecle e al derain iur,  
 il iugera le munt. ia n'i aura pour

25 ne de rei ne de prince ne de halt emperur."

Tels lettres enueieient al saint ultre la mer.  
 li prelat qui deueient saint iglise tenser,  
 les custumes del regne uoleient aleuer  
 en sainte mere iglise. mais li saintisme ber

30 se combati ades e pur li deliurer.

40

Custume n'est pas dreiz. bien le poez ueeir:  
 kar chascuns riches hum, qui deu ne uolt cremeir,  
 alieue sur sa gent custume à sun uoleir.  
 une custume ad ci, là uei tut altre aueir.

5 mais deus n'aime custume, mes fundament de ueir.

A mult par est la uie del chaitif humme grieve;  
 or est chalz or est freiz, cume cele eue tieue.  
 pur co fait grant pechié cil qui custume alieue,  
 dunt nuls huem ad damage u à nul humme grieve:

10 kar nel puet pas oster là ù li quers li crieue.

Se li reis Henris uolt ses custumes aueir,  
 qu'orent si ancesur, or uoil dunches saueir  
 lesquels leis il uolt mielz en sun regne aseoir,  
 u celes al rus rei, ki ot poi de saueir,

15 u al uiel rei Henri, ki fu de grant poeir.

Li rus reis ne lascia as iglises neent;  
 les rentes en perneit, l'or l'aueir e l'argent,  
 e les clers raemeit. deus en prist uengement:  
 al berser fu ocis e fina malement;

20 li cors en est purriz e l'aneme est en turment.

E se li reis Henris ad sa custume enprise  
e uoille guerreeir e clers e saint iglise,  
ainz qu'il en sace mot, ert la ueniance prise.  
deus ad ia en sun arc certes saete mise.

25 l'aneme e le cors ocit; fiere est mult sa iustise.

Li reis Henris li uielz les espuses perneit  
e à lur dreiz espus del tut les defendeit,  
e pur les mues bestes les hummes ocieit,  
e enuers saint iglise mainte feiz mesperneit;  
30 e se sis nies l'ensiut, entre lui e deu seit.

b Un mult felun proueire (nel poum pas neier)  
fist li uielz Henris pendre e pur cels esmaier  
ki ne uoleient pas la malueistié laissier.  
e s'um par mesprisun uolt custume afichier,  
5 males custumes funt e mal us à laissier.

Or mais larrum ici des custumes ester  
e de ces treis prelaz que m'oistes nummer.  
de lur contienement ne uoil ormais parler,  
mais del saint arceuesque uus uoil recunter,  
10 qui sis anz demura en eissil ultre mer.

Dous anz à Punteigni li sainz hum suiorna,  
mais à clerc ne à lai sun estre ne mostra,  
e nis à ses priuez quanque pout se cela.  
les eises de sun cors fui e esluigna,  
15 e el seruise deu ior e nuit se pena.

Dunc comenca sun cors durement à greuer  
e les grasses uiandes, chous e nes, à user;  
e les bons mes fist priueement embler,  
e sis faiseit as poures en la uile porter:  
20 car si clerc l'en uolsissent, sel seussent, blasmer.

Mult souent le blasmeient que tel uie meneit:  
kar il ert granment fiebles e trop se destraigneit.  
les testes à ses hummes, co diseient, coupeit.  
chacié erent pur lui, e se il lur moreit,  
25 iamaiz en lur pais un sul n'en reuendreit.

Iluec curreit un ewe de mestier en mestier:  
 là se baignout les seirs pur sa char refreidier.  
 à Willame de Capes se fist un seir guaitier.  
 "sire, uus nus uolez" fait il "les quers trenchier."

30 ainc puis ne l'i mena, quant le uolt castier.

41 Mais l'une de ses faces comença à festrir,  
 si que dedenz la buche tresqu'as denz li purri.  
 mult grant enfermeté lungement en suffri.  
 dous oisselez l'en traist Willames: sil guari.

5 pur co qu'um le seust, amentieuir li oi.

Une nuit quant mult fu penez en oreisun  
 e il fu endormiz, uit en auisiun  
 entre lui e le rei quil bait senz raisun.  
 erent deuant la pape en plait e en tencun.  
 10 tuit li cardenal erent encontre li à bandun.

Co li esteit auis qu'il li uoleient tolir  
 hors del chief à lur deiz les oilz tut effuir.  
 l'apostolies tut suls le uoleit maintenir,  
 ki bien cunut sa cause. mais nel poeit oir:  
 15 car lur criz e lur noise l'orent fait enroir.

Al consistorie od lui ne remist nuls hum uis.  
 oceisur felun li furent dunc tramis.  
 la corune li unt (co li esteit auis)  
 à lur espees rese. bien li ad deus pramis  
 20 qu'il sereit en sa cause pur saint iglise ocis.

Uns des conuers as monies (ne le m'unt pas nummé)  
 out mult esté greué de grant enfermeté  
 e out d'idropisie le uentre mult enflé.  
 la mere deu priout e iuer e esté  
 25 qu'ele preiast sun fiz qu'il li donast santé.

Tant requist nuit e iur la mere al creatur  
 qu'ele li tramesist santé de sa dolur,  
 qu'à lui vint une nuit la dame de dulcur.  
 dist li que il alast à Thomas senz demur,  
 30 fesist li manier sun uentre tut entur.

6        Li freres l'endemain al saint humme en ala,  
e en sun escritorie, là ù il le troua,  
pur la pitié de deu tant li dist e preia  
que li ber od sa main sun uentre mania;  
5 e cil li traist partut la main e demena.

A beüre li duna, mais ne sai quei de fi.  
guaires ne demura que li freres chai.  
uenim e pureture, grant merueille, uomi,  
e iut mult lungement. tuz greilles sus sailli.  
10 par les mains al saint humme de s'enferte guari.

Mulz malades guari de sun relief de maine.  
la fille à un riche humme en deuint tute saine,  
qui out esté fieurose mainte lunge semaine.  
n'out el pais nul humme si plain de fieure naine,  
15 par sun relief n'eust santé tute certaine.

Mais quant li reis Henris uit bien e entendi  
qu'il purreit remaneir tuz dis à Punteigni,  
ne à lui ne as suens nule rien ne failli,  
e li reis Loewis e Franceis l'unt cheri,  
20 al plus tost qu'il purra l'ostera de cel ni.

Custume est ancienne, si l'ai oi cunter,  
que tuit li blanc abé de ca e de là mer  
chascun tierz an se solent à Cistaus asembler:  
car à celui se deiuent tuit li altre cheuer  
25 e de trestut lur ordre par sun conseil errer.

L'an secunt que li ber icel eissil suffri  
e qu'il out pres dous anz esté à Punteigni,  
li reis, qui mult le het, ne l'ad mis en obli,  
ses bries à cel abé ad tramis, dunt uus di.  
30 manda lui qu'il retint sun mortel enemi.

42        Ico seust il bien, e pur ueir li mandeit,  
que s'il sun enemi plus lunges reteneit,  
que il nul recourier en sun regne n'aureit.  
blancs monies e abez tuz li enueiereit,  
5 n'en trestut sun uiuant sun estre n'amereit.

Quant li brief furent lit, oiant tuz, e mustré,  
 tuit li altre chairent as piez le grant abé.  
 prient li qu'il ne sueffre que seient deserté.  
 pur sei e pur tuz ad chascun merci crié:  
 10 ne perdent pur un humme quanqu'il unt laboré.

Ensemble en unt parlé: si unt lur conseil pris.  
 ne sufferunt qu'il seient en si grant perte mis  
 qu'il perdent lur catels e celles e pais,  
 k'um destruie les lius qu'il unt à deu conquis.  
 15 mielz est k'um face un que tanz hummes chaitis.

E à lui e as suens uolent mielz purchacier,  
 en altre liu plus loinz, quanqu'il aura mestier.  
 io crei bien que li reis lur out fait nuncier  
 qu'il les fereit tuz fors de sa terre chacier,  
 20 s'il ne feissent d'els l'arceuesque esluignier.

Quant li abes Guarins ad cel conseil oi,  
 k'um uoleit l'arceuesque chacier de Punteigni,  
 à l'abé de Cistaus fierement respondi.  
 "par noz ordres" fait il, "ne puet pas estre ainsi  
 25 que nus chacum de nus pur co le deu ami.

Car Alissandre pape le nus ad comandé,  
 e il a ia od nus pres de dous anz esté,  
 ne nus aparceumes que fuissum rien greué  
 pur lui ne pur ses hummes, ne en uin ne en blé.  
 30 en altretant de terme n'i out ainc mains guasté.

b Pur la cristienté qu'il uoleit maintenir  
 le fait li reis Henris fors del pais fuir.  
 ne pur el ne fist l'um le nostre ordre establir  
 fors pur les suffraitus aidier e sustenir.  
 5 ne ne deuum cestui pur nule rien faillir."

N'unt pas purquant laissié pur dan Guarin l'abé,  
 ne firent quel commun conseil ourent troué.  
 kar lj abes Guarins, ki ainz i out esté,  
 ert dunc fait arceuesques de Leons la cité:  
 10 car saint Thomas l'auetit l'apostolie loé.



Mais l'abes de Cisteaus à saint Thomas manda  
par dan Guarin l'abé tut co qu'el brief troua,  
que li reis les manace qu'il les desertera.  
or li doinst tel conseil, pur deu li deprea,  
15 que lur seit profitable e de ca e de là.

A l'arceuesque out um ainceis tut co mustré:  
car si messagier orent à cel capitle esté  
e orent le conseil oi e esculté.  
"mult sereit grant pechié" fait il dunc à l'abé,  
20 "se tant produme esteient pur mei sul deserté.

Mais li plus Jesu Crist uus sace gré des biens  
que uus e li uostre unt fait à mei e as miens.  
en uiande e en dras unc ne nus failli riens.  
deus me conseiliera, qui tuz dis m'est prochiens,  
25 qui l'orguillus abat, le poure oste des fiens."

Al rei de France ad um cel afaire mustré,  
coment li reis l'auet de Punteigni osté.  
quant li reis l'ad oi, deu en ad mercié.  
or duhra l'arceuesque, s'il l'a en uolenté,  
30 co qu'il li out souent offert e présenté.

43 Car quant il fu de primes d'Engleterre fuitis,  
li reis de France l'a souente feiz requis,  
e par li e par autres, par clers e par amis,  
qu'entur lui remansist el regne saint Denis.  
5 de quanque aureit mestier, ne sereit point mendis.

Mais les offres le rei n'a il dunkes pas pris:  
car il cremi forment que li fiers reis Henris  
ne desist qu'il se fust e aliez e mis  
tut pur li guerreier od le rei Loewis.  
10 mais de ses offres prendre ne sera mais eschis.

Quant ot li reis de France qu'ensi le chacerunt  
e sil purra aueir, iuint ses mains contre munt.  
deu en a mercié, qui guerne le mund.  
"io crei" fait il "encore qu'angeles me cherirunt."  
15 pur les monies le dist, ki ensi ouré unt.

Mais li reis Loewis sur sun cheual munta,  
 prist ses hummes od li, à Punteigni ala.  
 od le saint arceuesque dedenz capitle entra.  
 l'abé e tuz les monies durement mercia  
 20 de l'honur que li ber entur els troué a.

Car mult unt fait, co dit, à France grant honur  
 de co k'unt receté od els le bon seignur.  
 ne uolt desore mais qu'il aient la haur  
 del rei Henri, quis uolt deserter pur s'amur.  
 25 or uolt qu'il ait od lui desore le suir.

E dit qu'il le uoldra à Sanz od sei mener.  
 quanque mestier li ert, li fera tut trouer,  
 e à lui e as suens, quanqu'il uoldra user.  
 quant li seignour oirent qu'il s'en deureit aler,  
 30 de pitié comencierent tut li plus à plurer.

b Dunc fist li reis à Sanz ses homes enueier  
 tresque à Sainte Columbe, e fist apareillier  
 maisuns à li sainz huem se peust herbergier;  
 e comanda à cels qui l'orent à baillier  
 5 que tut co li trouassent dunt il aureit mestier.

Quant li reis Loewis fu bien aseurez  
 qu'il aureit l'arceuesque, en France est returnez,  
 e l'arceuesques s'est de sun eire apretez.  
 à Sainte Columbe est od sa maisnie alez.  
 10 tant cum il fu od els, mult i fu honurez.

A Sainte Columbe est iuste Sanz l'abeie,  
 qui de neirs monies est e faite e establie.  
 quatre anz i fu li ber, qui en deu sul s'afie;  
 n'a empeirié de rien ne ses murs ne sa uie.  
 15 à l'abé e as monies plut mult sa compaignie.

Quant ueit li reis Henris qu'il purra remaneir  
 od le rei Loewis, qui tut sun estuueir  
 li troua e as suens de sun demeine aueir,  
 el quer en fu dolenz, iel uus di tut pur neir.  
 20 n'i remaindra, s'il puet. tut i mist sun poeir.

Dunc fist sun fil Henri en France al rei aler,  
e hume al fiz le rei deuint cumme sis ber;  
que il tendreit de lui la terre d'ultre mer.  
dunc ueissez entrels les beaubelez duner  
25 e les chiens enueier e les oisais porter.

E as baruns de France duna tant reis Henris  
que par granment doner les fist tuz ses amis  
e tut quida auer le conseil del pais.  
dunc unt entrels li rei un parlement asis,  
30 qui fu à Saint Legier en Iueline pris.

44 Quekes sunt andui lié e aiusté  
qu'il serunt mais amis en estabilté;  
e d'ambes parz i furent li serement iuré  
que nul d'els ne tendreit desore en sun regné  
5 nul enemy à l'autre. dunc se sunt returné.

Un altre parlement unt à Turs purparlé,  
mais n'i sunt pas Franceis à cele feiz alé;  
car al rei Loewis fu pur co desloé  
qu'il n'auet el pais castel ne fermeté;  
10 ne sorent que li reis d'Engleterre ot pensé.

Dunc l'a li reis Henris de couent apelé.  
dit li que ne li tint pas co qu'il li out iuré,  
sun enemy mortel quant tant l'a receté,  
felun e traïtur de trestut sun regné.  
15 li reis dit que d'ico n'i out ainc mot soné,

E que li arceuesques n'i fu amenteuz,  
e qu'il li auet bien ses couenanz tenuz:  
mais se de felunie fust nuls huem conuencuz  
e par iugement fust de sun pais eissuz,  
20 qu'en nul liu de lur terres ne sereit retenuz.

Quant l'arceuesque oi que chacier le uoldra  
li reis Henris de France e que tant s'en pena,  
les bries ad fait escrire e puis si li manda,  
que pur neent s'enpeïne: ia pain ne li toldra;  
25 deus l'en durra asez, qui ia ne li faldra.

N 2

Car uns huem uint à li, qui mult le conforta,  
 qui tut sun estuueir, co dit, li trouera,  
 e à uint homes plus encor qu'il ne mena,  
 e cinc cenx liures ultre de deniers li durra,  
 30 dunt il en purra faire tut co que li plerra.

b Uns altres li pramist altre si grant honur  
 que ia ne li faudreit pur nul humme à nul iur,  
 n'il ne cremi les reis l'Engleis ne le Francur,  
 Aleman ne Tieis, ne duc n'empereur.

5 mais li buens reis de France le retint à suiur.

Par un iur quant mult fu penez en oreisun  
 e par deuant l'autel iut en affliction,  
 cum il esteit à us od grant deuotion,  
 s'aparut deus à lui en ueire mustreisun.  
 10 si l'apela dous feiz Thomas par sun dreit nun.

"En tun sanc" fist li il "m'iglise eshauceras."

"qui es, sire" fait il, "qui ci uisité m'as?"

"io sui Jesu tis frere: tu glorifieras

m'iglise par tun sanc e eshaucié seras."

15 "a mun uoil iert einsi," co respondi Thomas.

A Sainte Columbe un autre feiz sunga:  
 sil me mostra pur ueir cil qui il le conta.  
 en consistorie estut en plait, co li sembla,  
 e encontre le rei d'Engleterre plaidà,  
 20 e li reis durement en cause le greua.

Hylaires de Cicestre le greua durement,  
 Gilebert Foliot de Lundres ensement.  
 li cardenal se tindrent al rei communement,  
 si qu'en tute la curt n'out nul maintienement  
 25 fors la pape Alissandre, kil maintint sulement.

Mais tant cria uers els, il uers li altres,  
 que tuz fu enroez de la noise e del cri.  
 Hylaires de Cicestre en la cause amui.  
 à l'euesque de Lundres tute la char purri,  
 30 que par menues pièces tuz eis cors dechai.

45       Dunc fist saint Thomas prendre li reis senz nul demur  
e escorchier le chïef à cutaus tut entur.  
mais li ber n'i senteit anguisse ne dolur,  
e pur co qu'il s'en rist fu li reis en irur.  
5       e li sainz s'esueilla qu'il fu en esfreur.

En la cause ueimes l'apostolie afeblir,  
qu'il ne pout l'arceuesque contre tuz maintenir.  
Hylaire de Cicestre ueimes amuir  
e repentir del mal qu'il out fait al martir.  
20       or se quart cil de Lundres, ne uienge al dechair.  
Mais io quit dire ueir de cele decaance.

petit e petit est uenuz à repentance,  
e co est de la char par parz la menuissance.  
mais gart sei qu'il en face la pleniere amendance:  
15       altrement en prendra deus la dreite uengance.

Li sainz huem fu sis anz en estrange contree.  
mult aueit dure uie e sufferte e menee,  
e nis à sés priuez l'aueit il mult celee.  
ne il ne dormi mie mult lunge matinee,  
20       ainz leueit chascun iur tut dreit à l'ainz iornee.

Li sainz huem ne fist mie ses seruans esueillier,  
al main à sun leuer n'al uestir n'al chugier.  
à sun premier labur en alout al mustier,  
honestement faiseit le damnadeu mestier:  
25       cel ne uoleit il pas pur altre rien laissier.

Entur midi chantout sa messe chascun iur:  
del tut ert ententifs à servir sun seignur.  
tut le plus del iur ert en un suen oratur,  
dedenz une chambrete ù faiseit sun labur,  
30       e fermout l'uis sur sei. mes n'ert pas à suiur.

b       Quant ert entré laenz, dunc iut en oreisun  
e en plur e en lermes e en affliction.  
ne sout nul la maniere de sun mal se deu nun,  
que il faiseit al cors, ne de la passün.  
5       del tut esteit li bers en contemplatun.

De cele chambre isseit à ure de mangier,  
ne mie pur sun cors emplir ne encreissier,  
mais pur co qu'il uoleit sa maisnie haitier,  
les poures fameillus ueeir e aisier.

10 mais sun estre uoleit e courir e muscier.

Del meillur uin usout que l'um trouer poeit;  
mais pur le freit uentrail eschauffer le beueit:  
car le uentrail auait e le cors forment freit.

e gengibre e girofre à puignies mangeit,  
15 nepurquant tut ades l'euue od le uin medleit.

E quant leuez esteit li sainz huem de la table,  
n'auait cure à oir de chancun ne de fable,  
ne nul altre chose, s'ele ne fust uerable.  
miez ameit à oir del rei espiritable

20 e garder as escriz qui erent parmenable.

Quant ueneit que li iurs ert en la nuit plungiez,  
e li liz saint Thomas esteit apareilliez  
desus un chaelit qui tut esteit quiriez  
d'une cuilte purpointe, d'un poi d'estraim iunchiez,

25 e de chiers linges, dras e blancs e deliez.

Dunc ert en oreisun l'arceuesque Thomas  
e en affliction, tant qu'il esteit tut las,  
e à la nue terre se culchout en ses dras  
que il auait le iur, ne changout altres pas,

30 tant qu'il oait del saint u l'apel u le glas.

46 E aspre haire auait de piel de chieure gros.  
d'un altre haire auait trestut sun cors enclos  
e les braz e les chutes e le uentre e le dos.  
la uermine i esteit à torkes e à tors,

5 qui ne laissout auoir à sa char nul repos.

Encor faiseit il plus al cor mal endurer.  
chascune nuit faiseit sa char discipliner  
e à uerges trenchanz e batre e descirer.

Robert de Meretune en pot le ueir cunter,  
10 qui sainte obediencia n'en osout trespasser.

Robert de Meretune sis chapelains esteit.  
mult li esteit priuez, en sa chambre giseit.  
mais quant uint à la mort e uit le grant destreit,  
dunc a primes gehi: car afié l'auait

15 qu'en trestut sun uiuant sun estre ne dirreit.

Quant Robert ert culchiez e deust reposer,  
tantes afflictions, co dist, perneit li ber,  
bien le tierz de la nuit ne uoleit il cesser.  
dunc ueneit à Robert e sil faisait leuer,  
20 baillout lui les curgies à lui discipliner.

Quant tant l'auait batu qu'il esteit tut lassez  
e de pitié compunz, d'anguisse tresuez,  
getout ius les curgies od tut les chiefs nuez.  
"chaitif" faisait il dunc, "pur quei fui unches nez?"  
25 de tuz les chaitifs sui li plus maleurez."

E quant li chapelains esteit alez culchier,  
sainz Thomas ne uoleit encor à tant laisser:  
car il meimes perneit sun cors à depescier,  
à l'une de ses mains sa char à detrengier.  
30 poi li fu de la char: tant out le quer entier.

b E cil Roberz gehi, quant dut estre confes,  
puisque li sainz recut del sacrement le fes,  
k'ainc puis ne fu un iur u nuit qu'il eust pes,  
que il ne fust batuz cinc feiz u quatre ades,  
5 u treis à tut le mains. n'en uolt auer reles.

Tele uie mena li huem nustre seignur.  
mais rebainnez esteit al quarantisme iur.  
sa haire remuot pur uers e pur suor;  
un altre réperneit qu'il out mis en suiur.  
10 pur deu suffri ades e mesaise e dolor.

Tele uie mena li sainz huem e suffri,  
n'a nul hunme suz ciel nel mostra ne gehi  
fors à Brun sun uaslet, si cum dire l'oi,  
qui ses haires laua e de co le serui,  
15 e Robert sun prouaire, qui les nuiz le bati.

Mais li honurez reis de France Loewis  
 endementieres s'est durement entremis  
 que il fesist le rei e saint Thomas amis.  
 l'apostolies i ad souent ses briefs tramis  
 20 as concilies qu'il unt de l'acorde entre els pris.

Un parlement dut estre à Punteise asemblez.  
 tresqu'à Paris en est l'apostolies alez,  
 e l'arceuesque i fu, pur qui fu purparlez.  
 mais quant li reis Henris en fu bien acertez,  
 25 que la pape i sereit, ariere est returnez.

Enui Rotrout out un parlement pris  
 entre le rei Henri e le rei Loewis.  
 pur sa besuigne faire l'out pris li reis Henris.  
 l'arceuesque i mena li reis de saint Denis,  
 30 qu'il feist, s'il peust, lui e le rei amis.

47 Mais li reis d'Engleterre n'out suing de l'acorder;  
 preia le rei de France qu'il l'en laissast ester  
 de Thomas l'arceuesque, qu'il n'en uolsist parler,  
 e il li frea tut quanqu'il uolt demander.

5 "e iel larrai tres bien" fait Loewis li ber.

"Io ne sui pas de lui ne des suens anueiez,  
 e de lui retenir sui ie mult bien aisiez:  
 car de sun grant sens est mis regnes enhauciez,  
 li uostres suffreitus e forment enpeiriez.  
 10 greignur mestier que io certes en aueriez."

Quant uint à l'arceuesque li gentilz reis de France,  
 fait il "de uostre acorde n'aurai iames fiance.  
 mais aincois en oi io tut ades esperance:  
 car al rei d'Engleterre truis io si grant bobance  
 15 qu'il ne m'en uolt oir n'en conseil n'en oiance.

Alcune feiz uus ai e preié e requis  
 que uus remansissiez el regne saint Denis.  
 or uus abandoins io mun regne e mun pais,  
 Estampes Orlens e Chartres e Paris.  
 20 del mien e de mes rentes ert uostre estuueir pris."



A Muntmirail unt puis un parlement eu.  
dui chardenal de Rume i sunt al rei uenu:  
Willames de Pauie e Jocelins i fu  
de Naples, qui al rei se sunt del tut tenu  
25 e l'arceuesque eussent uolentiers deceu.

Li reis lur dist que tant se uolt humilier  
qu'il frea l'arceuesque, quanqu'il uoldrunt, iugier,  
e quanque saint iglise en uoldra otrier,  
se c'est que l'arceuesques s'i uolsist apuier.  
30 "si fera" funt li il; "co ne puet il laissier."

b La nuit que l'endemain dut estre l'assemblee,  
iut saint Thomas à Chartres od gent qu'il ot menee.  
un itel uisiun li aueit deus mustree  
qu'il sout certainement (sil dist sa gent priuee)  
5 à quel chief la parole sereit le iur finee.

Vis li fu qu'en un liu il e li reis esteit.  
un mult bel hanap d'or u doré li offreit  
li reis, tut plain de uin, e beiore li roueit.  
il esguardout le uin: si truble le ueeit  
10 que beiore ne l'osout, ne perdre nel uoleit.

Quant il esgardeit si le hanap tut entur  
e uit le uin si truble qu'il en out grant hisdur,  
dous iraignes uit surdre del funz d'une tenur.  
sur un ur s'asist l'une, e l'autre sur l'autre ur.  
15 "ostez" fait il, "ne uoil beiore ceste puur."

Le matin ses priuez e ses clers apela.  
cel sunge que la nuit out sungié lur cunta.  
"bien sai" fait il "coment cest parlement prendra.  
mult beaus offres" fait il "li reis nus offerra,  
20 mais io nes prendrai pas: car grant engin i a.

Li beaus hanas dorez, qu'il me uoleit puirier,  
co erent li bel offre que ne uoldrai baillier;  
li troubles uins engins qu'il uolt apareillier,  
e des dous granz iraignes sunt li dui paltenier  
25 cardenal qui nus uolent, s'il poent, enginnier."

*Philos.-histor. Abhandl.* 1838.

O

- Quant il uint al concilie, les cardenals troua.  
 li reis dist qu'en ces dous uolentiers se metra  
 e quanqu'il iugerunt uolentiers ensiwra,  
 e quanque saint iglise esgarder en uoldra.  
 30 il uit bien les engins, e tres bien se guarda.
- 48 En ces laz le uoleient li cardenal buter.  
 dient que lur esguard ne puet il refuser,  
 ne co que saint iglise en uoldra esgarder.  
 e dit qu'à saint iglise ne uolt il contrester,  
 5 ne al rei ne uolt il fors raisun demander.
- Mais il ne uolt, co dit, n'en plait n'en cause entrer  
 tresque li reis li ait fait del tut restorer  
 e à lui e as suens e rendre e renfermer  
 lur chose, ensi cum il la laissierent ester  
 10 al tur que il les fist d'Engleterre turner.
- Car dessaisiz ne uolt pur nule rien plaidier.  
 co ne uoleit li reis en nul sens otrier,  
 mais à ces dous uoleit qu'il se laissast iugier.  
 mais il ne se uolt pas à lur diz apuier.  
 15 ensi s'en departi, n'i pout plus espleitier.
- Un altre parlement unt à Muntmirail pris:  
 si fu par l'apostolie e par ses bries asis.  
 od les Franceis i fu li bons reis Loewis,  
 od mult riche barnage i fu li reis Henris.  
 20 mult i out grant clergié e mult baruns de pris.
- De la part l'apostolie de Rume i sunt alé  
 danz Bernarz de la Coldre, sainz hum de grant bunté,  
 li priur del Munt deu, huem de grant honesté,  
 arceuesque e euesque e priur e abé,  
 25 pur faire cele pes, e mult s'en sunt pené.
- Saint Thomas demandeit les dreiz de saint iglise,  
 possessiun e rente que li reis en out prise,  
 e li reis la custume qui el regne iert asise;  
 ses custumes ne uolt laissier en nule guise.  
 30 saint Thomas ne uolt faire, co dit, si grant mesprise.

b        Tant alerent entrels clerc e lai tute iur  
que li reis dit, ne quiert mes qu'il en ait honur.  
face li co que firent as suens si anceisur.  
lui couient que li suen aient de li pour,

5 e pur co uolt mustrer e fierté e reidur.

Car felenesse gent a mult à guuerner,  
e pur co li couient mult fier semblant mustrer.  
mais se li arceuesques li uoleit tut granter  
co que si anceisur uoldrent as suens garder,  
10 Lanfracs e sainz Ansealmes, ne uolt plus demander.

L'arceuesque respunt "ia damnedeu ne place  
que io deie tenir chose dunt rien n'en sace.  
là ù il firent bien, dreiz est que io le face,  
e là ù il mesfirent, n'en uoil siure lur trace:  
15 car n'a en cest siecle humme à la feiz ne mesface.

Sainz Pieres li apostles, que deus tant honura  
que en ciel e en terre poesté li dona,  
Jesu Crist sun seignur par treis feiz reneia."  
e co ne fereit il pur quanque en cest mund a,  
20 ne ia contre raisun custume ne tendra.

Les custumes ne set, co dient, nul muer,  
que li suen anceisur durent as reis garder.  
li reis dit que dous cenx lais li fera iurer,  
cheualiers e proueurs. dunc respondi li ber  
25 qu'il li fereit asez des iureurs trouer.

Ne metra saint iglise en lur serement mais.  
"seignur" fait dunc li reis, "il n'a cure de pais.  
ueez cum io li faz amur e grant relais."  
dunc unt tuit escrié l'arceuesque à un fais,  
30 e clerc e lai li crient que trop estes engreis.

49        Quant l'arceuesque ueit que tuit li curent sure,  
nul ne s'en uolt à lui apuier à cel ure,  
del quer parfunt suspire e des oilz del chief plure,  
e prie Jesu Crist, qui saint iglise aure,  
5 qu'il ne face tel plait dunt enuers deu encure.

O 2

Dunc dist li reis Henris qu'en cels treis se metreit  
des euesques de France que il en eslirreit,  
e quanqu'il en fereient, que il le grantereit.  
dunc li crierent tuit que asez en faiseit.

10 saint Thomas dist qu'en France mult produmes aueit,

E co que il ferunt uolt il bien graanter:  
sauf sun ordre uoldra les custumes garder.  
li reis iure, cel mot en estuura oster:  
par cel mot le uoldreit, co dist, ensoffimer.

15 de tutes parz li dient qu'il laist cel mot ester.

E li sainz arceuesques idunc le graanta  
que salue la fei les custumes tendra.  
li reis iure les oilz, ia cil moz n'i sera:  
car sofisme, co dit, e grant engin i a.

20 mais ia nul engin en la fei deu n'aura.

Dunc dist li arceuesques que tut co li fereit  
que nuls arceuesques sun rei faire deueit.  
li reis iure les oilz, ia cel mot n'i sereit:  
trecherie, co dit, e engin i aueit.

25 mais n'i quiert nul engin, mais co que faire deit.

Li reis dit qu'il ne quiert mais qu'il li face honur,  
face li co que firent as reis si anceisur,  
que tuz li mieudres d'els fist à tut le peiur.  
dunc respundirent tuit li sage e li meillur

30 que li reis dit asez: pais uolt, e offre amur.

*b* Quant l'arceuesque uit, tuit se tindrent al rei,  
li priurs del Munt deu e Bernarz del Coldrei,  
e nis li reis de France, à il ot greignur fei,  
de ses beals oilz plura e se tint tut en sei.

5 "seignurs" fait il à els, "sa uolenté otrei."

Quant l'arceuesques out al rei tut otrié  
e se furent à co d'ambes parz apuié,  
dunc ad li arceuesques sun capel ius sachié,  
li reis Henris le suen. dunc se sunt aprescié,

10 qu'en pes s'entrebaisassent e en ueire amistié.

Fait dunc li arceuesques, qui deus esteit mult pres,  
"sire, à l'onur de deu e la uostre uus bes."

fait dunc Gefrei Ridel "ci ad soffisme ades.  
ueire par les oilz deu" fait il, "n'a soing de pes."

15 dunc turna sun cheual: si s'en point à esles.

Quant le rei d'Engleterre en uirent si partir,  
clerc e lai comencierent l'arceuesque à laidir,  
e dient qu'il out tort qu'il ne se uolt tenir  
en co qu'ot graanté, et k'um nel puet gerner;

20 ne uirent unches pais pur si poi deguerpir.

Tuz perdi les Franceis saint Thomas à cel iur;  
par France l'apeleient felun e traitur.

à l'ostel s'en ala li huem nostre seignur.

si clerc furent uers li e murne e en irur,

25 e dient qu'il les a tuz morz senz nul retur.

"Grant tort auez" fait il: "io uus tieng tuz pur orbs.  
de grant hunte nus a damneus wi estors:  
car li reis nus soleit demander granz estors,  
apeler traitur e malueis de noz cors.

30 relaissié nus en ad e tut co en a mis fors.

50 Or ne nus demande el mais qu'il en ait honor,  
que tenum les custumes si cum nostre anceisur;  
e nus li graantames. mes ia mais à nul iur  
n'i auendra pur humme. merci al creatur  
5 que sumes eschapé de si grant desonur."

Dunc fist ses briefs escrire. l'apostolie a mandé  
tut co qu'il out al rei pur la pes graanté,  
e purquei li reis l'a guerpi e refusé  
e a deu de sa pais par couenant esté.

10 or li prie e requiert, mant l'en sa uolenté.

A la ferté Bernart iut li reis cele nuit.  
deuant ses priuez a Gefrei Ridel aduit.

"cestui uoil io" fait il "que uus honurez tuit.  
mielz s'est ui esmerez de l'or set feiz recuit.

15 guari m'a par sun sens, li fel ne m'a suduit."

Quant il se fu culchiez e il se out purpensé  
 de co que l'arceuesque li auait graanté,  
 e que pur un sul mot l'out ensi refusé,  
 dit qu'il est enginniez e que mal a erré:  
 20 car l'arceuesques out faite sa uolenté.

E iure les oilz deu e uolt bien afichier  
 que iamais à cel puint ne purra répairier.  
 tuz ses seruanz ad fait erramment esueillier,  
 e ad fait pur l'euesque de Peitiers enueier,  
 25 tost uierge à li parler. il ne s'i uolt targier.

A mie nuit ala al rei Henri parler.  
 "uus estuura" fait il "à l'arceuesque aler.  
 enginniez fui quant pais ne li uoil graanter:  
 car il m'out otrié quanque soi demander.  
 30 par les oilz deu, iamais n'i purrai recourer.

*b* Or alez apres lui, pensez de l'espleitier.  
 dites lui que ore prendrai co qu'il m'offri ier."  
 dunc munta li euesques, ne s'i uolt plus targier,  
 e enueia auant sa uenue nuncier.

5 quant saint Thomas l'oi, fist ses sumiers cargier.

El chemin s'esteit mis, ne l'a pas attendu.  
 l'euesque le siwi tut à col estendu.  
 e quant il uint à lui, si li ad respundu,  
 que iamais à cel point que il orent eu  
 10 ne uendreit pur nul humme: car contre raisun fu.

A oreisun ala une feiz reis Henris  
 à Saint Denis de France. mes li reis Loewis  
 ala à lui parler entresqu'à Saint Denis;  
 preia lui, pur le saint que il auait requis,  
 15 que l'um le peust faire e l'arceuesque amis.

Dunc furent à Munmartre li dui rei asemblé.  
 un afaire unt entreils ilueckes purpensé  
 qu'il unt en uieline a Saint Ligier finé.  
 dunc l'a li reis de France dulcement aparlé  
 20 de Thomas l'arceuesque, qu'il fuissent acordé.

Fait li reis d'Engleterre "se tut me ert adrecié  
qu'il ad mespris uers mei e uers cels de mun fié,  
dunc porrium bien estre, sel loez, amaisié."

fait li buens reis de France "se tut ert retraitié  
25 e de ca e de là, n'i aureit amistié.

Laid est qu'entre uus ad si grant enemistié:  
mais d'une part e d'autre seit del tut relaissié,  
que d'une part ne d'autre n'i ait rien calengié."  
fait li reis d'Engleterre "io m'en met el clergié."

30 de Paris dunc ad un pur les clers enueié.

51 Quant il furent uenu, si l'a un dit al rei:  
mais li reis d'Engleterre ne lur dist co ne quei.  
mais li buens reis de France ne l'en laissa pas kei;  
dist lui qu'il se menout uers deu à grant beslei,  
5 quant à sun arceuesque ne porte amur ne fei.

Tant li dist li bons reis e tant le bastuna  
que li reis d'Engleterre dist, e si li granta,  
que de tute sa rente la meitié li rendra,  
e à lui e as suens, de quanque pris en a,  
10 e en la curt de Rume de l'autre se metra.

E dit bien e pramet qu'il li fera aueir,  
e à lui e as suens, senz faille cel aueir;  
qu'à lur besuing l'aurunt tut e à lur moueir.  
pais e amur aurunt de lui e de sun eir.  
15 fait li reis Loewis "io li ferai saueir."

Dunc l'a li reis ainsi l'arceuesque nuncié.  
dunc l'unt d'ambes dous parz ensi couenancié.  
fait dunc li reis de France "se uolez l'amistié,  
or n'i ad mais que uus seiez entrebaisié."  
20 "n'iert" fait li reis Henris "de ma part otrié.

Io ai iuré" fait il "que ia nel baiseraï.  
baisier cent feiz pur mei à mun fiz le ferai,  
e à lui e as suens pais e amur tendrai,  
e lur possessiuns e rentes lur rendrai,  
25 ne ia menur amur ne lur en porterai."

Dunc ala li buens reis l'arceuesque nuncier.  
 saint Thomas respundi, poi li fu del baisier,  
 mais qu'il li uolsist pais e amur otrier,  
 e qu'il le peust trouer dorenauant entier.

30 dunc unt pris altre ior de la pais alier.

b

De iuste Freteual uers la Boce fu pris  
 li parlemenz qui fu pur cele pes asis.

od les Franceis i fu li bons reis Loewis,  
 e od le suen barnage i uint li reis Henris

5 e li mielz del clergié d'ambes dous les pais.

Mais le seir quant il furent à l'ostel repairié,  
 li clerc l'unt durement blasmé e enchalcié  
 qu'il ne fait pes al rei e qu'il n'ad d'els pitié.

maistre Guntiers l'en a ensement chalengié,

10 e li sainz arceuesques einsi l'en respundié.

"Maistre Guntier" fait il, "uus desirez forment  
 d'aler en Engleterre, ne m'en merueil neent.  
 mais n'i auriez esté, co sachiez ueirement,  
 quarante iurs entiers tut adesseement

15 que n'i uoldriez estre pur cinc cenz mars d'argent."

Dunc a li arceuesques l'apostolie mandé  
 qu'il out fait uers le rei, coment il out finé.  
 or li mande e requiert pur sa sainte bunté,  
 al rei mand, que tuit seient si pechié pardoné,

20 que l'arceuesque baist en pais e en seurté.

L'apostolie manda li ber de grant science  
 que il li comandast par sainte obedience,  
 le rei baisast de pais, uenist en sa presence.  
 Madoc bailla les lettres, qui de l'aler contence.

25 il les bailla la pape quant il en out licence.

Erramment fist ses bries l'apostolie escrire.  
 manda le rei Henri, qui d'Engleterre ert sire,  
 de pais baist l'arceuesque Thomas de Cantorbire  
 e del tut li parduinst e maltalent e ire,

30 que Jesu Crist li seit de tuz ses pechiez mire.



- 52        Rende li tut le suen, que rien n'en seit à dire,  
           e à lui e as suens, quanqu'il en purrunt dire.  
           raisun e puissance ad de sa terre entredire;  
           ne mie d'une sule, mais de tut sun empire.  
 5        n'en puet mais pur nului la iustise encundire.  
           Par sainte obedience a mandé saint Thomas  
           que s'il puet faire pes, qu'il ne la refust pas,  
           mais prenge s'en mult pres, ne s'en face puint quas:  
           car l'apostolies ert de la guerre tut las,  
 10        n'eut de tut Engleterre qui ualsist un sul as.  
           Dunc ad fait l'apostolies al rei Henri aler  
           l'arceuesque Willame de Sanz, qui mult ert ber  
           (de bunté e d'onur n'out en France sun per),  
           l'euesque de Neuers pur la pais enformer,  
 15        e des altres pluisurs que io ne sai nummer.  
           Li reis Henris lur ad pramis e graanté  
           qu'il fera uolentiers co qu'il li unt loé  
           e co que l'apostolies li aueit comandé.  
           à la parfin unt tut asis e purparlé  
 20        que de iuste la Boche reserunt asemblé.  
           L'arceuesques i uint Thomas od sa partie,  
           e li reis Loewis od mult grant baronie,  
           e li reis d'Engleterre od riche conpaignie,  
           arceuesques euesques e clerc de grant clergie,  
 25        pur faire cele pais, se deus l'ad estableie.  
           Tant a li reis Loewis rei Henri enchalcié,  
           arceuesque e euesque od cel altre clergié:  
           dit que or frea tut co qu'il li unt conseillié.  
           il cremi l'apostolie qui l'aueit manecié.  
 30        "n'i falt" funt il "fors co que ne l'avez baisié."  
 b        Li reis dit, pur nul humme uiuant nel baisera,  
           nel puet faire ne deit; serement fait en a,  
           e al rei Loewis sun seigneur le uea.  
           mais contre le baisier tel honur li fera,  
 5        ainz qu'il s'en turt d'iluec, qui cent baisiers ualdra.

*Philos.-histor. Abhandl.* 1838.

P

Tant se sunt d'ambes parz de l'acorde pené,  
 li bons reis Loewis e euesque e abé,  
 qu'ensemble sunt li reis e saint Thomas alé.  
 si tost cum s'entreurent, lues se sunt encontré,  
 10 e li reis Henri l'a, e il li, salué.

Quant d'ambes parz quidierent e clerc e cheualier  
 que li reis le uolsist de bone pais baisier,  
 fait il "sire arceuesque, à uus uoil conseillier."  
 emmi le champ tut hors le mena del puldrier.  
 15 nului n'i apelerent; nuls n'i uolt aproscier.

Tant esturent ensemble li reis e saint Thomas,  
 parlerent d'un e d'el, ore halt e or bas,  
 que d'ambes dous parz furent dels atendre tut las.  
 nis dous feiz descendirent ius des palefreiz cras,  
 20 e dous feiz remunterent, que tuit distrent "c'est gas."

Sun estriu li teneit li reis al remunter;  
 e quant li arceuesques le uoleit refuser,  
 "nel larrai" faiseit il "à ceste feiz ester:  
 mes pere estes en deu, io uus dei honurer."  
 25 grant bien i porent tuit qui co uirent noter.

Là ù parlout al rei saint Thomas à cheual,  
 de quisse en quisse sist, souent changot estal,  
 l'une quisse en la sele e l'autre contreal:  
 car les brais de sa haire li firent si grant mal.  
 30 à grant orguil le tindrent cil qui ne sorent al.

53 Saint Thomas e li reis furent mult lungement  
 enmi le champ tut sul à estreit parlement.  
 un sul n'i apelerent de tres tute lur gent.  
 tut co dunt il parlerent ne sai plenierement,  
 5 mais partie dirrai del ueir mun escient.

Quant li reis l'out tut sul enmi le champ mené,  
 fait il "sire arceuesque, mult m'auez deciré:  
 car altre conseil m'unt à grant damage esté.  
 puisque parti del regne, poi sui puis amendé,  
 10 ainz en ai mult del mien despendu e guasté."

- Fierement respondi li uerais ordenez.  
"sire reis" fait li il, "tels conseilz guerpirez  
e altre conseilliers dorenauant auez,  
tels qui tut uus dirrunt contre uos uolentez."  
15 ia n'i aura un mot de quanque uus uoldrez.  
"Tuz conseilz uoil desore" fait li li reis "laissier,  
fors sulement le uostre, ù me uoil apuier;  
e nis tut mun reaume uus uoldrai io baillier.  
Henri mun fil uus uoil e la garde chargier.  
20 plain pié de terre n'ai: si m'irai purcacier."  
"Sire" fait saint Thomas, "co deit um bien quidier.  
que laissez uostre regne que uus auez si chier,  
e uoz petiz enfanz qui de uus unt mestier,  
augiez en altres terres autrui dreiz chalengier,  
25 co ne uus uoil io pas loer ne conseillier."  
"Par les oilz deu" fait il, "tute la guerpirai,  
e mun fil e mun regne tut uus comanderai."  
"certes" fait saint Thomas, "ia ne la bailleraï.  
de terriene honur mais ne m'entremetrai:  
30 car trop sui io chargez de celi que io ai.  
b Mais se uolez la terre e le regne laisser  
pur le seruise deu, e uus uoilliez cruissier,  
à Huun de Beauchamp, cel leal cheualier,  
uus lo io uostre regne e uoz fiz à baillier,  
5 e io lur aiderai al regne conseillier."  
De pluisurs altres choses unt entrels desputé,  
dunt um ne m'a encore acointié ne acerté,  
ne tut ne puet pas estre en mun liure noté.  
de mainte chose l'ad li reis achaisuné  
10 pur co qu'enuers li ad issi tres dur esté.  
E saint Thomas le ra de co fort chalengié  
que il sun parenté aueit tut eissillié,  
nis des petiz enfanz qui erent dechacié.  
de mainte chose l'a li reis achaisuné,  
15 e il aueit le rei durement querelé

- De lui e de ses clers, qui erent eissillié  
 ne de tutes lur rentes n'auaient demi pié,  
 de ses hummes qui furent leidi pris e lié,  
 nis des petiz enfanz qui erent dechacié  
 20 od peres e od meres. il n'en auait pitié.  
 "C'est par uostre mesfait" fait li li reis Henris,  
 "que hors de mun realme en alastes fuitis  
 senz co que nuls eust uers uus de rien mespris.  
 pur co uus enueiai e parenz e amis.  
 25 mais tut ert adrecié, quant uendrez el pais."  
 "Sire" fait l'arceuesque, "e de uostre fiz quei?  
 que fesistes enuindre e coruner à rei  
 par haste e senz preu, pur nuisance de mei."  
 "ueirement i mespris" fait li reis; "bien le uei:  
 30 mais bien ert amendé, se i amender le dei."  
 54 Fait il "des treis que dites? qui si l'unt coruné  
 pur tolir la dreiture e cele dignité  
 la sainte mere iglise de sainte terneté,  
 que tuz dis ad eue par ancieneté  
 5 l'enunctiun des reis pur uus servir à gré."  
 Fait li li reis Henris "ne m'entremetrai mais  
 de uus e des euesques; dorenauant me tais.  
 uostre dreit en pernez, tut quite uus en lais."  
 d'ambes dous parz diseient qu'entr'els dous auait pais:  
 10 car li reis li faiseit mult bel semblant adeis.  
 Quant à l'arceuesque out li reis asez parlé,  
 un parlement lur ad à Turs aterminé.  
 là ert, co dit, parfait e tut par amendé;  
 là aura l'arceuesque bries à sa uolenté.  
 15 en pes e en amur se sunt d'iluec alé.  
 Li reis li tint l'estriu quant saint Thomas munta.  
 dunc unt le rei preié e de ca e de là  
 qu'il baisast l'arceuesque. mais il dist, nel fera,  
 nel uolt ore baisier: serement fait en a.  
 20 quant il uendra à Turs, idunc le baisera.

L'euesque de Lisewis est dunc à lui alez.  
fait il "sire arceuesque, se uus plect, entendez.  
uus e le rei ad deus par sa grace acordez.  
ci est Gifrei Ridel qui est uers uus meslez.

25 or uus en requerum que uus li pardunez."

"Sire euesque" fait il, "pur suspendu le sai,  
e s'il uolt adrescier le mesfait, l'ameraï,  
e quanque li deurai puis faire, li ferai."

fait dunc Gefrei "suffrez. s'il me het, iol harrai;  
30 e s'il me uolt amer" fait il, "ie l'ameraï."

6 La nuit que l'endemain dut estre l'assemblee  
à treis liwes de Turs, là ù fu purparlee,  
iut saint Thomas à Turs od sa gent priuee.  
par Rotrout l'arceuesque a cele ueie alee,  
5 qu'entre lui e le rei fust la medlee otee.

Kar li reis li mustrouit de fors mult bel semblant.  
pur co diseient tuit, li petit e li grant,  
que iamais nel harreit li reis à sun uiuant.  
pur co ala saint Thomas à Turs la nuit deuant,  
10 saueir s'i entendist co qu'en alout disant.

Pur co s'ala à Turs cele nuit herbergier  
e saueir se li reis le uoldreit là baisier.  
mais il ne porta là ne maille ne denier.  
ses guages li couint rachater u laissier;  
15 ne li reis nel baisa, n'il nes fist desguagier.

Forment en fu trublez li huem nostre seignur.  
ses sumiers fist chargier en la pointe del iur,  
roua qu'il se mesissent erramment el retur.  
li reis estut as estres en cel palais auchur,  
20 e uit si tost errer les hummes sun pastur,

E apres els le uit mult grant alure errer.  
apres li fist li reis igneusement aler,  
roua qu'il l'atendist, qu'il uolt à lui parler.  
ainz erra une liwe qu'il uolsist arester.  
25 hors ueie se turna pur ses hures chanter.

- Sur une uerte place unt le rei atendu,  
 e chanterent lur hures, ne sunt pas descendu.  
 e li reis uint à lui si tost cum l'a ueu.  
 li reis e l'arceuesque se sunt encontre uenu,  
 30 e li uns auet l'autre encontré de salu.
- 55 "El nun des treis persones" fait li reis "sumes trei:"  
 car saint Thomas auet ilueches ouoec sei  
 l'arceuesque de Ruem (Rotrout ot nun, co crei);  
 ainsi furent dunc trei entre els dous e le rei.  
 5 e lur clerc se teneient ariere en un conrei.
- "Reis" fait li sainz Thomas, "mal estes enseigniez.  
 uus n'estes mie tels cum estre soliez  
 al tens que uus serui, ainz estes tuz changiez,  
 quant en uostre cité ai mes guages laissez.  
 10 nel fesist Loewis pur enguagier ses fiez."
- Dunc ad li reis surris, ne sai s'i out faintié.  
 fait il "sire arceuesque, or uus uei mult irié.  
 mais or suffrez à tant: car bien ert adrescié.  
 autres besuignes m'orent le quer si enlascié,  
 15 ne poi entendre à uus pur terre ne pur fié."
- Quant il orent ensemble tant cum uoldrent parlé,  
 muntent sur lur cheuals e sunt acheminé.  
 li reis ala ariere, il sunt auant alé.  
 mais l'endemain se sunt à Anbaise asemblé.  
 20 par semblant e par diz là se sunt acordé.
- Tutes les couenances unt iloec recorderes,  
 e li reis les ad bien, oiant tuz, graantees.  
 ses lettres à seel pendant l'en ad dunees,  
 qui sunt à ses iustises e à sun fil alees.  
 25 Richarz Malban e Hue li clers les unt portees.
- S'oir uolez les lettres, ies uus sai tres bien dire,  
 si cum li reis les fist e dïter e escrire.  
 "d'Engleis e de Normanz Henris e ducs e sire  
 saluz à sun chier fiz Henri rei de l'empire.  
 30 saciez que l'arceuesque Thomas de Cantorbire

*b* S'est à mei acordez tut à ma uolenté.

pur co comant que il e tuit lai e letré,  
li suen qui pur li furent hors del pais alé,  
pais aient e le lur; rien n'en seït recolpé;

5 aient plenierement par trestut mun regné.

E que li arceuesques e li suen ensement  
tiengent bien e en pes e honorablement  
e terres e iglises e altre tenement,  
tut isi cum il tindrent treis meis derrainement

10 deuant co qu'il eïssist d'Engleterre e sa gent.

Les plus uielz cheualiers faites dunc asembler,  
e les plus anciens que uus porrez trouer,  
el fu de Salewode. co qu'il purrunt iurer  
qu'à l'arceuesque deïe de tut cel fu aler,

15 faites à l'arceuesque e baillier e liurer.

Quant les aurez ueues, les lettres retenez.<sup>39</sup>  
mais li sainz arceuesques, qui mult par ert senez,  
comanda que li bries fust escriz e mustrez  
altresi as estranges partut cum as priuez:

20 car del retenir fu li moz forment notez.

Li bries fu à Ambaise saint Thomas graantez,  
mais à Chinun fu puis à ses hummes liurez.  
l'arceuesques i fu testimonies numez  
qui de l'arceueschié de Ruem esteit chalez.

25 partut les a li reis tant cum pout trainez.

D'Ambaise fist en France saint Thomas returner  
e fist pur messagier en sa besuigne aler,  
e à Ruem se durent andui entrecuntrer.

là li dut li reis faire cinc cenx mars apporter,

30 dunt il porreit ses detes à cel hure aquiter.

**56**

Car li reis li dut rendre par fine couenance  
quanqu'il out pris del suen e des suens à uaillance;  
ne l'en uolt sainz Thomas faire nul alegance.  
mais li premiers deniers est encore en balance;

5 li reis l'ad mis encore en mult bele suffrance.

Bien trente milie liures out de l'arceueschié,  
 estre tut co qu'il out eu e purchacié  
 des rentes à tuz cels qui erent dechacié:  
 car mult furent paiens li humme de cel sié.  
 10 le bois unt l'arceuesque uendu e essillié.

Li humme l'arceuesque en Engleterre alerent,  
 les lettres al uiel rei al iouene rei porterent,  
 asez firent transcriz e partut les mustrent;  
 e li plus gentil humme de l'honor asemblerent,  
 15 al rei e as iustises ouoec els les menerent.

E quant les ourent fait deuant le rei aler  
 e durent la parole l'arceuesque mustrer,  
 il s'alerent seer, n'i uoldrent mot suner.  
 pur sun seignur ne uolt nul d'els en place ester.  
 20 faintié uirent partut, en faintié furent per.

Les iustises le rei firent lunge traine.  
 tute l'arceueschié remest einsi frarine,  
 ainz que cil dui eussent des maners la saisine.  
 ne remist buef ne uache, ne chapuns ne geline,  
 25 cheual porc ne berbiz, ne de blé plaine mine.

A la sainte Marie Magdalene en esté  
 furent li arceuesques e li reis acordé:  
 tresqu'à la saint Martin l'unt par respit mené  
 ainz qu'il eust saisine de sa propriété,  
 30 tant que Randulf del Broc out tut pris e fulé.

*b* Li quens rendra raisun de co qu'en ad eu,  
 u li reis u Randufs, al grant iur irascu.  
 là ierent coueitus senz fin mort e perdu;  
 ia ne purra nul d'els faire de l'autre escu.  
 5 de quanque Randuls fist, adrecement n'en fu.

Deus adrecera tut, qui tut seit e tut ueit.  
 deus est si dreituriers, ne poet faire fors dreit;  
 e il het tut malice, e iustisier le deit.  
 li iustise errant ferunt là poi d'espleit:  
 10 cil les iugera tuz qui nul d'els ne deceit.



Deus, cum par est mainz huem pur le siecle auoglez.

n'i est amurs ne fei ne pais ne charitez.

se tuz les biens del mund aueie conquestez,

si que mes fiz en fust apres mes iurs chasez,

15 ia n'en sereie mielz deuant deu apelez.

Se io achat abeies u haltes eueschiez,

dunt io seie en cest siecle leuez e eshalciez,

deuant deu en serai asprement chalengiez.

ia de tuz mes parenz n'i serai point aidiez.

20 mult achate l'onur qui est à mort iugiez.

Si tost cum saint Thomas fu acordez al rei,

de sun fuc li souint, qui petiz ert en fei,

qui aueit meserré par seignuril desrei.

el pais enueiad sun aignel deuant sei,

25 qui sa ueie esneast e ostant le fangei.

Johan de Salesbire i aueit enueié,

qui le sanc ad tenu mult plenier de clergié,

e de part l'arceuesque lur aueit denuncié

qu'il les asoleit tuz, clers e lais, del pechié

30 qu'as escumeniez orent comunié:

57 Kar ne uoleit baisier clerc ne lai ensement

qui as Brokeis eust eu comunement.

ensement ad asols les moines del couent,

qui rien orent eu à cels parchunement.

5 les suens uoleit baisier senz enpeechement.

Quant saint Thomas s'en dut en Engleterre aler,

li reis Henris le dut à Ruem encontrer,

si cum il out pramis, faire deniers liurer.

unes iteles lettres li ad faites porter.

10 bien les uus saurai lire, ses uolez escuter.

"Henris reis des Engleis, des Normanz ducs e sire,

saluz à l'arceuesque Thomas de Cantorbire.

Loewis reis de France, si cum i'ai oi dire,

ad somuns tute s'ost par trestut sun empire,

15 uolt aler en Auuerne pur ma gent desconfire

*Philos.-histor. Abhandl.* 1838.

Q

E mes hummes destruire e ma terre essillier.  
 e mi ami de France me l'unt fait bien nuncier.  
 Auuernaz m'unt mandé que lur uoise aidier.  
 encontre uus dui estre à uostre repairier  
 20 à Ruem: mais co saciez que mei l'estuet laissier.

Pur co uus enuei un mun clerc mult priué,  
 Johan d'Oxeneford, qui io ai comandé  
 qu'il uus maint el pais; e par lui ai mandé  
 al iouene rei Engleis, Henri mun fil l'ainzné,  
 25 bien e en pais aiez uostre propriété.

S'il i ad rien mespris de co qu'à uus apent,  
 mes fiz uus en fera aueir adrecement.  
 à mei e à mun fil nouele un gramment  
 de uostre demurance. puet cel estre, u l'um ment.  
 30 pur co uus uendreit mielz haster mon escient.<sup>3</sup>

b Iluekas furent faites tels letres cum ci a.  
 li reis Henris meismes les testimonia.  
 quant sainz Thomas les uit, sun eire apareilla,  
 as Franceis prist cungié, en Engleterre ala.  
 5 Johans d'Oxeneford l'i conduist e mena.

Li trei prelat qui n'orent l'arceuesque point chier,  
 mult lur pesa quant sorent qu'il deueit repairier.  
 à Cantorbire uindrent parler e coseillier  
 à dan Randulf del Broc, e pur lui enticier  
 10 qu'il deust l'arceuesque e les suens maistreier.

Dunc firent ses serianz e cheualiers armer,  
 e od els les menerent tresqu'à Duure sur mer;  
 firent les porz cergier e guaitier e garder,  
 que se li arceuesques i uolsist ariuer,  
 15 qu'il li fussent encontre, prez de lui desturber,

De destrusser ses hummes, de ses coffres cergier,  
 de prendre tuz les briefs qu'il pout purchacier  
 à Rome: ia un sul ne l'en uoldrunt laissier.  
 les porz firent cil trei prelat issi guaitier:  
 20 mal encontre uoleient lur pere apareillier.

E qu'il fuissent plus fort à la grant felunie,  
dan Rainald de Warenne unt pris à compaignie,  
Geruais de Cornhelle qui dunc ne l'ama mie,  
Randulf del Broc. tuit trei iurent le fiz Marie,  
25 se l'arceuesque encontrent, il i perdra la uie.

Tut co a hum l'arceuesque mustré e nuncié:  
car si ami l'oient, qui l'en unt acointié.  
de nule rien purquant ne s'en ad esmaïé,  
mais de sun pais out e tendrur e pitié,  
30 e des francs qui li ourent en sun eissil aidié.

58 De sun pais ueeir auet grant desirier,  
e des suens ramener od lui e conseilher,  
que li reis Henris out sis anz fait essillier.  
à Witsant est uenuz, ala par le grauier  
5 pur esgarder l'oré e pur esbanier.

Li deiens de Buluigne (Milun l'oi numer)  
est dunc uenuz à lui un message mustrer.  
"sire" fait il, "ne uieng passage demander,  
mais de part mun seigneur un message apporter,  
10 le cunte de Buloigne, qui ca me fist aler.

Co uus mande mis sires que uus bien uus guaitiez.  
mult auez enemis d'armes apareilliez.  
par tuz les porz de là estes forment guaitiez.  
se uus i ariuez, tuz serez detrenchiez  
15 u mis en grant fermine e en chartre lanciez."

"Beals fiz" fait sainz Thomas, "bien le puis afchier  
que s'um me deueit tut par pieces detrenchier,  
ne uoldreie io l'eire qu'ai comencié laisser,  
ne pur pour de mort ne pur autre encombrer.  
20 ne turmenz ne perilz ne m'en puet mais chacier.

Trop a pluré m'iglise sun pastur (co m'est uis),  
qui set anz l'a pluré e les nuiz e les dis.  
mais or requier les miens, se ainc fui lur amis,  
qu'à m'iglise me portent, se n'i puis aler uis,  
25 se si hastiuement de cest siecle partis.

Q 2

E si faites mes liures ensemble od mei porter.

se io ainz nes serui dunt se puissent loer,

pur ma possessiun mi uoillent honorer.

hum ne puet en la fin à humme plus doner

30 que co qu'il plus desire s'um li uolt graanter."

b

Quant l'arceuesque sout e bien li fu nuncié

qu'à Doure erent li trei qui tant l'unt guerreié,

le brief à l'apostolie baille un uaslet à pié,

ù cil trei prelat erent suspendu e lacié;

5. comande qu'il past mer. cil n'i ad rien targié.

Cil est uenuz à Doure, les euesques troua.

lur ures ourent dites, l'arceuesque araisna.

"sire" fait il, "la pape qui m'a enueié ca,

cum avez deserui, par mei uus salua.

10 tenez, lisiez les letres k'enueiees uus a.

Hastez uus: la besuigne de Rome demorez.

i apel. e del deuin mestier estes seurez."

dunc se turna as dous. "seignurs" fait il, "tenez.

i'ai le transcrit des lettres (einsi n'eschaperez)

15 qui uus ad de commune ecclesial seurez."

Il lur bailla le brief. quant il i unt troué

qu'il esteient einsi de lur mestier seuré,

de duel e de coruz furent descoluré.

pur poi Randulf del Broc n'out le uaslet tué,

20 mais il nel pout trouver: car deus l'ad desturné.

Roberz li segretains rest à Doure ariuez.

pris fu pur co qu'il n'ot brief del rei aportez

e qu'il ert senz congié en Engleterre entrez.

el message, co dit, le primat ert alez;

25 pur sa cruiz apporter contre lui s'est hastez.

"Vient il?" funt il. "oil" fait Robert, "ueirement."

funt il "mais tu deusses uenir plus sagement;

d'autre seignur deusses auoir auoement."

le segrestain unt mis par fiance erramment

30 qu'al premier flot irad ariere, s'il a uent.

- 59        La pais le rei Henri saint Thomas aseure  
de raler el pais, de raueir sa dreiture.  
mais s'ele fust bien clère e senz nule emposture,  
ne eussent fait as suens desonur ne eniure:  
5    mais conuistre i pout l'un mult tost l'encloeuere.  
      Sainz Thomas l'endemain en sa nef en entra.  
deus li dona boen uent, à Sanwiz ariua:  
car l'ariuer de Doure pur l'aguait eschiwa,  
e à Sanwiz, qui suen esteit, se herberga.  
10   mult granz pueples des suens encontre li ala.  
      Mais quant as treis reals fu mustré e nuncié  
qu'il esteit ariuez, mult en furent haitié.  
od lur hummes se sunt d'armes apareillié.  
si cum li trei prelat lur orent conseillié,  
15   dreit uers l'arceuesque unt lur chemin adrescié.  
      Johans d'Oxeneford, quant il les uit armez  
uenir uers l'arceuesque, mult en fu trespensez:  
car bien sout que fols fu e malueis lur pensez,  
e sout bien que li reis en sereit mult blasmez,  
20   se Thomas l'arceuesque i fust point mesmenez.  
      Dunc est alez à els, qu'il n'en fist targeisun;  
e mostra lur l'acorde del rei e del barun.  
dist lur de part lu rei, e comanda par nun,  
que il ne li fesissent ne as suens se bien nun:  
25   car li reis en sereit retez de traisun.  
      Dist lur que il alassent à lui tut desarmé.  
il mistrent ius lur armes, quant co lur out mustré,  
uindrent à l'arceuesque: si l'unt araisuné.  
dient que l'enemi al rei ad amené  
30   e l'establisement le rei ad trespasé.  
b        Pur dan Simon l'unt dit, qui esteit nez de Sanz,  
si n'ert arcediachenes, uns halz uns beaus e genz.  
esteit uenuz od li pur ueer ses parenz.  
de lui uolent auer li real seremenz  
5   qu'à lur rei se tendra encontre tutes genz.

N'en unt pas l'apostolie ne nul altre seuré.  
 mais sainz Thomas ne uolt qu'il fesist feelté,  
 qu'altre tel ne fesissent tuit li clerc del regné.  
 ne poeient faire rien encontre sun gré:

10 car des suens out od li mult grant pueple asemblé.

Ne uolt rien pur els faire: dunc s'en sunt returné,  
 e li sainz arceuesques ala à sa cité.  
 uolentiers i ala: car mult l'out désiré.  
 li muine e la gent l'unt reçu à grant gré.

15 à grant processium sunt contre lui alé.

Tant cum il uesqui puis, sainte uie mena.  
 de servir sun seigneur quanqu'il pout se pena.  
 uedues e orphenins e poures guuerna;  
 dras uiande e sollers e deniers lur dona,

20 e trop poi en ueneient à lui, co li sembla.

De nuls huem de iustise deueier nel poeit;  
 e nis as clers le rei les iglises toleit,  
 quis auieient purprises, e à cels les rendeit  
 quis auieient perdues, e al dreit se teneit.

25 bien sout que pur iustise murir li couendreit.

Mais poi apres ico qu'il reuint d'ultre mer,  
 ne uolt pas longement en sun sié demurer  
 que il n'alast al rei de la terre parler.  
 mais ainz i fist un moine en sun message aler,

30 Richar, qui de Doure out l'iglise à gouverner.

60 Le iouene rei auait à Wincestre troué.

là erent del pais li barun asemblé,  
 deien arcediachene persones e abé,  
 par le conseil des treis qui esteient seuré  
 5 de comune de gent, e Gefrei l'espusé.

Sis eglises auait el regne senz pastur:  
 pur co erent asemblé celez genz à cel iur,  
 e li prince e li conte e des baruns pluisur,  
 pur eslire e sortir pastur à cele honur.

10 d'iluec durent passer ultre mer senz demur.

Là durent les persones e eslire e doner  
par le conseil des quatre que m'oistes nummer.  
n'i uoldrent arceuesque ne primat apeler,  
ne pluisurs des euesques, que io n'i uoil celer,  
15 ces qu'il sorent qui uoldrent en lealté ester.

N'i uoldrent pas saueir l'euesque de Wincestre,  
ne dan Bertelemeu l'euesque d'Execestre,  
le gentil e le buen Rogier de Wirecestre,  
ne l'euesque d'Ely qui n'i out cure d'estre.  
20 à tel sacre ne dut prodome metre destre.

En nul liu ne deit estre euesques ordenez,  
tant n'i aura euesques uenuz ne asemblez,  
senz conseil del primat; co roue li decrez.  
de treis euesques seit, se besuing surt, sacrez:  
25 senz comant del primat ne deit estre aleuez.

E s'um deit el pais nul euesque ordener,  
hum i deit les euesques del reaume mander;  
e ceaus qu'um ne purra auer ne assembler,  
lur message od lur letres i deiuent faire aler,  
30 saueir mun s'il uoldrunt cel sacre graanter.

b S'euesques u prestre est esliz e aleuez  
u diachenes par prince, que il seit degradez;  
u se nul ad tenu seculiers poestez  
e par celes purchast diuines dignitez,  
5 otez seit de comune e del tut deposez.

Jo ne uei clerc ne lai tenir lei ne decré;  
e cil qui pis le tienent, co sunt li ordené:  
car pur co que il criement perdre lur dignité,  
se sunt del tut suzmis à laie poesté.

10 quel part que li uenz turt, se plessent od l'oré.

Ne sunt pas fil Jesu, ainz sunt tuit fors lignié.  
n'erent uan, s'il poent, pur deu crucifié.  
mult enuiz perdereient co qu'il unt enbracié.  
ne sunt pas né del ciel, n'i unt lur uis drecié.  
15 de terre sunt furmé, uers la terre enbrunchié.

Li euesque deureient tut le munt adrecier;  
 buen humme deiuent estre, buen clerc, ne de moillier.  
 bon ente en bon estoc deit bien fructifier:  
 en maluais estoc uei bon ente mal fruchier.

20 qui maluais arbre aluhe, maluais fruit deit mangier.

Diabls ad les princes e les reis auoglez.  
 cil qui ad maluais pere, maluais est sa eritez.  
 cil qui ad fieble chief, souvent est flaelez.  
 quant li filz fait le pere, li ordres est muez;

25 li ciels est suz la terre, n'est un point estelez.

Quant li reis fait pastur, tel le deit esgarder  
 qui il puisse sun cors e s'aneme comander;  
 e quant de gré le fait tel qui tost uolt uerser,  
 e fait pure esmeralde en plum encassuner,  
 30 n'en uoil altrui que lui iugement demander.

61 Um deit à saint iglise doner si net pastur  
 c'um li puisse sun chief suzmettre par honor.  
 saint iglise est espuse al soueraing seignur;  
 e s'um done à s'espuse maluais guerneur,  
 5 à deu e à s'espuse en fait um deshonor.

A Wincestre est li mes l'arceuesque uenuz,  
 mais li uis de la chambre li fu mult defenduz:  
 car de clers e de lais fu dutez e cremuz  
 qu'il n'aportast tels bries à n'eust pas saluz  
 10 e par quei alchuns d'els ne fust dunc suspenduz.

Li messagiers parla mult enseignement,  
 e dist qu'il n'aportout nul malueis mandement.  
 li primaz aime mult e le rei e sa gent.  
 tant ad fait que il out le iouene rei present.  
 15 parfunt li enclina e parla humblement.

"Thomas li arceuesques" fait il "de Cantorbire,  
 legaz del sié de Rome, primaz de tut l'empire,  
 salue rei Henri qui d'Engleterre est sire.  
 asez l'avez par altres, sire reis, oi dire:  
 20 par mes lettres purquant le uis ai fait escrire.



E pur co que io uoil que par mei le saciez  
que mei e uostre pere, qui ert uers mei iriez,  
que deus li plus nus ad par sa grace amaisiez,  
en concorde e en pais e en amur liez.

25 mais pluisurs en i ad qui en sunt coreciez,

E me uolent uers uus mesler e mal tenir  
e l'amur e la pais desfaire e enuanir.

dient que io uus uoil la corune tolir:

mais einsi m'ait deus, qui tuit deiuent seruir,

30 si me doinst deus la ioie celestien tenir,

b

Cum io pluisurs reaumes e cel que uus auez

uus uoldreie aueir par ma char conquetez,

si que mis sancs i fust en partie wastez;

mais si que io n'en fuisse de deu achaisunez.

5 si m'ait à la fin la sainte ternetez.

E coment uus quereie ne mal ne deshonor?

qui io tienc e dei faire pur rei e pur seigneur

e de tut le reaume e rei e successur,

e qui io aim sur tuz hummes en fei e en amur,

10 senz mun seigneur le rei, qui me mist en l'onur.

Mais de co est en mun quer grant amerté asise,

que ne uus ai el chief la corune d'or mise

sulunc la dignité de nostre mere iglise;

e pur co ai par mes lettres uostre bunté requise,

15 que puisse à uus parler d'el e d'icest mesprise."

Bien aueit cil Richarz sun message conté:

mais ses conseilz aueit al iouene rei loé

qu'il n'at à l'arceuesque à cele feiz parlé,

e danz Gefreiz Ridel li ad dit e iuré

20 que li uielz reis l'en ad sun curage mustré.

Il ne ueit pas qu'il deie à cel humme parler

qui le uolt del reaume, s'il puet, deseriter,

la corune del chief e tolir e oster.

dunc fist à l'arceuesque dous cheualiers aler.

25 Thomas de Turnebug en oi l'un nummer,

*Philos.-histor. Abhandl.* 1838.

R

- E Jocelins i est de part le rei uenuz.  
 tuz les recez le rei li aueit defenduz,  
 uiles burcs e chastaus: mar i sereit ueuz.  
 ia ert li arceuesques tresqu'à Lundres meuz;  
 30 alout parler al rei. à Suerc est descenduz.
- 62 "Coment?" fait saint Thomas, "auez me desfé?"  
 "nenal" fait Jocelins, "mais co uus ad mandé  
 li reis: car trop auez enuers lui meserré,  
 e leis e us uolez oster de sun regné,  
 5 la corune tolir al iouene coruné.
- Vus menez par sa terre les cheualiers armez,  
 e clers d'estrangle terre el pais amenez,  
 e auez ses prelaz de lur mestier seurez.  
 or uolt li reis Henris que uus les asolez.  
 10 de co e d'autres choses granz torz fait li auez."
- Dunc respondi li ber, ne s'i uolt pas plus taire.  
 "n'est pas dreiz" fait lur il, "ne ne l'oi ainc retraire,  
 co que li plus halz fist, li plus bas peust desfaire.  
 co que la pape fait u conferme e fait faire,  
 15 nel puet plus bas de lui par dreit metre en repaire."
- Dunc li unt respundu à uoiz li forssené  
 "se uus ne faites co que li reis a mandé,  
 il en aura tut dreit; mult iert chier comparé."  
 tut cest conseil aueient furni e aturné  
 20 li trei prelat qui erent de lur mestier seuré.
- Mult dulcement idunc lur respondi li ber.  
 se l'euesque de Lundres uoleit à lui aler  
 e cil de Salesbire, e uoleient iurer  
 al dreit de saint iglise e à la pais ester,  
 25 il en uoldra grant fais sur li prendre e porter.
- E al conseil le rei s'il se uolt apuier,  
 e al conseil l'euesque de Wirecestre Rogier  
 e as autres euesques que il deit conseillier,  
 à l'honor l'apostolie les uoldra bel traitier  
 30 e en humilité, e mult li erent chier.

- b*      Fait li dunc Jocelins "quant en co uus tenez  
que les prelaz le rei asoldre ne uolez,  
or uus defent li reis ses burcs e ses citez  
e uiles e chastals, que mar i enterez.  
5 faire uostre mestier à Cantorbire alez."  
    "Quant ne puis" fait li sainz "par ma parosse aler,  
paroses e eglises conseilier e garder,  
ne puis pas mun mestier faire ne celebrer."  
par iteles paroles entendi bien li ber  
10 qu'il deueit par martire hastiement finer.  
    Dunc comanda à deu, qui des bons est saluz,  
les Lundreis e la cit; puis s'en est reuenuz.  
maint miracle fait deus là ù fu descenduz,  
d'auogles, de contraiz e de surz e de muz,  
15 de leprus, qui receiuent e santez e uertuz.  
    Comandé s'est à deu, e puis s'en returna.  
enz emmi le chemin, là ù il mielz erra,  
es uiles e es burcs les enfanz conferma.  
del cheual descendi là ù hum les porta.  
20 en nul liu de seruir deu grief ne lui sembla.  
    Deu serui uolentiers, n'i estuet alumer.  
partut là ù il s'estut as enfanz confermer,  
les chapeles poum qui sunt faites trouer.  
là fait deus cius ueeir, surz oir, muz parler,  
25 leprus munder, les morz e reuiure e aler.  
    Einsi s'en repaira saint Thomas à sun sié.  
tant cum uesqui se tint en sa arceueschié.  
là ù il uit les poures, en a eu pitié.  
el seruise deu s'a iur e nuit traueillié.  
30 bien saueit sun martirie: si l'aueit nuncié.  
*63*      Mais le iur de Noel, quant il out sermuné,  
de saint iglise aueit Robert del Broc seuré,  
qui l'autre iur deuant li eut fait tel uilté  
qu'il li eut sun sumier de la coue escurté,  
5 e altres qui aueient enuers lui meserré.

R 2

De l'euesque de Lundres ra al pueple mustré,  
 de cel de Salesbire (Jocelin l'unt nomé),  
 de celui d'Eurewic qui par s'auctorité  
 out sustrait à l'iglise de sainte terneté  
 10 des reis l'enunctiun e si grant dignité,

E de Randulf del Broc, qui l'out forment greué  
 e out maint de ses hummes souent enprisuné.  
 dunc ad maudit tuz cels par qui out mal esté  
 del rei, e qui à tort l'i aueient meslé,  
 15 e qui le meslereient mais à sun auoé.

"De Jesu Crist il seient" fait il "tres tuit maldit."  
 dunc a geté à ual, quant il out cel mot dit,  
 desur le pauement la candeille en defit,  
 que lur memorie seit ostee de l'escrit  
 20 e il mis hors del regne à li bon sunt eslit.

Rogier del Punt l'euesque, quant uit e entendié  
 qu'en escumengement fu mis e en deuié,  
 ne uolt uenir à dreit, n'en a merci prié:  
 car mult out felun quer e gros e surquidié,  
 25 e li diables out dedenz lui pris sun sié.

Mais li autre prelat e si dui conpaignun,  
 Gileberz Foliot e Jocelins par nun,  
 uoleient repairier à satisfactiun,  
 faire à lur arceuesque e dreiture e raisun.  
 30 bien conurent entre els tute lur mesprisun.

b Mais cil del Punt l'euesque les ad fait meserrer,  
 contre deu e raisun e drecier e aler.  
 compaignuns uolt aueir al malice mesler.  
 "cele ueie" fait il, "uus pri, laissez ester.  
 5 uostre religiuns ne uus face turner.

Il uus porreit mult tost turner e deceueir.  
 mais i'ai dis milie liures en mun tresor d'aueir:  
 ainz les despenderai tuz (co saciez pur ueir)  
 que io ne face tut l'orguil Thomas chaer.  
 10 ne porra pas grant force encontre mei aueir.

Or passerum la mer, irum al rei de là,  
qui nus a maintenu encore tresqu'en cha,  
e nus e nostre cause contre lui maintendra,  
e s'en uus ne remaint, tres bien la cheuira.  
15 se uus le guerpissiez, sauez que il fera?

E s'à sun enemî uus turnez e pernez,  
ia n'aurez mais s'amur, tant cum uiure porrez,  
ne sa grace à nul iur ia ne recouerez;  
e dirra que raisun fuiez e trespassez;  
20 e uoz possessiuns, si dreit uus fait, perdrez.

Que porrez uus puis faire? ù irez mendier?  
mais s'al rei uus uolez tenir e alier,  
de que uus porra plus Thomas contralier?  
mis uus ad en sentence qui ne uus puet lier:  
25 car à nule uerté ne se puet apuier."

Tant les ad enchantez qu'od sei les fist aler.  
à la nef sunt uenu, e entrèrent en mer.  
Rogiers del Punt l'euesque n'i pout sun quer celer.  
"Thomas Thomas" fait il, "mar m'i faites passer.  
30 à uostre chief ferai mal cheuez aturner."

64 Mais si tost cum il furent de là mer,  
le brief à l'apostolie unt auant enueié,  
parquei lur mestier eurent e perdu e changié.  
e quant li reis le uit, mult out le quer irié.  
5 ses mains feri ensemble, e se plainst senz faintié.

En sa chambre en entra d'ire desculurez,  
dit qu'il ad malueis hommes nurri e aleuez;  
en malueise gent est sis pains mis e guastez;  
à ses dolurs ne part nul de tuz ses priuez.  
10 mult auait tuz les suens par ses diz esfrez.

Funt il "que s'a li reis si fort à dementer?  
se il ueist ses fiz e sa femme enterrer  
e tres tute sa terre ardeir e enbraser,  
ne deust il tel duel ne faire ne mener.  
15 s'il eust rien oi, bien le deust mustrer.

E tut co que l'um ot, ne deit um maintenir.  
 tuz ses comandemenz sumes prez de furnir,  
 e chastals e citez brisier e asaillir,  
 e perilz de nos cors e des anemes suffrir.

20 à tort se plaint de nus quant nel uolt descourir."

"Uns huem" fait lur li reis "qui a mun pain mangié,  
 qui à ma curt uint poures e mult l'ai eshalcié,  
 pur mei ferir as denz ad sun talun drecié;  
 tres tut mun lignage ad e mun regne auillié.

25 li duels m'en uait al quer: nuls ne m'en a uengié."

Lues en comenca tute la curt à furmier,  
 e eaus mesmes en pristrent forment à auueillier  
 e le saint arceuesque forment à manecier.

par fei s'en comencierent pluisur à alier  
 30 que la hunte le rei hasterunt del uengier.

b Mais li trei conpaignun, quant il furent passé,  
 tut dreit al Bur alerent. là unt le rei troué.  
 al pié li sunt chau, merci li unt crié,  
 e deuant lui se sunt mult griefment desmenté,

5 e en plainte e en lermes unt grant duel demené.

Dunc ad li reis Henris mult changié sun semblant,  
 e roua les euesques drecier en lur estant,  
 e comanda à dire de quei sunt duel si grant.  
 l'arceuesques Rogiers aueit parlé auant,

10 qui mult seut mal mesler e deriere e deuant.

"Sire reis" fait li il, "bien deuum doluser,  
 e iel puis si cum si e dire e demustrer:  
 mais à ces altres dous ne puet nuls huem parler  
 qu'en sentence nel facent e gesir e ester,

15 à Thomas les ad mis puisqu'il uint d'ultre mer.

Tuz cels ad mis Thomas en escumengement  
 qui à uostre fiz furent à sun corunement,  
 e cels qui consentant en furent ensement."

"dunc n'en sui io pas fors" fait li reis erramment,

20 "par les oilz dunt deus uit: car iel uoil e consent."

"Sire" fait l'arceuesques, "quant uus estuet partir  
à la greuance od nus, mielz le poum souffrir.  
il fait de saint iglise uoz francs hummes eissir,  
en escumengement uoz euesques gesir.

25 n'à co ne se uolt il encore pas tenir.

Puisqu'il fu el pais uenuz e repairez,  
par uostre terre uait de granz genz espeisiez.  
cheualiers e serianz d'armes apareilliez  
maine, e crient qu'il ne seit autre feiz essilliez.

30 quiert aides partut, qu'il seit plus esforciez.

65 Nus ne nus plaignum pas, ne n'en sumes greué,  
que nostre auer aum despendu e guasté  
e en uostre seruise trauaillié e pené,  
pur co que uus aum serui en lealté

5 e que nus ne seum de uostre amur seuré,

Mais de co qu'il nus ad à tel tort demenez,  
comme maluaïses genz huniz e defamez.  
se uus en faites el, n'en serez pas blasmez.  
mais or atendez tant qu'il seit aseurez.

10 bien e tut choiement uengier uus en purrez."

Le brief à l'apostolie fu auant aportez,  
qui out ces treis prelaz de lur mestier seurez.  
en oiance fu liz e de tuz escutez.

dunc fu de tutes parz mautalenz embrasez,

15 saint Thomas maneciez e forment uergundez.

Li iurs del Noel fu cel an par uendresdi,  
e li iurs de la ueille refu par un iuesdi.  
s'asembla cil concilies e li deu enemî,  
e aucient iuree la mort al deu ami.

20 lui quiderent abatre, mais il s'en sunt huni.

Dunc iurerent sur sainz, e entreafié sunt,  
qu'en tuz les lius del siecle à trouer le purrunt,  
par desuz le mentun la langue lui trarunt  
e les oilz de sun chief ans dous li creuerunt;

25 ia mustier ne altel ne tens n'i garderunt.

La chambre de Bur a estrange destinee:  
mainte nouele dure a souent escultee.

Rainilz i fu Harald par serement donee;  
l'ost d'Engleterre i fu del bastart afiee,

30 e la mort saint Thomas afiee e iuree.

6 Tut le mielz de la curt se sunt entrafié  
de faire e de furnir cele grant cruelté,  
mais en mun liure n'en erent ne escrit ne nomé.  
quant par amendement lur ad deus pardoné,

5 n'erent par mun escrit el siecle uergundé.

Tant furent espiré del felun susduiant  
tut li mielz de la curt e tut li plus uaillant  
e tut li plus sené, e Engleis e Normant.  
e sunt alez as porz, cha li un, là alquant,

10 Diepe e Winchelese, Barbeflue e Witsant.

Tuit uolsissent passer, s'il peussent, la mer  
pur guaitier tuz les porz d'Engleterre e garder,  
que nuls huem ne peust en Engleterre aler  
qui seust l'arceuesque cel afaire mustrer,

15 parquei il s'en peust fuir ne desturner.

Puet cel estre, s'il fuissent à cel hure passé,  
il eussent fait el qu'il n'unt puis demustré.  
mais à cele feiz n'orent bon uent ne bon oré,  
ne deus nes hai tant qu'en co fuissent troué,

20 ne diables n'out pas en els tel poesté.

Mais cil quatre felun e li deu enemî  
pur lur maluaise uie furent de deu hai,  
Hué de Moreuile, Willaumes de Traci  
e Reinalz li fiz Urs e li quarz altresî

25 (co fu Richarz li Brez) sunt de la curt parti.

Rogiers del Punt l'euesque les auait conueiez,  
e à faire le mal les ad mult enticiez.

par Thomas ert li regnes trublez e empeiriez:  
s'il esteit mort, co dit, tut sereit apaisiez.

30 de quanqu'il en ferunt, prent sur sei les pechiez.



66        La cause e tuz les moz lur a dit e formez  
qu'il unt puis l'arceuesque en sa chambre mustrez.  
à chascun dels quatre ad sessante mars donez.  
là fu li iustes sancs uenduz e achatez.

5    as Gieus est Judas li coueitus alez.

     Cil firent saint Thomas ocire e detrenchier  
qui deussent al bien le rei mielz conseillier  
e de la male ueie turner e rauelier;  
e cels en deit hum plus blasmer e chalengier,  
10   e li reis les deureit de sei mult esluignier.

     Nes deit pas apresmier, se il bien se repent:  
car lur conseil li fu à mult grant damnement,  
e mult en est blasmez de co qu'à els s'entent  
e l'unt conseillié tuz dis à sun talent.  
15   conseil à uolenté ne uait pas lealment.

     Li dui des quatre sunt à Doure mer passé,  
dui à Wingelese. ne furent desturbé  
pur nef ne pur passage, pur uent ne pur oré:  
tut lur est auenu selunc lur uolenté.  
20   à Saltewode sunt uenu e asemblé.

     E dan Randulf del Broc fu encontre els alez.  
al chastel les aueit conduiz e ostelez.  
les cirges fist estaindre c'um i out alumez.  
lur conseilz tute nuit unt tenuz e menez.  
25   cil qui i peut entrer, fu del conseil priuez.

     Al iur furent d'entur li cheualier mandé  
qu'apres uenissent d'armes bien prest e conréé,  
de la besuigne faire le rei tut apresté.  
à dan Randulf del Broc l'auait ainz comandé,  
30   e encontre cels furent par ban tut asemblé.

6        Venu sunt al quint iur de la natiuité  
à Cantorbire cil, quant gent orent digné,  
en l'endemain que furent innocent decolé,  
que Herodes ocist par sa grant cruelté,  
5    quant es enfanz quida murdrir la deité.

D'entur furent samuns seriant e cheualier  
 pur la hunte le rei d'Engleterre uengier.  
 s'um uolsist l'arceuesque desturner ne mucier,  
 que l'iglise uoldreient l'endemain asegier  
 10 e de fu enbraser e tute trebuchier.

Li prouoz fist par ban par la cité huchier,  
 queque il ueissent u oissent nuncier,  
 nuls, ne petiz ne granz, ne s'en osast drecier.  
 si cum chascuns auait sei e sun auer chier,  
 15 à la besuigne fuissent le rei tut prest d'aidier.

En la curt l'arceuesque uindrent li enragié;  
 tut dreit deuant la sale sunt descendu à pié.  
 l'arceuesques auait à cel ure mangié;  
 en la chambre sceit od sun priué clergié.  
 20 nis li sergant s'esteient des tables ia drecié.

Li quatre sulement sunt en la sale entré,  
 e uns archiers Randulf, qu'il unt od els mené.  
 mais le seneschal unt deuant els encontré,  
 e il uint encontre els tresqu'al pié del degré.  
 25 il a els e il unt lui baisié e salué.

Li seneschals esteit de la contree nez,  
 bels cheualiers e granz e riches, bien feflez.  
 al mangier out serui e puis s'esteit dignez,  
 puis esteit en la chambre à l'arceuesque alez.  
 30 "siré" fait il, "un poi, se uus plaist, m'entendez.

67 Par uostre conseil uoil, siré" fait il, "aler  
 à la curt nostre rei e iluec suiurner.  
 car del rei ne des suens n'estes mie bien cler:  
 pur co n'os mie bien entur uos demurer,  
 5 que li reis ne m'en hace e uoille achaisuner."

"Willames" fait li il, "buen congié en auez:  
 ne uos uoil retenir quant aler i uolez."  
 dunc s'en esteit partiz e uint sur les degrez,  
 e les quatre reals i auait encontrez.  
 10 par lur comandement est en la chambre alez.

“Sire” fait il, “laenz sunt quatre bachelier,  
des cheualiers le rei”: mais nes uolt pas numer.  
“de part le rei Henri uolent à uus parler.”  
l’arceuesques respunt “faites les enz entrer.”

15 erramment les ala Willaumes amener.

A un conseil se sunt tuit li quatre apuié.  
deuant saint Thomas sunt asis dreit à sun pié,  
e li archiers s’asist deriere els el planchié.  
mais n’unt pas saint Thomas salué n’araisnié,  
20 ne l’arceuesques els: car as clers ad plaidié.

Io ne sai se li bers le fist à escient,  
qu’il nes uolt saluer à l’entrer erramment,  
quant ne uoldrent parler qu’entendist lur talent,  
u pur co que il parla si ententiement  
25 de sun conseil as moines e as clers ensement.

Sur sun cute à un moine le sainz huem s’apuia,  
en sun seant s’asist. les baruns auisa,  
mais mult pitusement les quatre reguarda,  
e si cum li alquant dient, sul Willaume i numa,  
30 e lui sul par sun nun des quatre salua.

b Dunc se sunt enbrunchié li quatre forsené,  
n’acuillent ses saluz, ne ne l’unt salué.  
cil qui les conduiseit hai lur salueté,  
e chascuns d’els auait l’un l’autre reguardé.

5 dunc s’esmerueilla mult li bers qu’il n’unt parlé.

Itels i ad qui dient que Reinalz li ad dit,  
quant tuit li trei se turent faintement, “deus t’ait.”  
dunc deuint li sainz hom plus uermeilz, quant co uit,  
que n’en est escarlade que l’um d’autres eslit:  
10 car bien sout qu’il out dit cel mot par mal affit.

“Li reis” fist dunc Reinalz auches iriement  
“t’a mandé d’ultre mer par nus ueralement  
paroles. di ses uiuz oir priueement,  
u tu les uiuz oir oiant tute ta gent.”  
15 li bers lur respondi “tut à uostre talent.”

S 2

"Mais al uostre" funt il. "mais as uoz" fait li ber.  
 dunc en unt comencié entrels à estriuer.  
 dunc ad fait sainz Thomas en la grant chambre entrer  
 tuz les suens, fors celui qui fu as uis garder,  
 20 tant qu'il ad entendu dunt uoleient parler.

Mais dunc fist sainz Thomas "lai me cel uis ester:  
 les paroles que i'oi ne deit um pas celer.  
 mais fai me tost cha enz tuz mes clers rapeler  
 de mun priué conseil: nes en uoil pas seurer."  
 25 dunc sunt enz reuenu: mais nes sai tuz numer.

S'il ne fuissent ariere isi tost reuenu,  
 se li felun eussent arme u cultel eu,  
 entreaus l'eussent mort: car puis l'unt coneu.  
 nis pur poi qu'il ne l'orent ocis e abatu  
 30 del bastun de la cruiz. mais deus l'ad destolu.  
 68 "Li reis" fait dunc Reinalz "t'a d'ultre mer mandé  
 qu'il out pais fait uers tei e quite tout clamé,  
 tu uers lui ensement. mais ne l'as bien gardé:  
 car n'ies pas sagement en sun reaume entré,  
 5 mais od uassals armez par ses chastaus passé.

E ses hummes qui furent à sun fiz coruner,  
 e un suen arceuesque qui dut à li aler,  
 e dous de ses euesques à cui deueit parler,  
 as escumuniez e fait de deu seurer.  
 10 les custumes del regne uols abatre e oster,

E al iouene rei uols sa corune tolir.  
 or uolt saueir li reis se tu t'en uolz uenir  
 en sa curt deuant sei faire dreit e suffrir."  
 "i'ai fait" fait il "al rei quanque li dui furnir.  
 15 que riens en seit ariere, ne m'en puet souenir.

N'al rei" fait il "ne uoil sa corune abaissier:  
 treis l'en aidreie ainz par dreit à purchacier.  
 e en sa terre entrai par sun congié plenier;  
 ne de rien ne m'en deit mis sires chalengier,  
 20 se m'i unt conueié mi humme e mi terrier.

E de lui estre à dreit sui io tuz aprestez,  
à sa curt e partut, se sui rien meserrez.  
mais il m'ad defendu ses burs e ses citez  
e uiles e chastaus: mar i serraï trouez.

25 saint iglise ad li reis ses dreiz quites clamez.

N'est de mei la surse de la suspensiun,  
mais d'Alissandre pape e pur l'enunctiun  
del iouene rei, qui deus duinst sa beneicun,  
pur co que il le firent à tort e senz raisun  
e n'en uoldrent uenir à satisfactiun."

b "Mais par uostre purchaz" Reinalz li respundié  
"sunt li prelat le rei tut trei escumengié,  
e pur co uolt li reis qu'il seient deslié,  
que uus les asolez, que rien n'i ait targié,  
si cum il sunt par uus suspendu e lacié."

"Ne defent pas" fait il, "ne seit par mun purchaz:  
mais de mei n'i aurunt aide ne solaz,  
mais à nostre apostolie uoient tuit treuiaz:  
car par uiue raisun sunt chau en ses laz.  
sis obediens sui, sun comandement faz."

Funt li fil al Sathan "belement manaciez.  
uus serez mielz gardez que uus ne soliez.  
ne uus enfuirez pas cum uus ainces faisiez."  
ne s'en est sainz Thomas effreez n'esmaiez.  
15 "n'en serai par nul humme" fait il "iamais chaciez."

Iamais n'iert par nul humme fors del pais getez.  
"coment?" funt li il dunc, "pur le rei n'en istrez?"  
"nun" fait il, "de là mer n'iere iamais trouez.  
n'en istrai ia pur hume. ici me trouerez."

20 en ire les aueit cil moz mult enflambez.

"Ne me deussiez" fait il "tel message apporter;  
e mis sires li reis est tant leals e ber  
qu'il ne me uolsist pas teus paroles mander.  
n'il ne les uoldra pas garantir ne tensesr."

30 "si fera" funt il dunc; "bien les osum mustrer."

“Mult me plaig des hummes,” sainz Thomas respondié,  
 “qui noz iglises tiennent à force e à pechié.  
 mes hummes unt batuz, mun somier escurcié,  
 mes tuneaus e mun uin tolu e esforcié,  
 30 que mis sires li reis m’i out acharié.”

69       Fait Reinalz “se li humme al seigneur del regné  
 orent de rien uers uus mespris e meserré,  
 e purquei ne l’eustes primes al rei mustré,  
 qui l’eust al conseil des baruns amendé?”

5       dunc respondi li sainz, si ad le chief leué,  
 “Se mei en estoueit testimonies uochier,

Reinald, ia fus tu là e duicent cheualier  
 à li reis me roua que deusse uengier  
 les torz de saint iglise. ies ferai adrescier,  
 10 e mei le couient faire: c’apent à mun mestier.”

Dunc deuindrent rouent cume feus embrasez.  
 “coment?” funt li il dunc, “a uus abandunez  
 li reis tuz cels par qui ses filz fu corunez?  
 e quanque il en unt fait, par li fu, co sauez.  
 15 à traitur” funt il “oiant nus le tenez.

Ades li auez fait e faites deshonor.”  
 “nel faz” fait sainz Thomas, “nel tieng pur traitur;  
 ne sa hunte ne quier, ainz uoil sa grant honor.  
 mais la iustise à faire m’otriad d’els al iur  
 20 que deus entre nus dous mist concorde e amur.

Car io me plains à lui de cels nomeement,  
 e il me graanta, que l’oient duicent,  
 que io presisse d’els mun dreit plenierement.  
 de mei ne de mes clers ne s’entrement naent.  
 25 i’en ferai la iustise tel cum à mei apent.

Ne puis pas curre à curt à chascune mesprise,  
 ainz ferai cume prestre la diuine iustise  
 de cels qui mesprendrunt uers sainte mere iglise.”  
 “ci ad” funt il “manaces. la uengance en ert prise,  
 30 se uus n’asoilez ceaus sur qui sentence est mise.”

- b** "Se uus estes" fait il "de part le rei uenu,  
ne serez par manaces plus duté ne cremu.  
ia poez bien ferir en cest col tut à nu  
d'un cultel de maalle. ne uus ert defendu."  
**5** mist sa main à sun col, e cil s'en sunt eissu.  
"El i ad que manaces" funt il mult haltement,  
e le saint arceuesque desfient bassement,  
e comandent à tuz par ban communement,  
de part le rei, que tuit s'en issent erramment:  
**10** car chier le compera, se nuls plus i atent.  
E comandent as moines qu'il unt laienz trouez,  
de part le rei, qu'il fust e tenuz e gardez:  
car se il s'en fuieit, il lur ert demandez;  
rendre lur estoura. dunc s'est li sainz leuez.  
**15** lur defiemenz ad entenduz e notez.  
Tresqu'à l'uis de la chambre les cheualiers siwi  
quant l'orent desfié: car tres bien l'entendi.  
fait sainz Thomas "car di, qu'as tu dit? car redi."  
ne li distrent un mot. à tant s'en sunt parti,  
**20** mais sun uoil dunc l'eussent e ocis e murdri.  
Sainz Thomas returna: si s'asist sur sun lit,  
deuint tels cum s'il fust tres tuz en esperit.  
Johans de Salesbire li aueit dunches dit  
"sire, tuz iurs auez nostre conseil desdit,  
**25** fors co qu'aez tuz dis en uostre quer eslit."  
"Que uolez que io face, dan Johan?" fait li ber.  
"nostre conseil" dit il "deussiez apeler,  
quant li cheualier uindrent chaienz à uus parler.  
fors achaisun ne quierent de uus à mort liurer.  
**30** mais de uostre corine ne uus puet nuls geter."  
**70** Fait li dunc sainz Thomas "tuz nus estuet murir,  
ne pur mort de iustise ne me uerrez flechir,  
e pur l'amur de deu uoil la mort sustenir.  
ne il ne sunt pas mielz apresté del ferir  
**5** que mis curages est del martire souffrir."

Fait li maistre Johans "ne sumes apresté,  
que uoillum mes encore estre à la mort liuré:  
car en pechié gisum e en chaitiuité,  
ne un sul ne uei fors uus qui muire de sun gré."

10 "or seit" fait sainz Thomas "à la deu uolenté."

En dementres s'armerent là fors li cheualier,  
e osterent les cotes, ceinstrent les branz d'acier:  
car tut uindrent armé, chascuns sur sun destrier.  
tost furent apresté de grant mal comencier.

15 asez fu qui l'ala l'arceuesque nuncier.

"Sire" funt li li moine, "alez en cel mustier.  
il chantent ore uespres, nes deussiez laissier.  
cil cheualier uus uolent e prendre e detrenchier."  
"ne me uerrez" fait il "pur co rien esmaier."

20 ci atendrai tut co que deus m'i uolt iugier."

Quant se furent armé li quatre bachelier,  
uunt as uis de la sale. mais n'i porent entrer:  
car um les out ainz fait apres els bien barrer.  
dunc comencent as uis durement à buter:

25 car il quidoient prendre le saint u decolper.

Quant ne porent les uis par force depecier,  
Roberz del Broc, qui sout le mal mult enginnier,  
"or me siwez" fait il, "seignur franc cheualier:  
io uus metrai laienz par un altre sentier."

30 par deuers la quisine sunt entré el uergier.

b A l'uis de la chambre out un oriol fermé,  
dreit deuers le chardin, qui out maint ior esté.  
pur refaire erent dunc abatu li degré,  
e li carpentier erent à lur disner alé.

5 à cel oriol sunt li cheualier turné.

Par iloec est es chambres Roberz del Broc entrez;  
à eschieles i ad les cheualiers muntez.  
les ustils as ouriers qui firent les degrez,  
besague e cuigniés, en unt od els portez  
10 pur depecier les uis, ses trouassent fermex.



Quant la gent saint Thomas les oirent uenir,  
cum berbiz pur lous s'en pristrent à fuir,  
si cume li apostle, quant il uirent saisir  
la maisnie Pilate Jesu, qui pur murir  
15 esteit uenuz el mund pur s'iglise establir.

N'i remest uns tuz suls de tres tuz ses serganz,  
fors un poi de ses clers, dunt i out mult uaillanz,  
e sul maistres Edwarz, e moines ne sai quanz,  
qui pristrent saint Thomas, qui encor ert seanz  
20 e atendeit iluec mort e fin de ses anz.

Car puisqu'il repaira d'essil d'ultre la mer,  
dist il, oiant pluisurs quil lat oi cunter,  
qu'il murreit en cel an. bien lo sout afermer.  
or n'i out mais de l'an que dous iur à passer.  
25 li tierz est pres alez, ù il deueit finer.

Nis en plain chapitre li oi um gehir,  
oiant pluisurs qui erent pur sun sermun oir,  
"ci sui uneuz" fait il "entre uus mort souffrir."  
or ert uenuz li iurs quel couint acumplir.  
30 e sa uie e sa mort l'unt fait mult halt martir.

71 E idunc à la fin de sun sermonement  
ad dit uns de ses clers en prophetizement,  
Alissandres de Wales, oiant mult de sa gent,  
"chaienz ad un martir, saint Alfe ueirement:  
5 un altre en i aurez, se deu plaist, à present."

Pur co atendi iluec e ne uolt pas fuir:  
car il ert à seur e tuz prez de murir.  
quida qu'um ne l'osast el mustier asaillir:  
pur co atendi iluec, ne uolt la mort guenchir.  
10 mais deus le uoleit faire en plus bel liu chair.

Idunc l'en comencierent al mustier amener.  
mais tut par uiue force lur en estut porter.  
les uns ueissiez traire e les autres buter.  
mais parmi l'entier mur lur estoueit aler  
15 e par les uis fermez, s'il uolsissent passer.

*Philos.-histor. Abhandl.* 1838.

T

As altres chambres out une chambre aiustee,  
 par unt la ueie esteit al cloistre plus priuce.  
 mais à cele ure esteit à un grant loc fermee.  
 mult par fu esbaie la gent chaperunee,  
 20 quant il uirent lur ueie tutes parz estupee.

A l'uis de la chambre est uns des moines uenuz.  
 le loc prist à dous mains. là a deus fait uertuz.  
 quant le loc uolt estuerdre, es poinz li est chاوز,  
 cum se il fust aers à un petit de gluz.  
 25 l'uis ad ouert li moines, puis les ad esmeuz.

Dunc l'en unt al mustier, u uoille u nun, mené,  
 ensement cum la mort atendist de sun gré.  
 li un i unt sachie, li altre i unt buté,  
 tant qu'il sunt le grant pas dedenz l'encloistre entré.  
 30 mais il sunt dous feiz enz el cloistre aresté.

*b* Car si tost cum li sainz peut la terre atuchier  
 e il peut à la terre ses dous piez afichier,  
 tuz les empainst de sei, comenca à plaidier.  
 "que me uolez" fait il "detraire e desachier?"  
 5 laissez mei." dunc l'unt pris e porté al mustier.

Quant l'orent al mustier li moine ainsi porté,  
 dunc sunt li cheualier dedenz l'encloistre entré,  
 lur espees es poinz, e des haubercs armé,  
 e uns Hue Mauclerc. ainsi l'a um numé.  
 10 clers ert Robert del Broc, mult plains d'iniquité.

Quant uindrent icil quatre pur le mal comencier  
 (mais de loinz les siwurent quatre altre cheualier),  
 cil Hue alad od els e entra el mustier.  
 cil n'i entrèrent pas: car li fil l'auersier  
 15 encontrez les auet el cloistre al repairier.

Les uis unt contre els clos des moines li alquant.  
 "ourez" fait sainz Thomas, quis ala atendant.  
 "par sainte obedience" fait il "le uus comant.  
 lur uoil lur laissez faire, qui sunt fol nunsauant.  
 20 tant cum tendrez les uis, n'irai un pas auant.

Nuls ne deit chastel ne fermeté ne tur  
faire de la maisun deu, nostre uerai seignur.  
mais nus clerc, qui en sumes ministre e seruitur,  
en deurium ades estre defendeur,  
25 faire del cors escu contre le malfaitur."

Les uis ad il meesmes ouert e desbarez,  
buta le pueple ariere, qui i ert assemblez  
pur ueer l'aventure. fait lur il "que cremez?"  
funt li il "ueez ci les cheualiers armez."  
30 "io irai" fait il "à els." funt li il "nel ferez."  
72 . Tresque sur les degrez del nort l'unt fait aler.

à guarant as cors sainz le uoleient mener.  
"seignur" fait il as moines, "car me laissez ester.  
uus n'aez ci que faire; deu en laissez penser.  
5 alez là sus el quer à uoz uespres chanter."

La maisnie al Satan est el mustier uenue.  
en sa destre main tint chascuns s'espee nue,  
en l'autre les cuigniés e li quarz besague.  
un pilier ot iluec, la uolte ad sustenue,  
10 qui del saint arceuesque lur toli la ueue.

D'une part le pilier en sunt li trei alé.  
le traitur le rei unt quis e demandé.  
Reinalz de l'autre part ad un moine rencontré,  
demanda l'arceuesque. dunc ad li sainz parlé.  
15 "Reinalz, se tu me quiers" fait il, "ci m'as troué."

Del nun del traitur sainz Thomas n'entendi,  
mais al nun d'arceuesque restut e atendi,  
e encontre Reinalt del degré descendî.  
"Reinalz, se tu me quiers, troué" fait il "m'as ci."  
20 par le col del mantel l'aueit Reinalz saisi.  
"Reinalz, tanz biens t'ai fait" fait li buens ordenez.  
"e que quiers tu sur mei en saint iglise armez?"  
fait Reinalz li fiz Urs "certes uus le saurez."  
sachié l'aueit à sei, que tuz fu remuez.  
25 "traitres le rei estes" fait li il; "ca uendrez."

T 2

- Car fors del saint mustier trainier le quida.  
 bien crei qu'à cele feiz sainz Thomas s'aira  
 de co que cil Reinalz le detraist e sacha.  
 si ad enpaint Reinalt qu' ariere rehusa,  
 30 e le corn del mantel hors des mains li sacha.
- b "Fui, malueis hum, d'ici" fait li sainz corunez:  
 "io ne sui pas traitres, n'en dei estre retez."  
 "fuiiez" fait li Reinalz, quant se fu purpensez.  
 "nel ferai" fait li sainz. "ici me trouerez,  
 5 e uoz granz malueistiez ici acumplirez."
- Deuers l'eele del nort s'en est li bers alez,  
 e à un pilier s'est tenuz e acostez.  
 entre dous alteus est cil piliers mesurez:  
 à la mere deu est cil de desuz sacrez,  
 10 el nun saint Beneit est li altres ordenez.
- Là l'unt trait e mené li ministre enragié.  
 "asolez" funt il "cels qui sunt escumengié  
 e cels qui sunt par uus suspendu e lacié."  
 "n'en ferai" fait il "plus que i'en ai comencié."  
 15 à oscire l'unt dunc ensemble manecié.
- Fait il "de uoz manaces ne sui espoentez;  
 del martire souffrir sui del tut aprestez.  
 mais les miens en laissez aler, nes adesez,  
 e faites de mei sul co que faire en deuez."  
 20 n'ad les suens li bons prestres à la mort obliez.
- Einsi auint de deu quant il ala orer  
 desuz munt Oliuete la nuit à l'auesprer,  
 e cil li comencierent quil pristrent à crier  
 "ù est li Nazareus?" "ci me poez trouver"  
 25 fist lur deus, "mais les miens en laissez tuz aler."
- Dunc l'unt saisi as quinz li fil à l'auersier.  
 sil comencent forment à traire e à sachier,  
 e sur le col Willaume le uoldrent enchargier:  
 car là hors le uoleient u oscire u lier.  
 30 mais del pilier nel porent oster ne esluignier:

- 73        Car sainz Thomas s'esteit apuiez al piler,  
qui suffri mort en cruiz pur s'iglise estorer.  
ne l'en poeit nuls huem esluignier ne seurer.  
mais ore en coueneit un sul à mort liurer  
5    al piler del mustier pur le pueple saluer.  
      Car cil qui deust mielz saint iglise tenser,  
la uoldrent e ses membres del tut agrauenter,  
le piler e le chief qu'il sustint aterrer.  
icel sanc de pechié couint par sanc lauer;  
10    pur releuer le chief couint le chief doner.  
      Mais deus ne uoleit pas qu'il fust traitiez uilment,  
e s'il fist pur prouer cele malueise gent,  
s'osassent el mustier errer si cruelment:  
car il n'a si felun entresque en Orient,  
15    qui en oie parler, qu'il ne s'en espoent.  
      E maistre Edward Grim l'aueit forment saisi,  
embracié par desus, quant l'orent enuai.  
contre els tuz le retint, de rien ne s'esbahi,  
ne pur les cheualiers ne l'aueit pas guerpi.  
20    clerc e moine e sergant s'en erent tuit fui.  
      Mais maistre Edward le tint quanqu'il l'unt desachié.  
"que uolez" fait il "faire? estes uus enragié?  
-esgardez ù uus estes e quel sunt li feirié.  
main sur uostre arceuesque metez à grant pechié."  
25    mais n'est pur nul feirié ne pur mestier laissié.  
      Or ueit bien sainz Thomas sun martire en present.  
ses mains iuint à ses oilz, à damnedeu se rent.  
al martyr saint Denis, qui dulce France apent,  
e as sainz de l'iglise se comande erramment,  
30    la cause saint iglise e la sue ensement.  
b        Willaumes uint premiers, n'i uolt deu aurer.  
pur estre plus legiers n'i uolt hauberc porter.  
le traitur lu rei comence à demander.  
quant ne porent le saint hors del mustier geter,  
5    enz el chief de l'espee grant colp li uait duner,

- Si que de la corune le cupel enporta  
 e la hure abati e gramment entama.  
 sur l'espaule senestre l'espee li cula,  
 le mantel e les dras tresqu'al quir encisa,  
 10 e le braz maistre Edward pres tut en dous colpa.  
 Dunc l'aucit à cel colp maistres Edwarz guerpi.  
 "ferez, ferez" fait il. mais idunc le feri  
 danz Reinalz li fiz Urs, mais pas ne l'abati.  
 idunc le referi Willaumes de Traci,  
 15 que tut l'enceruelad, e sainz Thomas chai.  
 Par co sauum qu'il eut maistre Edward nafré.  
 à Saltewode sunt li felun returné,  
 de lur grant felunie se sunt la nuit uanté.  
 Willaumes de Traci a dit e afermé,  
 20 Johan de Salesbire aucit le braz colpé.  
 Pur co qu'iert desarmez tut premiers le siwi,  
 e bien fu coneuz e al uis e al cri.  
 une cote uert out e mantel mi parti.  
 quant il uit que Reinalz li fiz Urs resorti,  
 25 dous feiz, si cum i'ai dit, le saint el chief feri.  
 Mais quant Richarz li Brez le uit si abatu  
 e sur le pauement gesir tut estendu,  
 un poi en bescoz l'ad des autres colps feru,  
 qu'à la pierre ad brisié en dous sun brant molu.  
 30 al martir baise l'un la piece tut à nu.  
 74 Queque li felun l'unt feru e detrenchié  
 e del ferir se sunt durement esforcié,  
 n'aucit brait ne groni ne crié ne huchié,  
 ne pié ne main n'aucit à sei trait ne sachié:  
 5 car à deu out del tut son corage apuié.  
 E si cum en Caluaire unt deu crucifié  
 Gieu, qui si fil erent, e pur l'umain pechié,  
 là ù li forfait erent par iustise adrecié,  
 unt pur les clers cestui si fil martirizié  
 10 là ù li mesfait sunt osté e esneié.

Hue de Moreuile esteit ultre curuz,  
chacout le pueple ariere, qui esteit suruenuz;  
cremi que l'arceuesques ne lur fust dunc toluz.  
puet cel estre qu'il s'est en sei reconeuz,  
15 e de la felunie s'est einsi defenduz.

Quant en Jerusalem unt ocis le fiz Rachel  
li cheualier Herode, la lignié Ysmael,  
ne li seurerent pas del chief tut le chapel,  
mais al carnail del frunt retint e à la pel,  
20 que tut à descouert ueissiez le ceruel.

E cil Hue Malclerc, qui apres els entra,  
sur le col saint Thomas mist sun pié e ficha.  
le ceruel od l'espee hors del chief li geta  
de sur le pauement, e à cels s'escria.  
25 "alum nus en" fait il; "iamais ne resurdra."

Qui dunc ueist le sanc od le ceruel chair  
e sur le pauement l'un od l'autre gesir,  
de roses e de lilies li peust souenir:  
car dunc ueist le sanc el blanc ceruel rouir,  
30 le ceruel ensemment el uermeil sanc blanchir.

b Idunc s'en sunt parti li serf d'iniquité.  
parmi l'encloistre ariere s'en erent returné,  
les espees es poinz, e unt reaus crié.  
ainz erent cheualier, or sunt uil e hué;  
5 riche erent ainz, or sunt chau en dolenté.

Caitif maleuré, que est co que auez fait?  
de deu ne de mustier ne tenistes ainc plait.  
tant cum li siecles dure, iert à uoz eirs retrait.  
ci dort qui pur les bestes les beaux hummes desfait.  
10 deus est là sus el ciel, e li regnes mesuait.

Pur l'iglise del nort e en l'ele del nort,  
enuers le nort, suffri li bons sainz Thomas mort.  
pur sa mort l'ad deus fait e si halt e si fort:  
tuit Cristien li quierent e salu e confort;  
15 les perillez en mer souent maine à dreit port.

Dementieres que firent li fil à l'auersier  
 cele grant heresie dedenz le saint mustier,  
 remist Roberz del Broc es chambres pur burgier,  
 e pluisur altre od lui, as cofres depescier;  
 20 pristrent dras e ueissele e argent e ormier,

Pristrent sun bon cultel qui ualeit une cit,  
 e sun anel ù out un safir mult eslit  
 (nel dunast pur aueir; ainc huem meillur ne uit),  
 e un mult riche drap d'un grant purpré samit.  
 25 pris i furent si liure e tres tuit si escrit,

E le chalice d'or ù li sainz out chanté  
 (pluisur feiz sur le deis l'unt brisié e quassé),  
 e uestemenz e dras, e quanqu'il unt troué,  
 cuillieres cupes hanas d'argent, d'or esmeré,  
 30 e bien seissante liures d'argent tut muncé,

75 E tuz ses beaubelez qu'il aueit fait garder  
 e qu'il ne uoleit pas à tutes genz mustrer;  
 altres choses asez que io ne sai numer,  
 ne que nuls de ses hummes ne me sout acunter.  
 5 chartres e priuileges en firent tuz porter.

Les chambres saint Thomas e les maisuns roberent:  
 n'i uoldrent rien laisser, un e el enporterent.  
 les cheuals saint Thomas tuz ensemble enmenerent.  
 ses hummes e ses clers, là ù il les trouerent,  
 10 pristrent od lur aueir, e sis enprisunerent.

Einsi grant cruelté ne fu faite unches mes  
 là ù iustise eust, ne en terre de pes,  
 pur queus là ù li reis n'en fait nului reles:  
 car en tut le mund n'a, ne de luinz ne de pres,  
 15 nul plus grief iustisier qu'il est. mais io m'en tes.

Nis pur les mnes bestes fait il mult grief iustise,  
 les beaus hummes desfaire, metre maint à iuise.  
 mais deus qui les mesfaiz, quant il bien uolt, iustise,  
 ne uoleit pas souffrir que uengance en fust prise  
 20 del saint martyr qui fu ocis en sainte iglise.



- Einsi fu sainte iglise hunie e uiolee.  
ne matines ne uespres messe n'i fu chantee,  
ne deus n'i fu seruiz ne chandeille alumee.  
li uis furent fermé, al pueple fu ueee.  
25 tut l'an fu sainte iglise einsi enprisunee.  
Fors sulement dis iurs en failli de l'anee.  
quint iur deuant Noel refu reconfermee,  
e del pueple e des iurs fu la disme saluee,  
e des clers e del rei la bataille finee.  
30 dunches fu saint iglise de tristur releuee.  
b Car li bons corunez pur sa gent corunee  
sa corune en dona as armes desarmee.  
mult fu espiritaus de sa part la medlee,  
quant fist de sa corune escu contre l'espee.  
5 ainc ne lur uolt guenchir pur colp ne pur colee.  
Mais se il uolsist traire la gent chaperunee,  
mult peust auer bien sa mort dunc eschiwee:  
car en cele iglise ad mult mainte desturnee.  
de sun gré suffri mort en la maisun sacree.  
10 grant honur li ad deus en cest siecle dunee.  
Ainc mais si pute ouraigne ne fu el siecle ouree,  
ne qui à si grant bien seit al siecle aturnee.  
mais encore ert mult chier, quanque seit, conperee;  
u tost u tart en ert l'ire deu aprestee:  
15 car la uengance en est à sul deu estuee.  
Kar la uengance deu ne s'est pas trop hastee,  
qui somunt que la culpe seit encor amende.  
deus ne uolt ne desire que l'aneme seit dampnee.  
ne la semaine n'est encore pas entree  
20 à la felunie ert e uengié e trouee.  
Mais de primes en est Normendie fulee:  
car la mort al saint humme i fu ainz purparlee,  
e cil en est guardains de qui la cause est nee.  
e par l'uis dunt quida clore cele bae;  
25 est la ueie desclose e l'ire deu mustree.

- Mais deus ad, bien le sai, cel ire desturnee,  
 qu'il aueit al realme e al pueple aprestee:  
 car li reis Henris ad del tut culpe clamee,  
 la mesprisun partut endreit sei amendea,  
 30 e tute sa franchise saint iglise dunea.
- 76 Qui dunc ueist ses clers e ses moines fuir,  
 e neuelz e parenz e mucier e tapir  
 e changier les buens dras e les maluais uestir,  
 de pitié l'en peust tute la char fremir:  
 5 car n'en i out un sul qui ne quidast murir.
- Idunc s'en sunt turné li fil à l'auersier  
 lié e ioius e balt de lur grant enconbrier.  
 puissance lur doinst deus del mesfait adrescier.  
 mais iamais ne serunt en nul liu tenu chier,  
 10 fors sul à cels qui sunt del mesfait parconier.
- Tost furent esfremi e uiel e iuencel  
 la nouele espandue del saint martyr nouel,  
 qui giseit el mustier ocis sur le quarrel.  
 li moine en recoillirent le sanc e le ceruel,  
 15 e à sun chief le mistrent en poz hors del tunbel.
- Deuant le halt autel fu li cors sainz portez,  
 e de moines e d'altres fu tute nuit gardez.  
 receuz fu li sancs qui en est degutez.  
 en l'endemain en est à Cantorbire alez  
 20 uns niés Randulf del Broc. Roberz ert apelez.
- Ussier le rei esteit, e fu bien coneuz,  
 ne li furent les portes ne nul des uis tenuz:  
 car pur le rei esteit e dutez e cremuz.  
 des cheuals saint Thomas a pris dous des plus druz.  
 25 quant à ses clers esteient, bien les lur ad toluz.
- Car li clerc saint Thomas od tute l'altre gent  
 esteient chiés les moines fui à saluement,  
 od cheuals e od el. ne lur ualut neent:  
 Brokeis perneient tut partut à lur talent,  
 30 e les clers e les homes, e tindrent fermement.

b

Fait Robert "la terre est uoide del traitur  
qui uoleit la corune tolir à sun seigneur.  
traitez deust bien estre à mult grant desonur,  
getez en un putel u en greinur puur."  
5 de deu n'auet cil guaires à cel ure pour.  
"Grant almosne est" fait il "que li fels est ocis;  
ne fu ainc si buens faiz à faire mais enpris.  
se sainz Pieres eust uers le rei si mespris  
e io i fuisse uenuz, par le cors saint Denis,  
10 mun brant nu li eusse tresqu'el ceruel asis."

Dunc comanda as moines qu'il presissent le cors  
e sil muchasent si, nel ueist neirs ne sors;  
u uilment le fereit traire as cheuals là fors  
u depecier par pieces (ia n'en sereit estors),  
15 geter en un putel e as chiens e as pors.

Par ces noueles furent mult li moine esmaïé,  
e pur co l'unt es crutes enterré e mucié.  
mais primes unt les dras e le cors tut cergié.  
mais ne l'unt pas troué farsî ne encraissié,  
20 mais de saintisme habit e uestu e chargié.

Desus les altres dras out d'isebrun mantel,  
blanche pene d'aigheaus, senz urle, e neir tassel,  
e desuz un surpliz blanc e delié e bel,  
desuz une pelice blanche de pel aignel.  
25 n'out uestu uair ne gris, ne samit ne cendel.

Cist forainz habiz fu de chanoine ruilé.  
dous pelicuns out desuz, qui furent curt e lé:  
andui furent d'aignel e fait e aturné.  
trenchié furent de lui à culteaus e osté.  
30 puis les ui, e bien soi qui il furent doné.

77

Le cors e le uentraîl durement freit auet,  
e de sun mal del flanc achaisenus esteit,  
e pur co tut ades chaudement se uesteit,  
qu'il n'en chaist en mal par achaisun de freit,  
5 e que tost rechaufast quant batre se faiseit.

U 2

La couele e l'estamine out desuz cel li ber,  
 mais de pans e de mances les out fait escurter:  
 car ne uoleit al siecle sa uie demustrer.

quant li moine le uirent, comencent à crier  
 10 "ueez ci le bon moine. ci le poez trouer."

Après auait la haire pres de la char uestue,  
 ainsi apareillié que ne fust pas ueue,  
 e les braies de haire plus pres de la char nue,  
 blanches braies desus de teile chier uendue:  
 15 car ne uolt que sa uie fust al mund coneue.

Mais si esteit couerte cele robe cheurine  
 e desus e desuz de menue uermine  
 qu'à granz torches iert partut e à traine,  
 e sa char guerreout ke merueille esteit fine  
 20 que il poeit souffrir ainsi grant discipline:

Car mult plus grief martyre suffri tant cum fu uis  
 que ne fist el mustier là où il fu ocis.  
 car erramment transi e en ioie fu mis,  
 mais cele grant uermine, dunt il esteit purpris,  
 25 le quiura plusurs anz e les nuiz e les dis.

De lui furent li moine mult dolent e mult lié.  
 de co furent dolent quel uirent detrenchié,  
 mais de sa uie furent, quant la sorent, haitié.  
 s'il eussent sun cors tut nu à nu cergié,  
 30 des curgies l'eussent troué tut depescié:

6 Car en cel iur meesmes qu'il fu si decolpez,  
 eut esté saint Thomas treis feiz disciplinez.  
 à grant honor fu dunc es crutes enterrez  
 pur pour des Brokeis, que il ne fust trouez:  
 5 mais or est par le mund cremuz e honurez.

E cil premiers martyres fu en amendement  
 des pechiés qu'il out fait iadis seculerment:  
 encontre les granz aises suffri le grant turment.  
 e li secunz martyres fu en saintissement:  
 10 car par l'autre uint il à cel derainement.

Dunc unt l'arceuesquié saisie li Brokeis.  
mult feluns arceuesques i aueit mis li reis,  
e sulunc co qu'il furent establirent lur leis.  
les proueires faiseient chanter tut sur defeis.  
15 del tut esteit turnee saint iglise en decreis.

Randulf del Broc fu dunc chief de l'arceueschié.  
quanqu'il fist e defist, ert par tut otrié.  
les rentes e l'aueir ad al rei enueié.  
iamais tut cil denier n'ierent bien enpleié,  
20 quant sunt par felunie conquis e guaaignié.

Quant cil denier serunt despendu e alé  
e en maluaises genz e en guerre guasté,  
maluaisement conquis, malement alué,  
li dé serunt mult tost sur ambes as turné,  
25 qui unt esté souent sur sines ruelé.

Car nuls ne puet aueir en sun tresor fiance.  
n'es Brabenchuns n'est pas de la fin demurance,  
n'es Flamencs, n'es Engleis, ne en tuz cels de France:  
car en sunt petit dei en tient deus la balance,  
30 qui met tant cum li plest noz mesfaiz en suffrance.

78 Einsi fu des Brokeis cum il fu des Giwius,  
qui frent que par els fu ocis deus li pius:  
car il quidierent perdre lur terres e lur lius;  
or sunt tuit dechacié, n'unt eritez ne fuis.  
5 mult aurunt pis Brokeis e mult peiurs fedius.

Li sainz martyrs dunt uus l'estorie oi auez,  
par tres tut le mund est ui cest iur renomez  
e de uielz e de iouenes haltement honurez.  
la nuit deuant Noel dreit sainz Thomas fu nez:  
10 quant um chantout les uespres, el halt ciel fu portez.

Li parreins fu ocis e gist en Orient:  
car saint iglise esteit idunc en creissement.  
cist fu ocis el nort e garde l'Occident  
par s'iglise qui ert tut en dechaement.  
15 Noel e Jursalem unt parti igalment.

Pur la terrestre iglise furent andui ocis;  
 le celestiel regne unt par lur mort conquis.  
 al seruise deu unt tuz les cinc sens mis,  
 e tuz les cinc degrez unt muntez e purpris.  
 20 tut le mund de dous parz unt en lur garde pris.

Par un marsdi fu nez li sainz buem dunt uus di:  
 pur ueir de Normendie par marsdi s'en fui,  
 e si passa la mer par un iur de marsdi;  
 trepassa d'essil par tel iur altresì;  
 25 par marsdi ensemment le martyre suffri.

Pur co qu'or tart nus est nouals martyrs donez,  
 Guernes li clers, de Punt de Saint Mesence nez,  
 uus uolt faire del tens del martyre acertez.  
 mil anz cent e seissante e dis tuz acuntez  
 30 i out de co que deus fu de la uirgene nez.

*b* Mult est bien saint Thomas de deu nostre seignur,  
 e tuz li munz le ueit; n'en querrum menteur.  
 ne fu unches oi des le siecle primur  
 que deus à humme mort mustrast si grant amur.  
 5 mult granz miracles fait pur lui e nuit e iur.

En terre est deus od nus pur amur al martyr,  
 e les morz fait reuiure, mutz parler, surz oir,  
 les contraiz redrescier, gutus feurus guarir,  
 ydropikes leprus en santé restabli,  
 10 cius ueeir, en lur sens les desuez reuenir.

Pluisur rei le requierent en dreit pelerinage,  
 li prince, li barun, li duc od lur barnage,  
 genz de diuers pais, de mult diuers language,  
 prelat moine reclus e maint enpounage;  
 15 e ampolles reportent en seigne del ueage.

Mais de Jerusalem est la palme aportee,  
 e de Roche madur Marie en plum getee,  
 de saint Jame l'escale qui en plum est muée.  
 or ad deus saint Thomas cel ampole donee,  
 20 qui est par tut le mund cherie e bonuree.

En semblance de uin e d'ewe fait user  
deus sun sanc par le mund pur les anemes saluer.  
en ewe e en ampoles fait par le mund porter  
le sanc de saint Thomas pur li plus honurer.

25 en santé e el signe i fait l'onur dubler.

Mais merueille poum e ueir e oir,  
que cil ki mortalment le soleient hair,  
enuers le-rei Henri medler e mal tenir,  
e ki furent à sa mort purchacier e bastir,

30 pur merci les ueum ses hummes deuenir.

79 Mais li reis d'Engleterre, ki fu ses enemis,  
pur ki sis anz e plus fu eissillé del pais  
e pur ki maltalent si humme l'unt ocis,  
od grant humilité l'ad al quart an requis,  
5 e li cria merci de quanqu'il out mespris.

Al quart an qu'ot suffert li martyrs passiu,  
al setme meis de l'an (Juinet l'apele l'un)  
uint li reis al martir à satisfactiun,  
al duzime iur, un uendresdi par nun.

10 mais pur grant busuing uint à sucurs al barun.

Juste Cantorbire unt leprus un hospital;  
mult i ad malades degez e plain de mal.  
pres une liwe i ad del mustier principal,  
là ù li cors sainz gist del mire espirital,

15 qui maint dolent ad mis en iolè e en estal.

Dunc descendi li reis iluec à Herebaldun,  
e entra el mustier, e ad fait s'oreisun.

de tres tuz ses mesfaiz ad requis deu pardun.  
pur amur saint Thomas ad otrié en dun

20 uint marchies de rente à la poure mesun.

E à un hospital bien dous liwes de là,  
à herberchier les poures, li reis ne s'ublia:  
kar de rente à cel liu par an cent sols dona.  
benei seit de deu ki al liu le turna

25 e autrement qu'il n'est qui l'amendera.

Tresqu'à saint Dunstan tut à pié s'en ala.  
 à la premiere iglise qu'en la uile troua,  
 od les prelaz ki i furent el mustier s'en entra,  
 e par confessiun sun espirit munda,  
 30 e suffri discipline e sa char chastia.

6 Dunc ad fait le priur tresqu'al couent aler,  
 preiad lui que fesist les seignurs asembler;  
 e quanqu'il uoldreient entaus eswarder  
 qu'il deust al martir faire et amender,  
 5 uolentiers e de gré le uoldreit graanter.

Dunc se fist erramment tut nuz piez deschalcier;  
 e nuz piez e en langes, pur sa char castier,  
 en une chape à pluie qu'il soleit cheualchier,  
 tut contre mund la uile ala par le perrier.  
 10 à deu se uolt par grief penitence amaisier.

Encontre les reis solt um faire glas soner  
 e la processiun encontre els asembler,  
 e dedenz le mustier à grant honur mener.  
 mais tut cel honur dunc fist li reis ester:  
 15 ne uolt pas cumme reis, mais cum mendifs entrer.

Humblement uint à l'uis, iloc s'agenoilla.  
 en plur e en lermes granment i demura.  
 en l'iglise est entrez, al martirie en ala,  
 dist i confiteor, e le marbre baisa.  
 20 dunc ala à la tumbe, al martyr s'acorda.

Quant il out lungement esté en oreisun  
 e iut grant piece en lermes e en afflictiun,  
 en quer contrit, del tut en grant deuotium,  
 li euesques de Lundres i a fait sun sermun.  
 25 pur le rei e pur lui dist sa confessiun.

"Seignur" fait li euesques, "or entendez à mei.  
 ueez ci en present nostre seignur le rei.  
 uenuz est al martyr en amur e en fei.  
 sa confessiun pure me fait dire pur sei,  
 30 si cum io l'ai oie e pluisur en secrei.



80        Deuant deu le conuist e deuant le martyr  
qu'il ne fist pas ocire saint Thomas ne murdrir,  
ne il nel comanda pas à tuer n'à ferir.  
mais il dist cel parole, e bien le uolt gehir,

5        qui fu cause e matere de l'ocire e murdrir.

      Pur co que pur lui fu (co conuist) ocis,  
est uenuz al martyr culpables e clamis,  
e se rent e conuist e forfait e chaitis.  
al saint crie merci de co k'il ad mespris,  
10        e de l'adrescement s'est tut en uoz los mis.

      A ceste saint iglise rent tut son tenement,  
ambure à l'arceuesque e à tut le couent,  
franchise, dignité, einsi plenierement  
cum ele ad en nul liu entre cristiene gent,  
15        e tut si cum ele out ia ancienement.

      Or uus requiert pur deu tres tuz communement,  
priez le ueir martyr ki gist ci en present,  
que del tut li pardoinst e ire e mautalent:  
car mespris ad uers lui e culpable se rent,  
20        e uenuz est à lui pur faire adrescement,

      Que par uostre preiere e par uostre oreisun,  
par pure penitence e satisfactiun  
puisse l'amur conquerre del pretius barun.  
de terre dis liurees dune à ceste mesun,  
25        od les trente liurees dunt uus fist ainz le dun.<sup>3</sup>

      Quant l'euesques out sun sermun partraitié,  
li reis Henris li ad quanqu'ot dit otrié.  
de tut mautalent l'ad li couenz relaissié.  
si li unt granté co qu'il lur out preié,  
30        e li priurs l'en ad pur le couent baisié.

*b*        Li reis Henris idunc de tant s'umiliad  
que par s'umilité en plur tuz les turnad.  
ueant els, il meisme sa chape desfublad.  
en une des fenestres de la tumbe muscad  
5        le chief e les espaules, le dos abandonad.

*Philos.-histor. Abhandl. 1838.*

X

Mais il ne uoleit pas la cote uerte oster:  
 kar io quid bien pur ueir, e sil puis afermer,  
 qu'il out desuz la haire, qu'il ne uolt pas mustrer.  
 dunc se fist as prelaz primes discipliner.

10 tendrement ueissiez les plusurs plurer.

Li euesques de Lundres tint el puing le balai,  
 reguarda le cors saint e reguarda le rei.  
 "saint Thomas, ueir martyr" fist idunc, "oez mei.  
 se de deu ies si bien cum l'um dit e iel crei,  
 15 de cest pecheur aiez merci que io ci uei."

En fei e en amur oi li sainz cestui  
 qui li out fait al siecle souent mult grant ennui,  
 e or l'auet requis pur sei e pur altrui.  
 li martyrs uit les quers e del rei e de lui:  
 20 en ueire repentance furent salué andui.

A saint Thomas dona li reis en acordance  
 bien quarante liures de rente à remanance,  
 e à sa fiertre faire or pesé en balance.  
 mielz il ama asez la ueire repentance  
 25 qu'il ne fist u Angou u Engleterre u France.

Quant li reis Henris fu batuz e castiez,  
 par satisfaciun à deu reconciliez,  
 e ot fait s'oreisun, dunc se dresca en piez.  
 iuste un pilier s'asist à la terre entaiez.  
 30 n'i fu suz lui tapiz n'oreillier culchiez.

81 En salmes e oreisuns tute la nuit ueilla.  
 as hummes saint Thomas sun coruz pardona.  
 la surur saint Thomas merci quist e cria,  
 e en adrescement un molin li dona.

5 bien ualt dis mars par an la rente qu'ele en a.

Tute la nuit entiere en oreisuns ueilla,  
 ne pur necessité del cors ne se leua,  
 tresque apres matines. idunches se dresca  
 e par tuz les alters à orer s'en ala.  
 10 al martyr uint ieun, n'i but ne n'i manga.

En la puinte del iur fist la messe chanter.  
tres tuz enboez de tai se fist heser.  
ainc pur nului ne uolt faire ses piez lauer.  
se plus repentant prince ne puet nuls cunter.  
15 mais al martyr requerre dut il trop demurer.

Par quarante mes sunt li pechié espeni:  
apres quarante meis li reis suratendi.  
se quarante semaines oust suraconpli,  
e puis apres i fussent acru quarante di,  
20 prist en fust la uengance; tut pur ueir le uus di.

E quant la quaranteine des meis fu trespassee  
e des semaines fu la quaranteine entree,  
dunc fu de tutes parz Engleterre troblee.  
se saint Thomas n'eust la face deu mucee,  
25 en l'une des treis fust l'ire deu trouee.

Or ad deus parduné al rei sun maltalent:  
car en cel iur maimé qu'il fist amedement,  
parti li quens de Flandres de la mer od sa gent,  
qui uoleit Engleterre del tut metre à neent.  
30 pris fu li reis d'Escoce l'endemain ensement.

*b* Normendie ert bien prof destruite e confundue,  
e l'ost de France ert tresqu'à Ruem uenue.  
tute Engleterre esteit à sun duel esmeue.  
le ciel orent guerpi, pris s'erent à la nue.  
5 mais li plus deus auent la poure gent ueue.

Ne uoleient auer sur els rei si puissant,  
ainz uoleient auer entre els un aliant  
k'il puissent detraire ca e là cum enfant.  
en cele lealté furent partut nuisant,  
10 e lur grant felunie courirent par l'enfant.

Ne poeit pas li enfes le regne gouverner.  
plus lealment del pere nel poeit nuls garder.  
pere e fiz sunt tut un, qui dreit uolt esgarder.  
cil qui uoldrent le fiz del pere deseurer,  
15 e le pere e le fiz uoldrent deseriter.

Mais or conseil le rei qu'il lest à saint iglise,  
 si cum il ad pramis, dreiture e franchise;  
 ses francs hummes ait chier, temprez seit en iustise;  
 ne seit d'umme pur beste des or uengance prise;  
 20 à chascun lest sun dreit, e seit senz conueitise.

Mais io sai bien le quer lu rei e sa maniere.  
 il ad à gouverner une gent pautenièr.  
 s'ele aueit liu e aise, l'aguilun ad deriere,  
 qui tute lur larreit en bandun la riuier.  
 25 de porcs e de herbiz uoidreient la bruièr.

Se Normanz nel cremeient, Engleis ne Angeuin,  
 e Bretun e Waleis, Escot e Peiteuin,  
 mult aureient tost fait tut le regne frarin.  
 mais quel semblant qu'il face, il prendra bone fin.  
 30 un auisiun oi mustrer maistre Feramin.

82 Ainz que sainz Thomas fust ocis el saint mustier,  
 grant processiun uit aler lez le clochier.  
 el senestre eng uit saint Thomas cheualchier,  
 e un clerc luinz de lui, mais nel solt encercier;  
 5 le rei de l'autre part sur un grant destrier.

Une corune d'or out à la croiz pendant.  
 cil la porta mult halt ki ala tut auant.  
 une uoiz unt oie desuz en l'air criant,  
 qui à la croiz metreit gemmes e or luisant,  
 10 corune d'or aureit el ciel à parmenant.

La uoiz fu bien oie. sainz Thomas l'escuta;  
 e s'il puet à nul sens, à la cruiz ateindra:  
 car corune del ciel durement desira.  
 sur un grant cheual fu: cele part ala,  
 15 mult gemmes e mult or esmeré i posa.

Lungement apres co s'est li reis purpensez:  
 s'il ne uient à la croiz, mult ert uergundez.  
 sur un grant cheual fu: à la cruiz est alez,  
 mult i ad mis gemmes e or ki fu prouez.  
 20 mais n'i mist mie tant cum li bons ordenez.

Idunches s'en ala li clers purpensant  
coment il i auendra. mais là uint cheualchant.  
mult i ad mis gemmes e or reluisant,  
e mult bien i auint. mais n'i mist mie tant  
25 cum li uns des dous fist ki offrirent auant.

La processiun uait, li munz est en decurs.  
li plus i uunt à pié: car poi beent aillurs.  
sainz Thomas li martyrs nus face ueir sucurs.

uus di pur ueir, uncor uendra li iurs,  
30 li reis larra pur deu les seculers honurs.

b Car nuls ne seit qu'il ad en sun quer embracié.  
mais la muableté le truble de sun sié  
e si enfant ki sunt de sens poi esforcié,  
e li dit Merlin l'unt durement esmaïé.

5 li fol espositur l'en unt poi esueié.

Car li fol conseil furent en Bretaigne forgié,  
par ki il fut enfrenez e bien pres mis à pié.  
or quart coment l'eglesse i aueit l'or culchié.  
plus de treis feiz e treis ad ia nidifié:

10 pel tierz ni d'Engleterre ad ou sun quer lié.

De celui e des autres, se deu plaist, s'esioira.  
mais ia de cele eglesse li reis mar dutera.  
iamais en altre liu ne nidifiera:

car la plume ad perdue, iamais ne recoura.

15 mais encor guard la terre: kar grant mestier en a.

Mais bien sache li reis, e io pur ueir li mant,  
si fiz erent produme e forcible e uaillant.  
s'il se tienent ensemble, plus en erent puissant.  
mult les criendrunt Engleis Peiteuin e Normant.

20 itel en plora encore qui or s'en uait riant.

Tant cume s'entreamerunt li fiz e li pere  
e il dui amerunt e la broiz e la mere,  
tant cum tendrunt ensemble li enfant cume frere  
e li reis ert sur els e reis e emperere,

25 ki metlera la salse, mult la beuera amere.

Deu pri e le martir, que i'ai serui maint iur,  
 qu'il mette pes el regne e tienge en bon amur  
 e le pere e le fiz e la broiz e l'oisur,  
 e lur doinst ioie e uie senz change de  
 30 e lur mette en curage que me facent honor.

83 Guernes li clers del Punt fine ici sun sermun  
 del martir saint Thomas e de sa passiu.  
 e mainte feiz le fist à la tumbe al barun.  
 ci n'a mis un sul mot se la uerité nun.

5 de ses mesfaiz li face li plus deus ueir pardun.

Ainc mais si bons romanz ne fu faiz ne trouez.  
 à Cantorbire fu e faiz e amendez.  
 n'i ad mis un sul mot qui ne seit ueritez.  
 li uers est d'une rime en cinc clauses cuplez.  
 10 mis languages est bons: car en France fui nez.

L'an secund que li sainz fu en iglise ocis,  
 comenchai cest romanz e mult m'en entremis.  
 des priuez saint Thomas la uerité apris.  
 mainte feiz en ostai co que io ainz escriis,  
 15 pur oster la menconge. al quart an fin i mis.

E co sacent tuit cil qui ceste uie orrunt,  
 que pure uerité partut oir purrunt.  
 e co sacent tuit cil qui del saint traitié unt,  
 u Romanz u Latin, e cest chemin ne uunt,  
 20 u el dient que io, contre uerité sunt.

Or prium Jesu Crist, le fiz sainte Marie,  
 pur amur saint Thomas nus doinst la sue aie,  
 que rien ne nus suffraigne à la corporal uie,  
 e si nus esneium de seculer folie  
 25 qu'al muriant aium la sue compaignie. Amen.

ici fine la uie saint Thomas le martyr.

Entre itantes merueilles cum deus deigna ourer  
 pur sun dru saint Thomas, ki tant fait à loer,  
 en Pieregort auint un estrange ultre mer.  
 or i dunez entente: si la m'orrez cunter.

5 En Pieregort maneit uns clers is sauiues hum;

phisiciens esteit, Pieres auait à num.  
mult fu de bone uie; bien dire le poum,  
quant deus oura en lui cum nus apres dirrum.

Cist Pieres enperneit suent la gent en cure.

10 si l'en aint suent mainte bele aventure,  
itant qu'à li meime corrumpi la nature:  
si chai en langur greuose à desmesure.

Il sunt quatre manieres del mal d'idropisie:  
des dous puet l'um guarir, des dous autres ne mie.  
15 l'une d'iceles dous, dunt nuls n'atent aie,  
encurt par aventure cist Pieres nostre mie.

Il ki ia solt as autres tant faire e tant ualeir,  
ne puet à sei meime de rien mestier auer.  
un denier ne li ualt sun sen ne sun saueir:  
20 einz languist e despent pur sun mal sun auer.

Si compaignun kil ueient si supris si destruit,  
chescuns, l'un apres l'autre, le guerpist, si s'en fuit.  
il chaitifs, ki remaint, nel tient pas à deduit.  
ne set quel pis li fait, u li iurs u la nuit.

25 Un en i ot purquant ki plus ot de li cure.  
cil li prie suent e comande e conieure  
qu'il s'acort mult à deu, qu'il prenge sa dreiture.  
quantque cil li conseille, cil faire ne demure.

Puisqu'il oi purquant de saint Thomas nuuele,  
30 cum il ot expandu pur deu sanc e ceruele,  
cum deus ot pur li faite mainte uertu mult bele,  
mult ententiement de guarisun l'apele.

Là ù il iut en transe cum huem ki  
uit il la mere deu ki ueer le ueneit.

84 35 mult ot dulce la chiere, mais alkes murne esteit.  
pitusement l'esgarde, mais rien ne li diseit.

Mult fu cil confortez de la dame ueue,  
mais mult se desconforte qu'ele s'ert si teue.  
bien quide que pechié u grant descouenue

40 ait fait, purquei la dame seit uers li irascue.

Cum li chaitifs giseit ci entur purpensant,

la gloriuse dame s'en est eissue à tant.  
ne demura puis guaires, uient saint Thomas entrant  
e Chosme e Alissandre, dui mire mult uaillant.

45 Cum il unt le malade esguardé e uen,  
saint Thomas lur comande qu'il seit tost estendu  
sur une mult grant huche k'ilec estut, tut nu.  
si cum il comanda, demaintenant fait fu.

Puis comande le uentre del malade taillier  
50 e traire fors le feie e lauer e baignier.  
si cum il comanda, funt cil senz rien targier;  
mult leuent bien le feie en un bacin d'ormier.

Li bacin de fin or fu de mult riche ouraigne,  
que li saint apporterent, à li feies se baigne,  
55 li malades kil ueit n'a talent qu'il se plaigne:  
tant coueite e desire que li bacin remaigne.

Puisqu'il eurent lu feie lauuet en tel maniere,  
saint Thomas lur comande qu'il seit remis ariere  
e li uentres cusuz, il mis en sa litiere;  
60 e li disciple funt cum lur dit l'enseigniere.

Ades senti les pointes li clers de la custure,  
cum li saint le cusurent apres la tailleure.  
mais del souffrir l'anguisse tel fu, e nient plus dure,  
cum la char ki tetille apres l'entameure.

65 A tant reuint li clers d'icele auisiun,  
mais il ne sot pur ueir s'il ot or n n  
il taste e sent les plaies d'icele  
e le sanc freis el lit en costé e en

Il resent sei meime tut sein e tut legier.  
70 si apele e esueille cels kil durent ueillier,  
ki n'i furent pur el fors pur la mort guaitier,  
e tute lur comence s'aventure à traitier.

La nonele en fu tost par tute la contree,  
mais l'euesque ne pout creire la renumee  
75 desque celui lui out s'aventure mustree.  
e il la nus conta cum cil li ot cuntée.



# La vie St. Thomas le martir (\*)

aus der Handschrift des Brittischen Museums

(cod. Harlej. 270)

ergänzt von

H<sup>rn.</sup> B E K K E R.

~~~~~

[Der Akademie der Wissenschaften vorgelegt am 3. Juni 1844.]

- ANFANG: fol. \*1    **T**uit li fysicien ne sunt ades bon mire;  
tuit clerc ne seuent pas bien chanter ne bien lire.  
asquanz des troueurs faillent tost à bien dire.  
tel choisist le nualz ki le mienz quide eslire,  
5 et tel quide estre miendre des autres, est li pire.  
Si nuls uout contruuer u traitier u escrire,  
de bien dire se peint, que nuls n'en puisse rire  
u par aucune rien souueraine descumfire.  
mette le sen auant, e li mals seit à dire:  
10 del bien amende l'um, e nulz huem n'empire.  
Pur ceo l'ai comencié ke ieo uoldrai descire,  
se Jesu Crist le sueffre, ki de nus tuz est sire,  
la uie Saint Thomas, celui de Cantorbire,  
ki pur sa mere iglise fu ocis par martyre.  
15 or est halz sainz el ciel: nul nel pot contredire.  
De mult diuers curages e de diuerse uie  
sunt en cest siecle gent: n'i est nul kil desdie.  
plusurs unt poureté, li alquant manantie;  
alquant aiment le sen, e plusur la folie;  
20 li alquant aiment deu, Sathan les plusur guie.

---

(\*) S. Abhandlungen der Königl. Akademie v. J. 1834, S. 25-168. Vgl. Le Roux de Lincy, *la vie et la mort de S. Thomas de Cantorbéry*, par Garnier de Pont Sainte Maxence. Paris 1843. 8.

b

Seignurs, pur amur deu e pur saluatiun,  
leissiez la uanité, entendez al sermun.  
n'i ad celui de uos ki n'entende raisun.  
leissiez del tut ester le conseil al felun:

5 malveis est li guaainz ki turne à dampneisun.

Deu e seinte iglise e les clers honurez;  
les pures herbergiez e peissiez e uestez,  
e uos dismes del tut dreituralment dunez.  
de pechiez criminals de tres tuz uos gardez.  
10 ueirement le uos di ke damneieu auez.

Mult par fu seint iglise de primes defulee  
e del cunseil le rei à grant tort demenee.  
deus en seit merciez, ki ore l'a reguardee.  
par cestui resera tres tute releuee,  
15 ki en suffri de mort de sun gré la colee.

Faire soleit li reis as clers e force e tort.  
s'à forfait fussent pris, ia n'i eust resort  
kil nés feist iugier as lais à lur acort.  
cist Thomas les maintint; n'orent altre comfort.  
20 pur els se combati tant k'en suffri la mort.

Se li clerc mesfunt rien, leissiez les deu uengier.  
il sunt nostre prelat; nés auez à iugier.  
e tant repoent il oriblement iugier.  
ki les ordres perdrunt, nés poez plus iugier.  
25 s'à mesfait sunt puis pris, purrez les justisier.

\*2

Ceo otreia Saint Thomas senz decré e senz lei  
pur le rei refrener de ire e desrei.  
mes nul des sainz nel uolt, ne ieo pas ne l'otrei;  
cument nuls eueskes à clerc tolir ne uei  
5 le sacrement k'il deit à deu, celestien rei.

Par la prieire Helie fist deu pluie chair  
sur terre, ke deueit ne pur souffrant perir:  
car quarante dous meis ne pot gute sentir.  
mes tant poist puis les prophetes flechir  
10 k'il poist cele pluie de la terre partir.

Mult poez bien ueer, mal conseil ot li reis.  
    il ne dust fere à clerc n' à iglise defeis,  
    ne tolir rien del lür, mes mettre i dur acreis.  
    de l'iglise prent il la corone e les leis.

15 mes deus l'ament, ki est uns en persones treis.

    Bien est aparissant, Saint Thomas aueit dreit,  
    ki pur les clers surpris einsi se combateit.  
    pur amur deu le fist, si cum feire deueit.  
    deus li ad bien rendu, ki nullui ne deceit.

20 desdire nel pot nuls: car tut li munz le ueit.

    Tut li mund curt à lui, eueske e abé,  
    e gentil e uilain, e li prince chasé.  
    e nuls nès en sumunt: ainz i uont de lur gré.  
    mult s'i haste d'aler ki ainc n'i a esté.

25 nis li petit enfant i sunt em berz porté.

b      Li muet i parolent, li surt i unt l'oie,  
    e de lepre i guarissent maint e d'ydropsie.  
    li contreit i redrecent, li mort en unt la uie,  
    li auogle i alument. Seint Thomas les aie,

5 celui ki par bon quer le requiert e deprie.

    Mes merueille ueums, e si est ueirs prueuz.  
    de l'eue ù sunt lauez ses dras ensanglentez,  
    dedenz l'ume e defors sane les enfertez.  
    par beiure e par lauer mil en i ad sauez,  
10 e plusurs morz i ad par ceo resuscitez.

    Reis e cundes e ducs, poi les ueum saintir.  
    deus les refuse mult: car nel uolent suffrir.  
    cuueitise les fait suuent del dreit guenchir.  
    ne funt rien se ceo nun que lur uient à plaisir.  
15 leis funt à lur talent, n'unt pour de morir.

    Les reis n'eslist pas deus ne ne choisist ne prent,  
    ne les ducs, ne les haltes persones ensement.  
    mes chescun ki deu crient e uit lealment,  
    u il seit de bas lin u de halte gent,  
20 deus les eshalce e munte, à ki seruir entent.

Saul, ki des Geius fu reis premierement,  
 de basse gent fu nez: deu l'eslist ueirement.  
 sur les enemis deu cheualcha lungement,  
 tant qu'il trespasa le deu comandement,  
 25 e tut pur coueitise: deus em prist uengement.

\*3 Deus relist en sun liu Dauid le fiz Jessé,  
 un rus uadlet berchier, d'asez basse gent né.  
 le prophete l'enuinst; reis fu tut sun eé,  
 mult vassals e senez e de grant poesté;  
 5 humlement amenda quant oi meserré.

Fols est ki en pechié uolt lungement gesir:  
 mes à deu crit merci, ne se lest endormir.  
 ben pot l'um par pechié sa uie dauancir;  
 e meint est si surpris, ne pot la buche ourir  
 10 n'à prueire parler, quant uient al morir.

Les umles aime deus, les pources ensement:  
 car de lur trauail uiuent, tut dis sunt en turment,  
 e aiment seint iglise e clers e poure gent,  
 e dreites dismes donent, e uiuent nettement.  
 15 itels eshalcerà deus parmanablement.

Pieres e Andreus furent frere frarur.  
 à batel e à reiz esteient pescheur,  
 quant deus les apela de cel poure labur.  
 puis furent mis en croiz e mort pur sue amur.  
 20 apostre sunt el ciel e glorijs seignur.

Pur ceo uus comencai à traiter cest sermon  
 del martyr Saint Thomas, cel glorijs baron,  
 ki tuit li munz requiert à la seinte maison  
 de seinte ternité, à suffri passion,  
 25 par ceo que il maintint uerité e raison.

b Ohi maleuré, pur quei l'auiez ocis,  
 cel seintisme arceneske? n'i auez rien conquis.  
 il n'auait rien mesfet. trop i auez mespris.  
 car uus repentez tost. uolez en estre pris  
 5 amender auez se neuiez tuz dis.

Pur le pudlent de cors l'aume perdre uolez,  
ainz que mot en saciez, qui ert mort e alez.  
la glorie d'icest mund n'est pas fiv n'eritez:  
u uus uoliez u nun, tute la guerpirez.

10 uers deu ne uus guarra chastel ne fermetez.

Li plus deus e li ueir ot Saint Thomas mult chier.  
ocis fu en bel liu e en le saint mustier.  
si l'ocistrent baron e uassal cheualier.  
là perdirent lur pris, n'i poent repairier.

15 bien les pot Saint Thomas uers deu amaisier.

Nul pechiere ne pot faire pechié si ord,  
si tost cum s'en repent e del tut s'en resort,  
ke deus ne li pardoinst e ke il nel cumfort:  
kar pur ceo suffri deu pur pecheurs la mort,  
20 quant se prendront à li, k'il les maint à bon port.

Si uolez esculter la uie al saint martyr,  
ci la purrez par mei plenierement oir.  
n'i uoil rien trespasser, ne rien n'i uoil aotir.  
quatre anz i ai pres mis al feire e al furnir;

25 d'oster et de remettre poi la peine souffrir.

\*4 Primes traitai ieo, e suuent i menti.  
à Cantorbire alai, la uerité oi.  
des amis Saint Thomas la uerité cuilli,  
e de ces ki l'aucient de s'enfance serui.

5 d'oster et de remettre le trauail en suffri.

Mes cel premier romanz m'unt escriuein emblé,  
anceis que ie l'ousse parfet e amendé  
e l'amer e le dulz adulci e tempré;  
e là ù l'oi trop mis, ne l'oi uncore osté,

10 ne le plus ne le mains ne res ne aiusté.

Par liuz est mencungiers e senz pleneireté,  
e nepurquant i a le plus de uerité,  
e meint riche umme l'unt cunquis et achaté.  
mes cil en deiuent estre ki l'emblerent blasmé.

15 mes cestui ai del tut amendé e finé.

- Tut cil autre romanz k'unt fait del martyr  
 clerc u lai, muine u dame, mult les oi mentir;  
 ne le ueir ne le plain ne les i oi furnir.  
 mes ci purrez le ueir e tut le plain oir:  
 20 n'istrai de uerité pur perde ne pur murir.
- SAINT THOMAS l'arceueske, dunt precher m'oez,  
 en Lundres la cité fu pur ueir engendrez,  
 des barons de la cit estraiz e aleuez.  
 e Gilebert Beket fu sis pere apelez,  
 25 e sa mere Mahalt. de neite gent fu nez.
- b* Quant la dame concut primes l'enfant, sunga  
 ke l'eue de Tamise tut en sun sain entra.  
 uns mestres li espuns, ke ele le mustra.  
 "mult pueples" fist li il "cist eirs guuernerà."  
 5 sulunc mei uiues eues en sun uentre porta.
- Un altre mult bel sunge li raueit deus mustré.  
 uis li fu k'ele uint à seinte ternité.  
 quant uolt entrer en l'us, si ot le uentre enflé  
 k'ele n'i pot entrer. uis m'est en uerité,  
 10 tute Syon ne pot cumprendre sa bunté.
- Un autre feiz sunga, quant dut auer enfant,  
 les duze granz esteiles del ciel en sun deuant  
 chairent ici à signifiance grant:  
 car les duze lignees li uont tutes clinant,  
 15 e il ert un des duze ki les serunt iugant.
- Après ceo k'ot enfant, ra la dame sungié  
 k'em berz giseit li emfes descuuert. grant pitié  
 en ad la dame ou. la nurrice ad preié  
 k'ele cueure l'enfant. ele li respundié  
 20 k'il esteit bien couert d'un grant palie pleié.
- Li palies ert uermeilz. ambedui se leuerent,  
 al palie depleier durement se hasterent.  
 la chambre fu petite: en la maisun entrèrent.  
 mes trop refu estreite: en la rue en alerent.  
 25 trop fud estreite asez: à Smethefeld turnerent.

\*5       Uncore fu Smethefeld de cel palie mult mendre.  
une voiz unt oie de sur eles descendre;  
dit que tut Engleterre ne purreit pas cumprendre  
la grandur de cel palie. mult poum bien entendre.

5   li sanc al seint se deit par tut le mund estendre.

D'escole fu mis asez de juefne eé,  
e apres à gramaire, quant saltier ot finé,  
e en apres as arz, quant alkes ot chanté.  
durement aperneit, e mult se aueit pené:  
10 mes n'aveit pas lung tens les escoles hanté.

Car en la maisun sun pere se soleit osteler  
Richier de l'Egle. od lui soleit Thomas aler  
en bois e en riuere, e od li conuerser.  
bien demian ensemble, si cum i'oi cunter.

15 dunc cumenca mult chiens e oiseals à amer.

Od lui ala un iur li enfes en riuere;  
d'oiseals uolt aprendre les gez e la maniere.  
uindrent à un grant duit: n'i ot punt ne charriere,  
fors une planche à passa cele gent pouniere.

20 li ber ala deuant, e li enfes deriere.

Par desus la planche est li cheualiers passez;  
Thomas ala apres tut enchaperonez.  
mes à sun cheual est un des piés eschapez;  
il e li cheual est enz el duit reuersez.

25 il ad uoidié la sele, à ual esteit flotez.

b       De iuste la planche ot un mulin molant.  
de grant rauine ala. Thomas uint là flotant.  
quant il dut en la roe chair, le chief deuant,  
li molniers aueit mulu, mist la closture atant.

5 si guari deus de mort à cele feiz l'emfant.

Car deus le uolt pur ceo garder e garantir  
k'il deueit par li si granz biens acomplir.  
les alkans sueffre deus à uiure e à guarir.  
pur ceo que mult grant mals deit par els auenir;  
10 e li alquanz redeiuent mult grant biens acomplir.

Bien ot uint e un anz, u plus sulunc recort,  
 quant d'escole parti par mesestance fort.  
 saie li failli; mult ot petit confort:  
 car sis pere e sa mere enfundrerent al gort;  
 15 dunc unkes puis ne porent resurdre à lur dreit port.

Mes sis pere ot esté mult riches hum iadis,  
 sa mere bele dame e de cors e de uis;  
 e de bones genz furent, e orent mult conquis:  
 mes arsun les ot mult e destruit e aquis.  
 20 tant furent souent ars que mult se orent pres pris.

A un sun parent uint, à un riche hume Lundreis,  
 à Osbern dit Deniers <sup>(1)</sup>, kil retint de maneis.  
 mult esteit coneuz e de Francs e de Engleis.  
 puis fu sis escriuains, ne sai dous anz u treis.  
 25 dunc comenca à estre e senez <sup>(2)</sup> e curteis.

\*6 Mas tant ala Thomas e à munt e à ual  
 k' à l'arceueske uint par un sun mareschal,  
 ki soleit repairer chiés sun pere à l'ostal.  
 mult bel i uint à dras e mult bien à cheual,  
 5 e adiutur i ot le rei espirital.

Thomas fu uedziez, e deus mult l'auanca  
 en sens e en conseilz, e iur e nuit ueilla.  
 de servir sun seignur, quan que pot <sup>(3)</sup>, se pena.  
 de sun conseil partut durement s'aprisma,  
 10 tant que li arceueskes suuent l'i apela.

Rogiers del Punt-l'eueske enuie li porta,  
 e par lui e par altres, quan qu'il pot, l'esluina,  
 e le clerc Baille-Hache plusurs feiz le numa.  
 cil ot issi à num ki à curt l'amena.  
 15 mes Thomas fu ueziez, e sil suruezia.

<sup>(1)</sup> dit Deniers] Witdeniers *Ms. de la Bibliothèque Royale, supplément français, no. 2489, angeführt von Le Roux de Lincy.*

<sup>(2)</sup> e senez] enseinez *id. ms. R.*

<sup>(3)</sup> quan que pot] quant k'il sout *id.*



L'arceueske Tiedbalz à Rome l'a mené;  
puis i est il suuent en sun message alé.  
mes iluec e partut le serui si à gré  
ke l'arceueskes l'a pres de sei aiusté  
20 e sun priué conseil partut abandoné.

L'arceueske Willame d'Everwic deuia.  
l'arceueske Tiedbald, ki mult se trauailla,  
à sun arcediacne cel honur pourchaca,  
Rogier del Punt-l'eueske, k'il i mist e sacra.  
25 l'arcediacné à Thomas sun clerc dona.

b De Berueli li ad purquis li prouosté,  
e rentes e iglises en plusurs lius doné;  
kar une n'i troua hume kil seruist si à gré.  
deus li duna our, ki l'auait aspiré.  
5 tut dis trest à honur, à sen e à bunté.

Chiens e oisels ama e deduit seculer.  
mult fu larges e proz, de uif sen e de cler.  
mes pas ne refusa s'um li uoleit doner,  
cum li autre qui poent e nuire e amender  
10 e ki uolent al mund par lur auer munter.  
L'arceueske Tiedbald ne l'ad ublié mie.  
al secund rei Henri met Thomas e alie,  
ki duné li a lués sa chancelerie.  
einsi li crut honurs ades e manantie.

15 mes le seruisse al rei en nul liu n'entroblié.

Le rei de quan qu'il pot serui volentiers.  
en pensé e en fet li fu del tut entiers.  
can k'il pot auer de or e de deniers,  
or e dras e cheuals, duna as cheualiers.  
20 mult ert humbles de quer e de uis mult fiers.

As poures huemles ert, as halz de fier reguart.  
aigneals esteit dedenz, defors esteit lupart.  
del rei seruir à gré ne targa tempre u tart.  
mes quel qu'il fust dehors, n'i ot puint de mal art.  
25 à deu guardot ades la dedenzeine part.

\*7       Ja seit ceo que il fust e orguillus e uains,  
           en cures seculers e en semblant forains,  
           chastes ert de sun cors e en esprit sains;  
           e ia seit ceo que il fust el seruise al rei plains,  
 5   de seint iglise fu tant cum pot destremains.

          En cel contemple fu en Estafforde-scire  
           li secund rei Henris, ki d'Engleterre ert sire,  
           e amot une dame la gencur de l'empire.  
           Anice de Stafford ot num: ceo oi dire.

10   mes de part le rei uit ia <sup>(1)</sup> l'amur defire.

          De part le rei ert ja li fous amenuisiez.  
           la dame en fu dolente, k'auet li rei mult chiers.  
           à Wedestoke ert dunc Thomas li chanceliers.  
           la dame li tramist suuent ses messagiers.

15   mal i quida li ostes, ki esteit mult legiers.

          Chiés Viuien le clerc fu Thomas herbergiez.  
           quant ses liz fu la nuit mult bel apareilliez  
           d'une cuilte de palie, de chiers dras e dulgiez,  
           quida cil que il fust od la dame culchiez.

20   k'ele fust là uenue, n'en esteit <sup>(2)</sup> acuintiez.

          Quant il sot que li ber poust estre endormiz  
           e tuz ses bons oust de la dame acompliz,  
           se mesfesist al rei, de ceo uoleit estre fiz.  
           od sa lanterne uint dreit là ù fu li liz.

25   quant ne l'i ot troué, mult esteit esbaiz:

6       Car de tut le liz n'iert un des dras remuez  
           de issi cum il ot le seir esté tart aturnez.  
           dunc quida que il fust à cele dame alez.  
           mist la chandeile auant pur plus estre acertez.

5   lez le lit à la tere iut Thomas li senez <sup>(3)</sup>.

---

<sup>(1)</sup> ia] cele *ms. de la B. R.*

<sup>(2)</sup> n'en esteit] il li ert *id.*

<sup>(3)</sup> Thomas li senez] li beneurez *id.*

Cuvert ert d'un mantel d'un menu haubergié,  
e descuvert li erent les iambes e le pié.  
en ureisuns aueit sun cors mult trauaillié.  
de dreite lasseté s'a à la tere culchié.  
10 li dormi fermement pur ceo k'ot tant ueillié.

Le (¹) plus crut e munta Thomas seculerment,  
plus fu umles de quer, que qu'il fust à la gent.  
pur le rei mesfeseit en plusurs lius suuent:  
mes uers deu l'amendeit les nuiz priueement.  
15 pur ceo ad deus tant ouré sur le bon fundement.

Mult par esteit beals clers, e menot grant boban.  
li riches reis Henris, ki del mund a grant pan,  
n'en menot pas greinur: nel tenez à engan.  
ne plus uezié hume ne uerrez uus v an.  
20 el seruise le rei suffri maint grant ahan.

De cheualiers uassals grant maisnie teneit,  
e duns e liureisuns richement lur duneit.  
cotereals e archiers e sergans reteneit;  
forueier (²) les menot, et grantment mesfeseit.  
25 les enemis le rei mult durement greueit.

\*8 Par assalt prist chasteals motes e fermetez,  
e burcs e uiles arst, e assailli citez.  
sur sun destrier ert del bon hauberc armez,  
tant qu'il en fu suuent mult durement greuez.  
5 pur saetes le fist, k'il ne fust naurez.

En Guascoine fu il lung tens pur guerrier:  
as Guascoinz i cuujnt de lur chasteals leissier.  
en Normendie rot sun seignur grant mestier,  
e ieo l ui sur Franceis plusurs feiz cheualchier.  
10 de ses bosines (³) fist le rei mult auancier.

---

(¹) Le] cum *ms. R.*

(²) forueier] forferre *id.*

(³) bosines] buesnignes *id.*

Li siecles est malueis: bien le poez ueeir;  
 e ke plus a li hum, meins atent al saueir,  
 e ke plus pot al mund, uers deu pot meins ualeir.  
 car dunc ublie e met deu à nun chaleir.

15 le mund uolt embracier: li munz uolt li aueir.

Li malfez estre ideo ne fine de guaitier  
 le cristien tut dis k'il le pusse enginnier;  
 e que meilur le uit prudume e almodnier,  
 tant se peine il plus k'il le face pechier,  
 20 qu'il le puisse od sei en enfern trebuchier.

Cist Thomas, dunt paroïl, ki dunc fu si puissanz,  
 ainz k'il fust chanceliers n'esteit pas mesfaisanz;  
 simples esteit à tuz, as petiz e as granz.  
 or ert pur sun segnur durement empernanz,  
 25 e partut se penot k'il li fust plaisanz.

*b* Le chancelier serueit le rei tut à sun gré,  
 e quan qu'il feseit, li ert à uolenté.  
 il saueit sun conseil tres tut le plus segré;  
 par sun conseil errot: ne li ert rien celé.  
 5 nul hume à cel contemple n'a li reis plus amé.

Enis li bailla il Henri sun fil l'ainz né,  
 e k'il presist de tuz les barons feelté;  
 e s'il i oust nul si hardi u osé  
 ki nel uolsist faire de tres tut le regné,  
 10 errament l'asegast: ceo li ad comandé.

En nul liu nel poeit li reis suruezier.  
 quant li reis se pleineit de riche cheualier,  
 de cunte u de baron, dunt se uolsist uengier,  
 en nul liu ne s'aparcut li reis del chancelier  
 15 k'il uolsist celui uers le rei rien aidier.

"A il issi" fet il "uers uus dunc meserré?  
 certes mult fu hardis s'ainc li uint em pensé.  
 u il est riches huem u de grant poesté,  
 u mult uus a serui, e bien ert amendé.  
 20 or couient à suffrir, k'en saciez la uerté."

Mes quant l'arceueske Tedbalt fu deviez,  
al chancelier qui si esteit del rei priuez,  
greanté li fu dunc del rei la dignitez:  
car el regné ne sot nul clerc de sa buntez,

25 e quida k'il sewist partut ses volentez.

\*9 En Normendie esteit idunc li reis Henris,  
e Thomas altresi, qui quereit los e pris.  
les meilurs cheualiers tint od sei del pais,  
e guerrea le rei de France Loewis.

5 de bien servir le rei s'esteit mult entremis.

En tut le regné n'ot ne si halt ne si fier  
k'il ne poust, s'il uolsist, bien nuire u aidier.  
ki ke uenist al rei, de quei que oust mestier,  
errament l'enveast ariere al chancelier.

10 quan qu'il fist e desfist, tut uoleit ostreier.

E tres tute Engleterre e tute Normendie,  
autres teres asez aueit en sa baillie;  
e quan que il feseit, ne desplot al rei mie.  
od sei meneit ades mult grant cheualerie.

15 al rei fist de sa guere mult suuent grant aie.

En la terre n'aveit plus large uiandier.  
ades uindrent à lui baron e cheualier,  
putein e lecheur, à beüre e à mangier.  
ses ostels fist suuent l'ostel le rei uoidier,

20 tant que li reis se prist uers lui à curecier.

Quant fu arcediacnes prouoz e chanceliers,  
uedues e orphanins e poures aueit chiers.  
mes asise ne sot serganz ne cheualiers,  
mes tut ades le pot e fist bien uolentiers.

25 e cum plus fu halz iorz, tant fu il plus pleniens.

b En Engleterre l'a li reis dunc enueié;  
de tute ses bosoignes li a le fes chargié,  
e il l'en aueit mult à cel ure auancié:  
car il le cunut bien des le chief tresqu'al pié,

5 e partut se uoleit tenir à sãmistié.

Dunc enueia li reis à seinte ternité  
 treis eueskes, ki forent mult de sa uolenté,  
 e Ricard de Luci, un barun mult sené.  
 dunc sunt od le couent dedenz capitre entré,  
 10 e Ricard de Luci ad pur els tuz parlé.

"Li reis Henris" fet il "que tenum à segnur,  
 al couent ad mandé par nus e al priur.  
 ceste iglise a esté lungement sen pastur:  
 or uolt li reis qu'aiez pere e guerneur.  
 15 mes à uostre pru uolt k'il seit e à sônur."

"E deus nus doinst" funt il "pastur à sun plaisir,  
 ki puisse seint iglise e nus bien maintenir.  
 beneiz seit li reis, k'il le nus uolt suffrir,  
 ke nus poum pastur à l'iglise choisir."  
 20 "uoz dreiz" funt li eueskes "ne uus uolt il tolr.

Mes or uus conuendreit mult bon conseil aueir,  
 ke uus eslisez tel ki uus puisse ualeir  
 partut enuers le rei: car bien poez saueir,  
 se uus eslisez nul encontre sun uoleir,  
 25 uostre iglise purra en grant perte chaeir.

\*10 Kar pas ne sãmistié à nul ior n'auriez;  
 en cisme e en discord tutz dis mes seriez.  
 ne uus n'aez mestier k'il seit uers uus iriez.  
 mes se un k'il mult amast eslire puriez,  
 5 de tutes uos bosignes el desus seriez."

Dunc en unt li couenz à lur conseil parlé.  
 l'eueske de Cicestre unt à els apelé,  
 e celui d'Execestre n'unt il pas seuré,  
 e Ricard, ki tint d'els e fu e herité,  
 10 k'il conseillent l'iglise de seinte ternité.

A lur dreit escient lur unt le mielz loé.  
 or unt tant le conseil estreit demené  
 k'à ceo se sentent tuit, li juefne e li sené,  
 ke Thomas eslirrunt à cele dignité.  
 15 à cel conseil se sunt li baron acordé.

Bien quident que li reis se uoldra assentir.  
ne plus oneste clerc ne porent nul choisir,  
ne ki mielz fust del rei; e s'il funt sun plaisir;  
ne nul ki mielz poust lur iglise auancir:  
20 mult en purra grant pru à l'iglise auenir.

Or unt li moine ainsi fermement greanté,  
e li baron s'en uont à Lundres la cité.  
tut le barnage i unt del pais assemblé.  
plenierement i furent eueske e abé,  
25 e li priurs i fu de seinte ternité.

b Là unt eslit Thomas e pris à auoé,  
tut senz nul contredit de lai u de letré,  
fors de celui de Hereford, kîn ad un poi grucié.  
"car de seint iglise ad persecuturs esté,"  
5 ceo dit: "à mult grant tort aureit la dignité."

Li memes l'auait cuntr' els tuz contredit.  
"n'est pas dignes" ceo dit "d'auoir si halt abit.  
destruit ad seint iglise, sa lei mis en despit  
e ades parsewi. à tort li unt eslit."  
10 od lermes en requiert e delai e respit.  
"Fiz, si seras" ceo dit l'eueske de Wincestre.

"si puruers as estés al seruise terrestre,  
mielz e plus uolentiers serf le rei celestre.  
tu fus lous as ueiles: or seez pastur e prestre.  
15 de Saul persecutur Pols seras e deit estre."

Dunc l'unt à arceueske à grant ioie leué.  
quant tut li clergie l'a eslit e apelé,  
li reis auait purquant as iustises mandé  
e al clergie par brief (mes ne l'unt pas mustré)  
20 k'en respit le mesissent. pur ceo se sunt hasté.

Ne sai purquei li reis s'en uolt si tost retraire.  
bien entendî, ceo crei, tut changot sun afaire,  
ne mes sa uolenté ne purreit de li faire;  
ne les dreiz seint iglise ne lerreit pas detraire.  
25 mes tut ceo que deus uolt ne pot nuls hum desfaire.

\*11

Pur ceo que li reis uit bien e entendi  
 k'il l'aveit lealment e partut bien serui,  
 ne trouereit iames kil seruist altresì,  
 or li pesot k'il ot sun seruisse guerpi.

5 mes il fu présenté al fiz le rei Henri.

Li reis li aveit ia le realme duné,  
 ke qu'auenist de lui, k'il fust à seurté.  
 les humages ot priz de tuz e feelté.  
 par brief ot li reis as justises mandé  
 10 que quan qu'il fereient il lur ot greanté.

Presenté ot pur ceo l'enfant l'election,  
 e à ces que li reis en aveit fet le dun,  
 assens li unt duné e lur cumfermeisun.  
 l'eueske de Wincestre, ki mult sot de raisun,  
 15 ne uoleit k'il fussent pris à achaisun.

L'emfant e les barons aveit araisonez.  
 "seignur" fet il, "à mei un petit m'entendez.  
 cist a esté baillius le rei e ses priuez,  
 e nus l'auom eslit, e uus le greantez.  
 20 or uolum que del tut quite le nus clamez.

Del pais a esté e baillius e iustise;  
 les rentes le rei ot tutes à sun seruisse.  
 de rentes e d'acunes, de tute sergantise  
 e quite e franc del tut le demande siglise.  
 25 ke qu'auiege en auant, ne seit em perte mise."

b

Les iustises le rei, ke il ot comandé,  
 ke quan qu'il fereient par li ert cumfermé,  
 e si fil ensement, l'en unt quite clamé  
 d'acunes e del tut; al clergié l'unt liuré.  
 5 dunc l'unt à arceueske à grant ioie leué.

N'i ot gueres de tens apres ceo trespasé  
 l'en Cantorbire l'unt à grant ioie mené  
 e à mult grant honur receu e sacré.  
 mes n'a pas erramment sun abit remué:  
 10 par l'abit uolt courir ceo qu'al cuer ot planté.



E li seignur en unt suuent entr'els grucié,  
k'il entrot enz el quer sa cote par sun pié;  
ne sorent qu'en sun cuer ot deus edifié.  
uns ki priué li fu, l'en auent chastié.

15 un sunge li conta, k'un moine ot sungé.

Deus s'aparut al moine, e dist li en dormant  
"ua tost al chancelier; di li que ieo li mant,  
prenge abit monial, ne uoist mie targant.  
e s'il nel fet, tut dis l'irai contraliant,

20 e mal li auendra ades à sun uiuant."

Quant l'arceueske l'ot, un ris li ad ieté:  
partie li mustra de ceo que out pensé.  
mes à deu sulement ad sun cuer demustré,  
ki l'ot, ainz k'il fust nez, eslit e apelé:

25 car tut ert ia changié de ceo que ot esté.

\*12

Li moine li diseient, quant il esteit lur mestre  
e lur dux e lur pere, lur abé deveit estre.  
quant ert l'abés, l'abit en dut auer e l'estre.  
à ceo qu'ert apelé, à ceo deveit reuestre;

5 e la diuine honors refuse abit terestre.

Nel uoleient suffrir li seculer chanoine  
l'arceueske u eueske oust abit de moine.  
à moine est, cume à mort, donée neire bruine,  
ne lur robe n'est pas à nul prelat ahuine.

10 e il unt de lur raisun asez grant testimonie.

Li clerc que od lui esteient li rediseient al,  
ke s'oust esté moines e fust enz en cel estal,  
guerpireit il la uie e l'ordre monial.  
quant od les clers commerse, robe aura cumunal,

15 ne tendra cume moines poesté eueskal.

Par tels raisuns esteit de tres parz angussiez.  
mes à un prudume s'en esteit conseiliez,  
li priurs d'Alnewiz. cil li ad dras tailliez.  
les regulers a pris, les seculers laissiez.

20 chanoine fu defors, mes dedenz fu chargiez.

H 2

Trop grant religiun ne uolt defors mustrer,  
mes les dous ordres uolt en un sul cors porter.  
la cuule ot suz les dras: cel ordre uolt celer;  
de pans e de manches l'auait fait escurter.

25 la haire ot à la char pur sun cors plus greuer.

6 Ne uolt le muniage k'il ne preist laisser,  
u pur la uisiun que deus li fist mustrer,  
u pur ceo que nul d'els nel pot unkes flechir  
ke seculer uolsist cel honur embracier:

5 car dous en i fist deus malement trebuchier.

Stigant fist l'apostoile de sun sié deposer,  
en prisiun e en chartre de mesaise finer.  
es munz de Mungiu fist deus Elfsi deuier,  
sa iument fist ourir e ses piez enz geter.  
10 de freit murut en l'iwe: ainc n'i pot eschalfier.

Mes si tost cum il ot la dignité emprise,  
les mals murs a guerpi e seculer seruise.  
reddement guuerna e clers e saint iglise,  
tint preste de ferir l'espee de iustise.

15 ne lessa pur pour ne pur grant couertise.

Tut ceo que dut amer, bien maintint e ama,  
e ceo que dut hair, guerpi e esluingna.  
al seruise le rei cuntre deu n'aprisma.  
les pources reuesti e pot e guuerna.

20 de damnadeu seruir quan que pot se pena.

Mes l'abé d'Euesham auait dunkes mandé,  
dan Adam de Saint Liz, prudume e renumé;  
ke pur sun pal alast li auait comandé.  
dui bon clerc e uns moines i sunt od li alé,

25 e pape Alisandre unt à Munpelier troué.

\*13 Bon clerc furent des arz, de decrez e de lei.  
sa peticiun fist des tres chescon par sei,  
e mult parlerent bien e clergilment tut trei.  
e Alisandre pape les oi bien, ceo crei,  
5 mes il ne lur fist pas del palliun l'otrei.

Il en sunt plusurs feiz as cardunals alé.  
li cardunal lur orent suuent demandé  
k'il orent à l'apostoile e à els aporté;  
k'il esteient de Rome dechacié e buté;  
10 n'aeient de lur rentes un denier muneé.

Li messagier lur unt tut ades respundu  
k'il de luntein pais esteient là uenu;  
ceo que orent aporté orent pres dependu.  
le palle requereient saintement e à nu:  
15 ia pur simonials ne sereient tenu.

Unc ne porent plus prendre pur tut lur demander.  
mes quant li abés uit k'il ot liu de parler,  
e uit les cardunals entur la pape ester,  
sa requeste mult bel cumenca à mustrer.  
20 mes n'i uolt mot de lei ne de decré soner.

"Sire" fet il, "ceo dit deus ki ert ueritez.  
uus l'afermez partut, quant en sun liu seez.  
demandez iustement, fet deus, e uus l'aurez;  
querez le seintement, e uus le trouerez.  
25 li uis uus ert ouerz, s'al uerrai us butez.

b Mult sumes trauaillié, e mult de luinz uenum.  
ceo que uolum auer, saintement demandum.  
ici deuom trouer ceo que uus querum.  
uus nus ourez les us: dignement i butum.  
5 uus estes el liu deu: deu en uos trouerum."

Dunc li dist l'apostoille, quant il ot finé,  
"fratre, tu prendras ci ceo que as demandé.  
tu l'as quis iustement, e tu l'auras troué.  
nus te ouerum l'uis: car tu i as buté."  
10 dunc auait hum auant le palliun porté.

Le palliun lur a l'apostoile chargié.  
cil se sunt od tut ariere repairié.  
einsi i uint Thomas senz dun e senz pechié;  
ni ad pur ceo denier ne or ne argent baillié.  
15 essample i deiuent prendre li successur del sié.

Mult par est deus uaillanz, forz e de grant bunté,  
 quant il le cuer de hume a ainsi tost turné:  
 car il n'a suz ciel rei de si grant poesté,  
 ki puisse pas turner le quer ne le pensé  
 20 de nul hume sus ciel ultre sa uolenté.

Mes deus l'ad tost turné, quant li plect e il uolt;  
 e tost li fait hair ceo que plus amer solt.  
 del malueis le fet bon, entre les bons l'acolt.  
 cil se repent forment, de ses mesfaiz se dolt.  
 25 itele penitence deuant deu suet olt.

\*14 Pur ceo ne se deit pas clerc ne lai merueillier,  
 ne folement tenir deu pur nun dreiturier,  
 s'alquant uolt de pechié retraire e redrecier,  
 e se les alquanz lest murir e trebuchier.

5 le felon n'aime pas, mes le bon umme a chier.

Ne het pas deus les humes, mais il het lur folie,  
 e cunuist bien lur quers e tres tute lur uie;  
 set bien ki sera feniz en felonie,  
 e ki en bone fin. à cestui deus aie,  
 10 si tost cum se repent e mal oure guerpie.

Deus cunuist tres tuz cels ki serunt salué:  
 cil sunt tant sulement à uie destiné.  
 e deus conuist bien cels ki serunt dampné,  
 nès uolt pas rapeler de lur iniquité:

15 purueu sunt à mort; car mal erent finé.

Cil ki sunt à dampner, purueu sunt à mort:  
 de lur dampnatiun n'i a mes nul resort;  
 e si deus les saluot, à deable fereit tort.  
 en pechié finerunt, ne purrunt prendre port.  
 20 là dunt nuls ne resurt, charrunt al pudlent gort.

Deus n'esforce nullui de fere bien u mal.  
 à chescun a duné franche force e igal,  
 ke chescun en pot fere, s'il uolt, u bien u al.  
 celui salue deus e aime que il troue leal,  
 25 e celui het e damne k'il troeue trop charnal.

*b* Quant l'egle a ses pulcins fez el ni escharpir,  
encontre le soleil lur fait les oilz ourir;  
e ki le rai ne pot esguarder ne souffrir,  
cel fet del ni à ual trebuchier e chair.

5 ki deus ne uolt amer, deus nel uolt pas nurrir.

Deus ad à tuz dunc sens e force e poeir;  
à chescun lest ourer tut sulunc sun uoleir.  
e quant hum pur mesfere met deu à nun chaleir  
e despent en pechié sa force e sun saueir,

10 uolez uus dunc iugier que deus le deit auer?

L'eschelguaite est là sus el pinnon de cest munt,  
ueit les larrons à ual, ki embuschié se sunt  
pur prendre les errantz ki par le chemin uont.  
cil les ueient tres bien, sauent k'il les prendront,

15 e tut à escient à els prendre se funt.

E quant nus nus uolum à escient damner,  
quidiez uus que nus uoile à force deus saluer?  
il est là sus el ciel noz oures esguarder.  
al iugement uendra e bons e mals prouer.

20 as malfez lerra tuz lur seruanz amer.

E se deus saluot nuls que à damner sunt,  
as altres fereit tort ki senz fin perirunt,  
s'à force en saluot e par dreit tut le munt.  
mes li bon e li mal dreit iugement auront,

25 e sulunc lur deserte merite receuront.

\*15 E se l'um uus demande pur quei al bien fereit  
ki serra perdu, quant pas nel guarireit,  
encuntre li respun certes k'il mescreit.

li plus malueis del mund guarir se purreit,

5 si guerpissoit le mal e à deu se perneit.

Deus nus apele tuz à sun regné, li pius,  
Sarazins e paens, Cristiens e Geius.

li uns est clerueanz, e li autres est cius.

poi suffist tel ia: li autre quiert grant fuis.

10 là ù chescun est pris, est apresté sis lius.

Sa femme aime li uns plus k'il ne fet sei.  
 pur creistre ses enfanz ublie deu le rei.  
 pur aueir purchacier enfrant suuent la lei  
 e plusur deserite; emblent, mentent lur fei,  
 15 e pariure e usure, del tut uit à bedlei.

De bien faire purquant ne se deit nul targier.  
 ein si se pot chescun de peine deschargier,  
 nis cil ki en enfern serunt sanz recourer:  
 li biens k'il aurent fet, les deit mult alegier.  
 20 purquant à sei saluer deit chescun trauailier.

Segnur, pur ceo uus di: lessez le mal ester;  
 ceo que auez mesfet, pensez de l'amender.  
 ne donnez en pechié. pensez uus de aprester:  
 quant deus uendra pur uus, od li pussez aler  
 25 e od lampes ardan en Pareis monter.

6 Se uus ne cremez deu, cremez enfern ki art,  
 à nuls ki entera n'en istra par nul art.  
 as bons humes pernez ki unt esté reguart,  
 e à meint pecheur que deus prist à sa part,  
 5 al bon martyr Thomas ki murut ore tart.

Asez auez oi k'il esteit iadis  
 mordanz cume lous quant l'ainel a surpris.  
 mult esteit mesfaisanz, e quereit los e pris.  
 or ert simples e dulz, despiseit uair e gris;  
 10 e que plus ama deus, tant fu il del rei pis.

Car si tost cum il fu sacrez à cel honur,  
 de la parole deu se fist preecheur,  
 e del tut entendi al suuerain seignur.  
 ne sai se pur ceo l'a li reis pris en haur:  
 15 mes de l'ore en auant l'esluina de sàmur.

Le premier maltalent uus sai ieo bien mustrer:  
 car al rei enueia maistre Ærnulph ultre mer;  
 sun seel li rendeit. ceo li manda li ber.  
 dunc se prist durement li reis à emflamber.  
 20 "pur les olz deu" fet il "nel uoldra mes garder?

Ja n'a il (¹) lettres e cungié," fet il "pleneirement,  
k'il pot estre arceueske, chancelier ensement?"  
"ne l'iert" fet mestre Ærnulph, "à estrus le uus rent:  
car mult est il chargié de ceo que à lui apent."

25 "n'a suin de mun seruise," fet li reis, "bien le sent."

\*16

A Wedestoke fu la secunde ire esprise,  
par quei li reis uers lui en grant ire s'atise:  
car en Engleterre a une custume asise  
que l'aie al uescunté est par les cuntez prise,  
5 si est par double solt par les hydes asise.

Li baron del pais le soleient duner  
à ces ki furent mis pur les cuntez garder,  
k'il deussent lur teres e lur humes tenser,  
ne que nul n'en deussent empleidier ne greuer.  
10 or les uoleit li reis à sa rente aturner.

"Sire" fet l'arceueske, "nès deuez pas saisir;  
à rente nès poez aturner n'establi:  
car nus n'en durrum pas, se nus uient à pleisir.  
mes tant nus poent bel li uescunte seruir

15 ke nus de lur aie ne lur deuom faillir."

"Par les olz deu" fet il, "tuz erent enrollé,  
e uus en deuez bien fere ma uolenté:  
car des uos fera um quan que nus ert à gré."

"par les olz" fet li il "que uus auez iuré,

20 ia n'en i aura un de ma tere duné."

E à Lundres rot puis une mellee fort,  
d'un chanuine ki fu manant à Bedefort,  
Philippe de Broi, ki reté ert à tort  
d'un cheualier k'il dut auer ocis e mort.

25 li reis le uoleit mettre al nun repairant port.

b

Pur ceo di c'um l'aucit à grant tort trauaillié:  
car en la curt l'eueske ot lung tens plaidié,  
e tut si aduersarie l'en orent relaissié,

---

(¹) Ja n'a il] J'ai ms. de la B. R.

*Philos.-histor. Kl.* 1844.

e par lui s'en auait nepurquant espurgié.  
 5 or li ot la iustise le plait recomencié.

E Symon li fiz Pieres fu iustise del plait,  
 ki uolentiers l'oust, s'il poust, à mort treit.  
 Philippes s'enira: si li dist mult grant lait.  
 li reis dist qu'altre tant li auait cil mesfet,  
 10 cum s'à lui meisme oust cel dit u fait.

Cil ki ocistrent deu mesfirent plus griefment  
 que cil ki puis ocistrent seint Piere e seint Vincent.  
 mes li reis Henris dist idunkes sun talent;  
 iure k'il uolt auer del clerc sun iugement.

15 l'arceueske Thomas dedenz sa curt le prent,

E dit k'il le fera en sa curt adrecier.  
 uoile li reis u nun, là li estuet enueier  
 eueskes e barons pur le clerc emplaidier.  
 cumande sur lur olz k'il i ait dreit plenier.

20 de la mort l'empleiderent primes al cheualier.

Li clerc lur respondi que, sanz entrer em plait,  
 le murdre lur neot del tut, que ne l'ot fet.  
 e anceis ot à estre relessiez de cel ret,  
 e par espurgement l'en auait à chief trait;

25 n'en uolt entrer em plet n'en respons n'en retrait.

\*17

Dunc l'unt fet del mesdit respundre e plaidier.  
 li clerc fu gentil hume, ne uolt de rien neier,  
 et dit k'il est tut prest del mesfait adrecier  
 e uolentiers fera tut dreit al cheualier.

5 "quant el nie" funt il, "nus le couient iugier."

Jugent li que dous anz sa prouende lerra  
 e li reis entre tant les rentes em prendra;  
 à mustiers e à poures e à punz les durra,  
 e en altres almodnes, einsi cum le plerra.

10 or puet dire Philippes que riche almodnier a.

Estre iceo le iugerent k'il se despoillereit  
 deuant le cheualier, se suffrir le uoleit,  
 e ueant ses amis armes aportereit;



- à la lei del pais desus li iurereit;  
15 de cel mesfet de lui tel amende prendreit.  
E quant le iugement orent al rei mustré,  
il dist qu'il en aueit uers li trop meşerré:  
car pur ceo qu'il ert clers, l'aueient déporté.  
il uoleit k'il l'oussent tresqu'à la mort mené.  
20 mult dreit iugement orent, ceo respondent, formé.  
"Par les olz deu" fet il, "ia le me iurerez  
que uus cest iugement tut leal fet m'aez."  
"sire" funt li eueske, "ueez nus aprestez:  
mes Philippes est trop del iugement greuez."  
25 offrent le serement; dunc s'est li reis desuez.  
*b* Puis refist les prelaz tuz deuant sei uenir,  
e uolt k'il li pramettent garder e atenir  
les custumes del regne qu'il aueit à baillir,  
que ses aiols ot fet en sun regne establir.  
5 salf lur ordre, ceo dient, l'en volent obeir.  
Li reis uolt qu'il le facent salf lur ordre u nun,  
e dit que de cel mot n'i aura ia un sun.  
tuit li dient ensemble que senz saluation  
de l'ordre nel ferunt pur nul occasiun.  
10 idunc se prist uers il li reis à cuntencion,  
E dit que à nul sens nés en lerra guenchir:  
car al tens sun aiol le soleient tenir  
arceueske e eueske que l'um uit puis saintir.  
l'arceueske respunt "l'ordre ne uoil guerpir."  
15 de cel mot ne se uolent li eueske partir.  
Tuz les eueskes a li sainz à raisun mis.  
"ueez cum fort nus griene" fet il, "li reis **Henris**.  
uolt auer felons us à seint iglise asis.  
seint iglise est hunie, se i sunt establis.  
20 ne ieo puis pas sul contre tut le pais.  
Or uoil oir de uus ceo que chescun en sent."  
tut ensemble li dient, tienge fei fermement;  
od lui tendront partut. si li funt serement.

- Rogiers del Punt-l'eueske li pramet ensemment  
 25 k'il se tendra od lui, ne li faldra neient.
- \*18 L'eueske de Lisewis uint puis à Salesbere;  
 entre li e le rei ot un poi de ire amere.  
 tant a fet uers le rei ke l'amur i fu clere.  
 le rei duna conseil à deceueir sun frere.
- 5 de ueintre l'arceueske fu funteine e matere.  
 "Sire" fet il al rei, "se ueintre le uolez,  
 partie des eueskes à uostre part turnez.  
 tant cun tendrunt à li, iames nel materez."  
 Hylarie de Cicestre fu dunkes apelez:
- 10 tant fist li reis uers lui k'il remist ses priuez.  
 Rogier de Punt-l'eueske a puis à sei iusté,  
 l'eueske de Nichole à sun conseil turné.  
 à Colecestre fu: là li unt greanté,  
 ses custumes tendrunt; e il lur a uoé
- 15 que là cunte lur ordre ne sera mesparlé.  
 Puis uint à Tenham l'eueske de Cicestre:  
 à l'arceueske od sei le uoleit faire pestre.  
 dit qu'il seit bien od sun segnur terrestre,  
 ses custumes cumfermt; ses amis purra estre.
- 20 "ia ne m'i turnerez," ceo respunt li bon prestre.  
 "L'arceueske Rogier e uus en ad turnez  
 li reis à ceo ke uus ses leis li guarderez.  
 pur ceo m'i uolez mettre. ia ne m'i metrez."  
 "sire" fet il, "purquei? pur deu, car me mustrez
- 25 pur quei le uus leissiez e que uus i sentez."
- 6 "Li reis nus ad pramis que rien ne nus querra  
 que seit contre nostre ordre. s'il uolt, il le tendra.  
 e si bel ne li est, nul nel contredira.  
 mes ceo qu'auiez pramis, tenir uus estuura:  
 5 car uus estes si hume; tenir le uus fera."  
 A l'arceueske sunt à Hereges puis alé.  
 Robert de Meleon (einsi l'a hum numé),  
 ki ot de Herefort idunc la dignité,

le cunte a de Vendome Johan od sei mené:

10 l'arceueske Thomas l'aveit mult honoré.

E uns abés i uint, ki dunc uint d'ultre mer,

Philippe de l'almodne: einsi l'oi numer.

l'arceueske deueit e le rei acorder;

e la pape, ceo dit, l'aveit fet passer,

15 e ses lettres en ot fetes od sei porter.

A l'arceueske dit et iure en uerité

que Alisandre pape li ad par lui mandé

ke il s'acort al rei, face sa uolenté.

en peril de sun ordre li aveit bien loé,

20 e ad tut pris à sei, si ad rien meserré.

Les briefs as cardunals l'en aveit aportez,

e iure que li reis l'en ad aseurez

k'il ne quiert riens fors k'il seit onurez,

ueant tut sun barnage, quant il ert asemblez. ]

25 sulement de parole greant ses uolentez.

\*19

Ne ia cuntre sun ordre ne li ert demandé

custume à tenir ultre sa uolenté.

ne uolt estre uencu: mes greant li sun gré,

e tut li coruz erent d'ambes parz parduné.

5 li rei fera de lui tut seignur del regné.

E li reis l'aveit ainz sur tuz humes amé,

e il l'aveit serui par mult grant lealté.

tant l'aveit de paroles l'abés enchanté,

pur ceo k'il le uit de tel auctorité,

10 que tresqu'à Wedestoke l'aveit od sei mené.

Là li unt fet pramettre al rei e greanter

que ses custumes uolt en bone fei garder

e lealment: car mes n'en quide oir parler.

ce li respunt li reis "sel uolez agreer,

15 ueant tut mes barons le uus estuet mustrer.

Tuit unt oi coment m'auiez contralié;

e se uolez tenir qu'auiez couenancié,

fetes de uostre part asembler le clergié,

e ieo tuz mes barons: ia n'aura targié.

20 là dites, oiant tuz, kel m'avez otrié."

A Clarendune sunt li baron asemblé,  
e li eueske i furent od grant pleneireté.  
là uolt li reis k'il seit, oiant els tuz, mustré  
ceo ke li arceueske li auait greanté.

25 mes l'arceueske peise k'il ot tant trespasé.

b Mult fu dolent el cuer k'ot fet greanteison  
de custume tenir ki est contre raison,  
e mielz uolt uers le rei chair en acaison  
ke mettre seint iglise en tel cumfusion.

5 ne crient encuntre deu manace de prison.

Quant le rei nel pot ueintre, n'i ot que corecier.  
mes les ordenez deu manace à detrenchier;  
seint iglise uoldra, s'il poeit, trebuchier.  
ne se uolt l'arceueske de rien humilier,

10 pur chose dunt li reis le sace manacier.

Ne sai que li reis ot e li suen aturné:  
mes dreit à l'arceueske sunt dui eueske alé,  
le uns de Salesbire, que li reis ot en hé,  
e cil de Norewiz, k'il n'ot maint ior amé.

15 l'arceueske Thomas unt si araisuné.

"Sire" funt il, "pur deu aiez merci de uus,  
de tute seint iglise e des clers e de nus.  
car li reis est uers uus en si grant ire escus:  
se uus n'è fetes pais u' uers lui à estrus,

20 ceo saciez que nus iermes tut trei des chiés blus."

Pur ceo se n'est de rien l'arceuesque demis  
de ceo k'il ot anceis en son curage empris.  
dunc sunt à lui uenu dui cunte del pais,  
li cuens de Leircestre, ki de sens ot grant pris,

25 e cil de Cornuaille, ki ert al rei amis.

\*20

Dient li k'ait merci e de suen e de sei;  
de seint iglise prenge e de ses clers cunrei:  
car si cel iur ne fait la uolenté le rei,

de lur mains lur estuet faire si grant desrei,  
5 li reis e il en erent huni cun gent senz lei.  
Ainc pur si grant manace ne perdi sa uertu.  
dû frere d'ultre mer sunt dunc à lui uenu,  
dan Ricard de Hastings (maistre del temple fu)  
e Hostes autresi, ki mult ert coneu.

10 en lermes deuant li se sunt aresteu.

"Sire" funt il, "pur deu ki unkes ne menti,  
de tute seint iglise purquei n'avez merci?  
fetes la uolenté de tant le rei Henri,  
greantez ses custumes: dunc serez bon ami.  
15 seint iglise autrement e clers sunt mal bailli."

Bien erent aseur e del tut acerté,  
se il grante al rei ceo k'il ot demandé,  
ke li reis en fera tute sa uolenté,  
ne ia cuntre sun ordre n'en ert mes rien parlé.  
20 de ceo mettent en plege els e lur lealté.

Grantent li ke il seient en fin mort e dampné,  
se li reis quiert uers lui engin ne falseté:  
mes k'il li face honur, oiant tut son barné,  
de ceo dunt l'a desdit, qu'ore li seit granté.  
25 ne uolt estre uencu, ne li tort à uilté.

6 Or ueit li arceueske k'il l'unt tant agacié,  
ueit le rei e les suens forment prons en pechié,  
seint iglise en trebuch e lui e le clergié,  
e creit k'il aura ia del rei l'amistié.

5 cels ueit mult renumé ki l'unt conseillié.

"Seignur" fet il idunc, "uostre cunseil en crei.  
quant uus me le loez, sa uolenté otrei."  
dunc sunt il leué sus, e il pramet al rei,  
oiant tut son barnage. ceo dit en bone fei,  
10 e lealment tendra e custumes e lei.

"Seignur" fet dunc li reis, "bien auez tuz oi  
que l'arceueske m'a pramis, sue merci,  
k'il gardera les leis del tens le rei Henri.

- or uoil k'il le face greanter altresì  
 15 à tres tuz les eueskes ki suht ensemble si."  
 "Sire" fet l'arceueske, "e ieo bien le grant."  
 dunc se leuerent tuit, si furent otreiant.  
 mes cil de Salesbire se dreca en estant,  
 demanda l'arceueske s'il fereit altretant.  
 20 "oil" fet l'arceueske. fet il "e iel greant."  
 "Tut dis" fet li li reis "m'aeuz contralié."  
 "segnur" fet dunc li reis, "quant il m'unt otrié  
 k'il garderunt les leis ki sunt en nostre sié,  
 or seez purueu e si bien conseillié  
 25 ke mes n'ait plait des leis entre nus comencié.  
 \*21 Mes ore alez là fors, e si me recorderz  
 les leis le rei Henri, e si mès escriuez.  
 quant escrites serunt, puis les nus mustrez."  
 li reis i fist aler tres tuz les plus senez.  
 5 les escriz en unt fet e al rei aportez.  
 Dunc fu lit li escriz, oiant tut le tropel.  
 "seignur" fet dunc li reis, "n'ai soin de plet nouel.  
 or uoil que l'arceueske i pende sun seel."  
 l'arceueske respunt "fei que dei deu le bel,  
 10 ceo n'iert tant cum l'aume me bat en cest uessel."  
 Car cil ki li auient icest conseil loé  
 e li priué le rei l'orent aseuré,  
 se le rei en aureit de parole honoré  
 e ueant sun barnage li oust greanté,  
 15 ne sereit à nul tens escrit ne recordé,  
 E li reis en fereit tute sa uolenté,  
 e tuz curuz sereient entr'els pardunez.  
 or li reient del tut de couenant falsé.  
 or ne fia mes plus: trop a auant alé,  
 20 e pesot li que tant en auent trespasé.  
 Dunc se sunt li real autrement conseillié.  
 un cyrogrefe unt fet e en dous detrenchié.  
 à l'arceueske en unt baillie la meitié.

mes il l'a receu sur defens del clergié.

25 "seigneur" fet il, "par ceo saurom lur maluestié.

b Or ueum bien le laz dunt nus deuum guaitier.

seint iglise quiderent en cel laz trebuchier."

dunc s'en ala li ber: n'i ot que corucier

de ceo que ot granté cel malice plenier,

5 e l'amistié le rei ne poeit purchacier.

Pur ceo k'il ot erré einsî, se suspendi,

ne chanta tresqu'il l'ot l'apostoile nuntié.

bien uit purquei l'ot fet: si l'en a deslié.

pur deliurer l'ot fet le rei e le clergié,

10 l'un de mort e de mal, e l'autre de pechié.

Mes l'eueske d'Euerous (Rotrot l'oi numer)

uint dunc à Porecestre pur els dous acorder.

li reis dist que tuz dis em purreit pleidier,

se il ne poeit tant uers l'apostoile ourer

15 k'en sun seel uolsist les leis enseeler.

Par l'eueske Rotrot, ki mult le conseilla,

ses briefs à l'apostoile li bon prestre enueia.

k'il comfermt les leis li reis li depreia,

e pendi sun seel: mes il les refusa.

20 bien sot que par destrece la requeste fet a.

Quant ueit li reis Henris, del tut est refusez,

uers l'arceueske fu durement iriez,

e a pris sun conseil cument il ert pleissiez.

de fu des mals engins sis conseilz esforciez.

25 mult uolentiers se fust, s'il poust estre, uengiez.

\*22 Dunc li unt conseillié li prince e li baron,

s'il poeit de la pape auer greanteison

qu'à celui d'Euerwiz doinst la legation,

l'arceueske purra pleissir tut à bandon.

5 tut uendra à sun pié, u il bien uoile u non.

Dunc a dous de ses clers à la pape enueiez,

Johan d'Oxeneford, ki esteit traueilliez,

e dan Geffrei Ridel, ki ert apareilliez

del message furnir ki lur esteit chargiez.  
 10 à l'apostoile uont. il les a repuiez:

Car l'iglise, ceo dit, de seinte ternité  
 fu e est e deit estre de grant auctorité.  
 ainc cele d'Euerwiz n'ot sur li poesté,  
 ne par lui n'aura en tres tut sun eé.  
 15 ne unkes cil dui prelat n'orent ami esté.

Mes l'un des message fu forment malueiziez.  
 à la pape iura sur sainz agenuilliez,  
 de la legatiun se li reis n'esteit liez,  
 si tost cum les uerreit el pais repairez,  
 20 l'arceueske serreit del chief amenuisiez.

Mes l'apostoile fu hume de grant saueir.  
 ueit k'um deit fere mal pur pis remaneir,  
 dit la legatiun fera al rei aueir,  
 mes de nullui greuer n'aura pas ceo poeir,  
 25 ne celui d'Euerwiz ne purra aseoir:

b Car unes altres lettres erranment escriura;  
 en la tere à un sun priué les tramettra.  
 e se li reis Henris nullui greuer uoldra,  
 par sa legation defendre lui fera.  
 5 ia sa legation mestier ne li aura.

## NACH 4b 30:

\* 27 Deus eissilla Chaim ki sun frere tua;  
 les escumengiez od lui des bons seura;  
 la tere maldist deus ki le sanc engula  
 de la main al felun. mes l'aume esparnia,  
 25 e cels qui usent le sanc lur presme, escumenga.

b Nabugodonosor fist une ymage ourer,  
 d'or e d'argent mult grant à son semblant former;  
 à tuz par sun regné la fist aurer.  
 se ceo, s'is feiseit ocire u turmenter.  
 5 puis fist deus boef de lui à peistre herbe e user.



- Deus en refist uem puis apres les set anz.  
suuantes feiz ueums que li plus mesfaisanz  
deuient simples e bons e del tut repentanz;  
essamples est de bien as petiz e as granz;  
10 glorie del ciel li rent, dunt ainz ert perdanz.  
Dedenz Marie aueit set malfez herbergiez:  
de ses lermes laua as piez deu ses pechiez;  
de ses cheuols les a e ters e essuiez.  
en quel eé que seit li repentanz iugiez,  
15 de sun presme e de deu le salue l'amistiez.  
Saint Piere li apostre, ki la poesté a  
en ciel e en tere, par treis feiz deu nea,  
k'il nel connuisseit. le pechié fors geta,  
plura amerement, e deus li parduna:  
20 cil ki pardun requiert de bon cuer, il l'aura,  
Ne fu unkes oi ne troué en escrit  
que pechiere n'en eit merci, s'il le deprit.  
mas s'il se despeire u se neie u ocit,  
ne pot auer pardon, quant peche en l'espirit.  
25 sur tute riens ad deus misericorde eslit.  
\*28 E pur ceo que deus aime mult merci al iustise  
e plus misericorde k'il ne fet sacrifice,  
a li bons arceueske cele bataille emprise  
pur les clers maintenir e pur sa mere iglise.  
5 bien ueit que laie mein n'i deureit estre mise.  
Quant l'arceueske ueit, ne purra con  
l'amur al rei kil het cume del chief colper  
(car cuil het une feiz, nel uoldra puis amer),  
sun eire apareilla, si se mist en la mer.  
10 de iuste Rumenel comencent à sigler.  
Quant furent luinz en mer empeinz e siglé,  
li notunier ki i erent unt ensemble parlé,  
e à Adam de Cherringes dient k'il sunt desué  
ke l'enemi le rei unt del pais geté;  
15 lur e lur lignage erent desherité.

A l'arceueske uont tut ensemble parler;  
 dient li k'il ne poent cunter uent sigler,  
 ne nuls hum à cel uent ne purreit passer mer.  
 "quant nus estuet" fet il "pur ore retourner,  
 20 pernez port là ù deus uus le uoldra doner."

L'arceueske l'auait puis suuent issi cunté,  
 e à sun escient sunt pur ceo returné.  
 n'uncor ne l'auait deus à passer apresté,  
 n'il n'ot uncore pas el champ estreit esté,  
 25 n'à la grant eschermie dunt deus l'auait geté.

b Mes quant li reis oi qu'il dut estre passez,  
 mult par en fu dolent e forment trespensez:  
 car il le cremeit mult pur ceo que il ert senez,  
 e cremi k'il ne fust à l'apostoile alez,  
 5 e que tut ne fust mis en defens li regnez.

Mais ainc pur ceo li reis nel pot [li reis] fleschir,  
 pur ceo k'il ne s'en pot hors del pais fuir.  
 à Norhamtune a fet sun concile establir;  
 e prelaz e barons par ban i fet uenir,  
 10 tres tuz ces ki en chief de lui deiuent tenir.

A cel concile sunt cumunalment alé  
 li conte e li baron, eueske e abé.  
 l'arceueske Thomas ne l'ad pas refusé  
 k'il ne seit alez od cel altre barné.

15 mes li ber i alat od grant humilité.

En ses ostels ont fet lur cheuals herbergier  
 li reial ki bien sorent tut le conseil plenier.  
 e il a dit al rei, n'ira à curt plaidier  
 tresqu'il aura fet tuz ses ostels uoidier.  
 20 dunc en furent geté cheual à escuier.

Li ber i ert sumuns à ior numeement,  
 k'il fust prez à respundre iluekes en present.  
 el regne ot fet li reis un establissement  
 (as barons del pais turne à grant griueement)  
 25 ke chascun pert sa curt par un fals serement.

\*29

Se nul plaidast de tere en la curt son seignur,  
od sa gent i uendreit à sun premerain ior;  
e s'um li fesist de sun plet nul demur,  
à la iustise alast, si fesist sa clamur;

5 ariere reuenist, od lui dui iureur.

En la curt sun seignur iurast sei tierce main  
que la curt li oust esluinié sun dreit plain.  
par itel serement, u desleal u sain,  
alast cil en la curt al seignur plus procein,

10 tant k'en la curt uenist al seignur suuerain.

Johan le mareschal pleideiot ensement.  
en la curt seint Thomas clamot un tienement.  
pur ceo k'il n'ot dreit e ne s'espleira neient,  
sa curt li ad tolue par itel serement.

15 al rei s'en est clamez ki quiere sun griueement.

Là fist li reis sumundre seint Thomas pur pleidier,  
k'il i fust prez al ior e pur sei derainier  
de ceo k'il n'ot tenu Johan sun dreit plenier.  
il dit k'il fu enferms e ne pot cheualchier.

20 à dous des suens a fet le ior essunier.

Cele soine ne uolt li reis pas greanter:  
pur ceo fist l'arceueske à Norhantune aler.  
e li ber i ala: ainc n'i uolt eschiuer.  
à Seint Andreu se fist as moines osteler.

25 l'endemain li couint un mult grief fes porter.

b

Car al rei est alé le cungié demander  
d'aler à l'apostoile, ceo li dist, ultre mer:  
car Rogier d'Euerwiz feseit sa cruiz porter  
partut en sa paroisse, nel uolt souffrir li ber,  
5 e apelé en orent. si li estuet aler.

En l'endemain pur ceo al rei Henri ala,  
e à lui errament le cungié demanda  
d'aler à l'apostoile. li reis dit, n'i ira,  
mes de cele sursise errament respundra.

10 il dit k'il iert enferms e k'il le sunia.

Ainc essuines ne mals ne li pot rien ualeir.  
 li reis dit k'il uolt sun iugement aueir.  
 il uont al iugement, n'i uoldrent rien ueeir.  
 l'arceueske unt iugié cume gent senz saueir  
 15 à duner en merci cinc cenz liures d'auoir.

Nach dem Amen (83 a 25) folgt in der Pariser Handschrift:

L'abesse, suer saint Thomas,  
 pur s'onur et pur le barun  
 m'a doné palefrei et dras;  
 n'i faillent nis li esperun.  
 5 ne getai pas mes dez sur as,  
 quant jo turnai à sa maisun;  
 n'ele n'i ad mespris pas.  
 de me aura tel gueredun:  
 et deuant halz et deuant bas  
 10 par tut eshalcerai sun nun.  
 meillure femme tresk' à Patras  
 en nul liu ne trouereit l'un.  
 et les dames m'ont fet tut gras  
 chescune d'eles de sun dun.  
 15 or lur duinst deus tuz dis à tas  
 pain et vin et char et peisun.  
 et quant lur cors ert uiuz et kas,  
 deus face as almes ueir pardun.  
 ne dirai mes des ore at las!  
 20 car serui à seignur mult buen.  
 de co k'ai esté souent las  
 de rimeier sa passiun  
 il me rent bien nun à gas.  
 assez me troue guarisun,  
 25 or argent robe en mes sas,  
 cheuals, autre possessiun.  
 se nuls me dist "Guarniers, où vas?"  
 tuz li munz est miens enuirun.

ne di si bien nun de Judas,  
30 quant vent à confessiun.

Oede li buens priurs de seinte treneté,  
li couenz des seignurs, deus lui sache buen gré,  
m'unt fet mult grant sucurs, del lur suvent doné,  
maintenu an et jurz et entr'els gouverné.  
35 quel part que seit mis cuers, et de loing et de lé,  
à els est mes returs tut pur lur grant bunté:  
kar unc ne ui meillurs en la crestienté.















